

Alte Drucke

IVSTI LIPSI || EPISTOLARVM || SELECTARVM, || Centuria prima. ||

Lipsius, Justus

Antverpiae, 1586

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

urn:nbn:de:gbv:ha33-1-155000

IVSTI LIPSI
EPISTOLARVM
SELECTARVM,

Centuria prima.



Hauptbibliothek
des Waisenhauses.

ANTVERPIÆ,
Apud Christophorum Plantinum.

clo. I. lxxxvi.



DE VIRI CLARISSIMI

I. LIPSI EPIST. VERSICVL,

LITTERVLAS quondam solum laudare solebam
Tulli, praeq; istis nolle tenere alias.
Nugas! nam quod tum tua scripta impensius arsi,
Hdc nunc Maree mihi es vilior & leuior.
Ecce tabellarum Liber exit Lipsiacarum
Doctior, atque caput erigit e tenebris.
Iudice me cede & victimum te Marce fatere;
Aut certe aquatum Lipsiade calamo.

Fr. Raphel. filius.

IN IVSTI LIPSI
SELECTARVM EPISTOLARVM
CENTVRIAM I.

Si magni ingenium LIPSI nouisse voluptas,
Si mores niueos, pectus & ingenuum:
SELECTAS lege, dia, ô dý! monumēta, TABELLAS.
Hus in litterulis LIPSIUS ipsis inest.

Th. Ef.



AD PRÆTOREM,
C O N S V L E S,
E T
S E N A T U M R E I P.
V L T R A I E C T I N Æ.

Viri Nobiles, Viri Prudentes,

PISTOLAS meas aliquot , quas his diebus collegi , & errantes redegi sub vnum huius Centuriæ velut signum , visum mihi in lucem dare : idque sub tutelâ nominis vestri. Caussam quæritis? duplarem habete , vtramque iustum, certè veram. Prior ad me: quia lucem aliquam tenui huic & per se obscuræ scriptioni conci-

* 2 liare

liare conatus sum à luce vestrâ.
Splendet enim antiqua, potens,
amoena, vestra vrbs inter Belgicæ primas: & vos in eâ, per
prudentiam & virtutem. Quæ
diffusa inter vicinos: imò iam
etiam longinquos. & rara, opi-
nor, in Europâ gens, ad quam
non penetrauerit fama aliqua de-
vtroque. Illustres igitur vos, & in
illustri loco. ac meritò radium
aliquem famæ operi huic sperem,
cuius frontem insideat mihi du-
plex hoc sidus. Caussa altera ad
vos, aut certè à vobis. Beniuol-
lentia enim inuitauit me vestra &
comitas, quâ publicè ac priuatim
insigni semper in me vsi. Omitto
amicitias, quæ mihi cum plerisq.
vestrorum ciuium artæ: sed pe-
dem

dem nunquam in urbem vestram
posui, quin clara mihi signa ex-
imij cuiusdam adfectus & cultus.
Cum honore & amore venientem
excepistis, hærentem habuistis,
abeuntem dimisistis. Quo meo
merito? nullo, fateor: sed solo im-
pulsu beneficæ & humanæ natu-
ræ, quæ velut fato aut Genio, in-
ter adsitas omnes gentes, propriè
vestra. & præsertim in eos, quos
nomen aliquod doctrinæ com-
mendat aut litterarum. Quod eò
maiis vestrū beneficium; quia
tam munes in re & verbis haëte-
nus immunem. Id ne vltra sim,
verborum ecce saltem & scripti
munus hoc capite: Epistolas in-
quam meas, nouum & veterem
ingenij nostri partum. nouum

* 3 dispo-

dispositu, compositu veterem. sed
partum profecto infirmum, in-
formem: & quem per diuturni
hoc morbi tedium nec fingere
nec polire mihi mens, quemque
abiecisse verius videor quam pe-
perisse. Vos ei non tutores, sed
patres: tangite, tollite expositam
& depositam hanc prolem: &
in primis auctoritatis vestrae scuto
defendite contrâ maligni liuoris
dentem. Quæ enim alia materies
facilior stringi, aut admorderi?
Epistolæ sunt: id est, familiares
quidam & liberi conceptus, pro-
pero quodam &, ut sic dicam, ca-
lido sœpè calamo effusi. Quam
facile voculam hic aliquam siue
sententiam carptor excipiat, quam
trahat in culpam? A quâ tamen
non

non minus facile liberales omnes
mentes me liberent; & præsertim
eæ, quibus non ignotæ epistolares
leges. Quis tria illa nescit in epi-
stolâ adspici, cui, quando, vbi
scripta? In quibus si à decoro ni-
hil abitur; omnia recta, etiamsi
non usquequa recta. Dantur
videlicet quædam auribus, locis,
temporibus: quæ, iniustus ille iu-
dex, quisquis dirigit ad rigidam
iusti lancem. Cur non liberè ali-
quid apud amicum, indicem aut
iudicem, & effundam aliquem
animi mei sensum, quem vulgo
nolim? Ita more, imò naturâ fit.
& vitam è vitâ tollat, quisquis
ista. Attamen non edenda hæc
erant, inquiet. Haud valdè dis-
sentio. & quieti suæ, etiam me iu-

* 4 dice,

dice, consulat, quisquis non vul-
get ea ante suam quietem. A mor-
te inquam edi epistolæ debent, si
fugere lubet morsum. Nec alia
mihi antè mens. sed, rem dicam,
morbis hic imposuit: qui, quod
diu facere minatus, nondum fecit.
Dum ille me trahit, & medico-
rum quoque iudiciis, lentè dicit
ad metam: collegi hæc & plura,
sed tanquam moriturus. Solonis
opinor est, ad quærentem Pisistrat-
um, Quæ res eum faceret tam
animosum? Senectus, inquiit:
pariter & pari caussâ, me Valetu-
do. Quæ ipsa ut paullò melior,
mens mihi statim mollior: & re-
cepi à Typographo plerasque epi-
stolas, quæ iam datæ. Has pau-
cas tamen quin ederem, effugere
non

non potui; re iam cœptâ, sermo-
nibus & epistolis diuulgatâ. Ha-
bete has igitur, Viri magni, spe
non re postumas: fauete, fouete.
ita deus vos & vestram urbem ci-
uilium hâc bellorum flammâ ali-
quando eripiat, quâ vndique
nunc cincti. Lugd. Bat. Idibus
Nouemb. ∞. I^o. LXXXV.

* 5 LECTO-

LECTOREM M E V M
SALVERE I V B E O.

N tibi Epistolas nostras, mi Lector, sed in parte. & eam ipsam partem, non mentior, agrè, trepidè emisi, & quodammodo volens nolens. Volentem me sanè volentia tua facit: cuius fauoris aura suauiter adhuc mihi spirat. nolentem, argumentum. Primum, quia id tenue: nec famæ ab eo magna spes. Epistolas enim meras damus: diales nostras nugas, iocos, lusus, & cum amicis garritus. Quid serium hic magno opere, aut cultum? quin epistolæ esse desinunt, si nimis tales. Ordinem aut dilectum in materia, curam aut limam in stilo quispiam ex spe stat? à me, aut apud me, frustra: quia in blandiente illâ hæresi ego, vt epistolas sub manu nasci debere censem & sub acumine ipso stili. Atque adeò (dicam verè) bis non scribo, bis vix eas lego. Profluunt mihi ex liquido quodam canali aperti pectoris: & vt animus aut corpus meum est cum scribo, ita illæ. Victor meus

meus solitus dicere, indices ei semper valetis-
dinis nostræ meas litteras, etiam cum non
indices. Nec falsò. Languent enim illæ, ex-
citantur; dolent, gaudent; calent, frigent me-
cum. Affectus animi corporisque mei in hac
tabellâ. Quod si quædam in his serie: ta-
men paucæ, et preponderat, vereor, leuio-
rum multitudo. Nam nullas esse falsò di-
ixerim. quia interdum intercurrunt totæ et
ex professo tales, philologæ aut philosophæ, et
salubrium aut docentium præceptorum plene.
Consulimus, monemus, cauemus, apud iu-
uentutem præsertim: quam cura mihi semper
ad utilia non solum ad amœna ducere, et
animo ac robore ponere suprà hunc vulgum.
Quasiphas si paullò diligentius scripsi, et
velut percolisi digniori quâdam sermonis ve-
ste: nihil, credo, peccavi. quia hoc quoque
sine curâ meâ magnâ, sine ambitu. cuius ma-
nus nimisquam facile mentem sequitur: et
cum impleuit eam materies grandior, char-
tam mihi vtrò verba. Famam igitur sive
laudem sperem hic haud magnam: et si facilli-
ma eademque operosissima res sit, epistolam
scribere

scribere recte. Cottidiè eas pangunt, edunt.
sed dicam liberè, nondum vidi quas iterum
velim legere, præter unas Politiani. At in-
famiam hic qui non timeam, cum oculos siue
ad ænum hoc flexi, siue ad rem ipsam? illud
quidem prouum ingerere calumnias, hanc na-
tam accipere toto sinu. Detegimur enim in
epistolis, et subiucimur oculis pœnè nudi.
Nosse me, aut aliud vis? epistolas lege, que
depingunt. Ingenij mei, adfectus, iudicij, imò
et vitæ non vana imago istic. Alibi fucus
et simulatio habitat: hic candor, hic veritas,
et non nisi nativus ille color. Qui simulet in
subitâ illâ et sæpe calidâ scriptione animus?
non potest. Qui apud amicum et se alte-
rism? non vult, non debet. Reuera enim de-
prehenditur aut emicat, prius quam se componat:
nec velum ei ducere succurrit, quo tam
citò, et apud tales se tegat. Protrahit igitur
hominem maximè hæc scriptio: et ideo iudi-
ciis calumniisque exponit. De te tuisque me-
moras? quod carpant reperient, ut vanum,
stolidum, iactabundum. De aliis? hic quo-
que, quod carpant. Illi in laudes nimis pro-
nus vi-

nus videbere , alij in reprehensiones : huic ad
superbiā vergere , alteri in adulatioñem pro-
clinare . Denique in publicā & ciuili re , sub
cineribus qui occulti ignes ? Pietatis mihi
rem alibi tange : apud hanc aut illam partem
peristi . Reges aut status : cadauer es & fu-
nus . Atqui hec in epistolas sāpe intercur-
rant necesse est , aut ne currant illæ . In qui-
bus omnibus et si nos (quantum prudentia
quidem mea tulit) temperauimus : tamen ve-
reor ut temperet sibi à me quoque intempe-
ries quorumdam . Voces iam audio , & præ-
uideo . quid ad me ? ego à verâ culpâ tantum
abesse me scio , quantum carptores illos à ve-
râ laude . Improuide fortasse alibi aliquid di-
ctum emisstij illi oculi reperiant : at nihil im-
piè aut malignè . Hoc testor , hoc profiteor .
mali iuris , mali moris ille , quisquis aliam
mentem mihi affinget ex suâ mente . Nec
hoc te lædat , quod vnum aut alterum alibi
læsi . Apertè , fateor , nec tamen nominatim .
Se ille quicumque est prius prodat & accuset
necessum est , quam me . Cur non liceat ? pe-
stes & vitia hæc hominum detegi , ex vsu
homi-

hominum est: et si non ipsos. Peti se illi sentiant, alijs suspicentur. In hoc tamen quoque, sicut in ceteris, si quid peccatum: post emendabitur. quia nunc unicum hunc librum velut in gustum damus, & periculi faciendi causâ. Emitto inquam hanc Centuriam, aut premitto verius ex Epistolari meâ legione, tanquam ad incerta itinerum exploranda. si nulli aut pauci hostes, fiderenter omnes copias producam in hunc Famæ apertum campum. sin laquei & insidiæ; quiescam, & tenebo me iure in fidis silentij castris. Tu ô bone, faue, ama, fauentem, amantem.

INDEX

INDEX EPISTOLARVM QVÆ AD ALIOS.

- A BRAHAM O Ortelio, Epistola **LIV.**
Adolpho Metkercho, Præfidi Flandriæ, **X C I V.**
Alexandro Ratloni, **XII, XXXIII.**
Amico cuidam, **LXII.**
Andreæ Dammio, **LXIX.**
Andreæ Ellingerio, medico, **I X.**
Andreæ Dudithio, Cæsaris Consiliario, **X C II.**
Aug. Busbequio, Cæsario Legato, **xix. LXII.**
- BON AVENTURAE Vulcanio, **LXV.**
- CAROLO Clusio, **X L I X.**
- Consulibus & Senatui Antuerpiensi, **L VI.**
- Cornelio Prunio, **L IX.**
- Cornelio Valerio, **I.**
- D OM INIC O Lampsonio, Leodicensi Episcopo, &
Principi à Secretis, **L X.**
- E R R I C O Memmio, **XXC VII.**
- Euerardo Polioni, **X VI, LXXXIX.**
- F LORENTI O Thinnio, reip. Ultriae & Syndico, **xc.**
- Francisco Benfio, **L II.**
- Francisco Modio, **XXVIII.**
- Francisco Raphelengio, **XXXV.**
- Francisco Raphelengio, Francisci filio, **LXXVII. XXCII.**
- G ABRIELI Rœlandio, **X LVII.**
- Gaspari Schuermanno, **X L IV.**
- Georgio Benedicti, **LXXIII.**
- Georgio Ratallero, **XXV.**
- Gerarto Falkenburgio, **I V.**
- Godschalco Steewechio, **X LI.**
- Gulielmo Breugelio, Regio Consiliario, **I IX.**
- H ENRICO Ranzouio, vicario Regis Daniæ, **XXCIX.**
- Henrico Wiltio, **LV, XCIX.**
- Hieronymo Berchemio, **XXI.**
- Hugoni Donello, Iuris. **LXXVI.**
- I ACOB O Cuiacio, **LXVII.**
- Iano Dousæ, **III. XV, XXIII, LXI.**
- Iano Grutero, **XCIII.**
- Iano Guilielmio, **XXXIX, LXVI, LXXIV.**

Iano

Iano Hauteno, Epistola L.
Iano Lernutio, xiiii, xx, xxvii, xl, xli, xxxvi.
Ioachimo Camerario, Doctori Medico, LXXV.
Iohanni Rotario, xcix.
Ieanni Sambuco, xxxvi.
Ioanni Mærentorfio, LXXII.
Iosia Mercero, xxxii.
Iosepho Scaligero, Iulij filio, vi.
LAEVINO Torrentio, LXIV, XCVII.
MARC O Antonio Delrio, Consiliario Regio, XIV.
Martino Lydio, LIX, LXXXIX.
NICOLAO Florentio, XXX.
PAVLO Busio, XXCIX.
Paulo Melisso, XCIII.
Petro Egimondo, c.
Philippo Lanoyo, XXII.
R. Pincæo, Senatori Regio, XXCV.
Rolando Wincelio, XXC.
STEPHANO Pighio, v.
THEODORO Leewio, Consiliario, xix, XXVI, XXXI,
XXXVII, XLIII, LXI, LXIX.
Theodoro Cantero, XLII.
VALERIO Collino, XCV.
Victori Gisclino, II, IX, XXVII, LXX, XXXI.

INDEX EPISTOLARVM
QVAE AB ALIIS.

ANDRAEAS Dudithius, Epist. xcii.
Augerius Busbequius, xvii, XXXIV.
CAROLVS Clusius, XLIX.
GABRIEL Roëlandius, XLVI.
Georgius Ratallerus, XXIV.
IANVS Guilielmus, XXXIX.
Iosephus Scaliger, Iulij filius, vii, XXIX.
LAEVINVS Torrentius, XCVI.
MARCVS Antonius Muretus, XI, LIII.
PHILIPPVS Marnixius, LVII.
R. Pincæus, XXCIV.

I. LIPSI

IVSTI LIPSI
EPISTOLARVM
CENTVRIA I.

EPIST. I. Louaniwm.

CORNELIO VALERIO S. D.

VIT AE genus, quod à reditu
elegeram, & indicaui præfens
tibi mi Valeri, & probauit.
quietum istud, modestum,
latens, remotum ab ambitu
& à curis. Et iam ingressus serio eram: cum
(ecce subita vim Fati) vereor ut subito id
mutem. Nam tempora quæ impendeant,
vides; & quæ tela improuisò exorsa ciuilium
bellorum. quæ si pertexitur, & nisi stamen
eius ac subtemen pax aliqua abrumpat, stare
mihi diutius non licitum in hoc loco. Quo-
modo enim? exposito cottidie non rapinis
solùm militum, sed iniuris. quorum quām
libera licentia sit, nosti. Heu vitæ legei!
cui annexum, angi & dolere in omni sorte.
Itaque agellos istos mente iam defero, &
specto Grudios vestros. non planè inuitus,
fateor, cum te cogito & Canterum nostrum:

A

quem

quem tamen audio & doleo in lento esse morbo. Quid autem? tabes ea est & marcor? an quis alias languor? De illâ, visus mihi dicere medicus Gemma. Quod Musæ tamen prohibeant, & diurnarc paullo magis in terris velint Parnassium hunc alumnum. Sed caussa morbi quæ? studia, an curæ?

*Morbos
enim pro-
ducere &
cura solent.

*Epist. v.
lib. III.

**Τίντεσι γάρ τοι ναὶ νόσους δυσνηματικούς.*
ait Tragicus. De studiis magis credo. quæ calidè ille nimis habuit & intentè. Numquam vidi tam indefessum ingenium, & laboris huius Musici aut appetens magis aut ferens. Semper ille in libris, chartis, noctu, diu, assiduus, accubuus: nec dies solum omnes appensi & numerati ad hanc curam, sed horæ. quas singulas ad clepsydram diuidere & attribuere ille solitus, huic lectioni aut huic scritptioni. De Plinio suo* scribit. & iactat alter Plinius? atqui torpor ille hominis & desidia mera, si cum hac assiduitate comparetur. Nos, mi Valeri, remissiores: & si per hanc viam mors, sum immortalis. Vis scire quām ignauiter cessem? Tot protela admonitionum tuarum nondum effecere, ut vel manum admouerim Commentario Corneliano. Ita subiit me ignauiae huius dulcedo: & quod illeipse Cornelius ait, *inuisam primò desidiam, nunc amo.* Mutabor fortasse

incipit A

fortasse cum loco. Tuus certè non sermo
solum excitabit me, sed vultus. quem iure
vereor & veneror, ductorem doctoremque
meum in meliore hoc animi cultu. Vale.
In Iscano meo. a. d. XII. Kal. Decembr.
sc. IO. LXXV.

EPIST. II. Brugas.

VICTORI GISELINO S. D.

R A R A S à te litteras, mi Victor, accipio:
sed certè caras, stillantes mero melle &
amore. Vellem vtrumque. vt & diligen-
tiam tuam amare possem, & affectum. At
principium tuum vanum de abitu meo Co-
loniam. Vnde hoc autem? ab amico aliquo,
an à famâ? Non enim à me certè, aut meis
litteris: nec vñquam mihi fuit in mentem.
Apage illud scelus (ita loquor) vt pedem hac
prouincia efferam, non visis vobis. Et sanè
paullum modò hic morbus perseuerasset,
veniebam ad te non solum corporis sed ani-
mi medicum mei. Nunc, cum deo fauen-
te, reualui, & gallum debeo Æsculapio tuo.
O diecula illa, quam vñà mecum exoptas,
quando exoriere? quando te & Lernutium
in Iscano isto complectar & fruar? quando

A 2 in per-

in pergula illâ ad Lunæ lumen garriemus,
bibemus, viuemus? Di amicitiæ præsides, re-
præsentate mihi hoc votum. Festino enim.
quia ut cogi nubes has video, breui dabunt
tempestatem. Circà nos militares globi:
qui vereor non ut interpellent, sed pellant.
O locum hunc beatum, absque metu isto
sit! A Samboco herè ad me litteræ, sane-
quàm amicæ. Humanissimum virum co-
ràm repperi, non pro opinione meâ (tecum
hoc sit) litteratum. Ita in his quoque rebus
ludit & illudit illud siue Fatum siue Fortu-
na: & quidam merentur famam, quidam
habent. Inter illos, in eâdem Germaniâ
Andräam Ellingerum noui, deus bone, vi-
rum magnum & penitus doctum! at ille pa-
nè ignotus latebat & fallebat inter suos. Ita
fatua sœpe huius æui iudicia, aut iniqua. Et
nos quid speremus, aut laboremus? Dormia-
mus potius, aut cucurbitas pingamus. Quo-
rum alterum ego quidem iam facio. Scripsi
enim hæc ipsa ad lychnum, labente manu,
premente somno. In Iscano meo. III. Non.
Octob. 10. LXXVI.

E P I S T.

A

EPIST. III. *Lugdunum Bat.*

IANO DOVS A. amicissimam
salutem mitto.

Ecquid tinniunt tibi aures, mi Dousa? Ita multus non in sermonibus meis solùm es, sed in litteris ad amicos. Vel nunc cum Rogersio nostro, quām multa, quām suauis, de te fabulatio? Adeſt enim mihi, ne nescias, hoc ipso tempore, & quidem in mensa. Ita dico, in mensa: & in eā mihi hæc scripta. Abituriebat enim ille. nec fas certè sine meâ manu: pñè scripferam animo, quem ille à me exſulem auferet ad te secum. Non sum ex iis qui

Composita dicta pectore euoluunt suo;

Quæ cum cōponas, dicta factis disperant:
vt ait Attius. audi, Dousa, veram vocem. mens omnis & adfectus apud te est, ex quo legi suauissimos & felicissimi Genij tuos versus. O te magnum, & mei stomachi vatem! Non Musæ ipsæ Lipsium magis ament, quām ille te. Itaque non vltra fero desiderium. &, nisi res nostræ turbidè porrò turbauerint, cis paucos dies excurram: & usurpabo istis oculis, quem nunc auribus tantum & lingua. De Giselino nostro & Lernutio,

omnia recta. nisi hoc tamen , quod uterque
nuper in vincla coniectus (percutio te? pone
metum.) nuptiarum. Etiam ego in hoc car-
cere. si vires, veni & Iunones nostras vide.
Salutem mellitissime. Louanij, Nonis Apri-
libus 15. LXXVII.

E P I S T . I V .

Vbios.

G E R A R T O F A L K E N B U R G I O
S. D.

MVNVS vestrum accepi egregium, mi
Falkenburgi, imò regium. Et cur non,
vestrum? ego scio Redigerum caput huic
dono fuisse, te pedem. nec tam benito
conciliatori minus debere me fateor, quam
datori. Animus enim est, quem in his tali-
bus specto: nec pretium iis vñquam à se fa-
cio, sed ab affectu. qui in te certè maior.
Aurum autem ipsum, quid nisi splendens
quædam terra & nitidius paullò lutum? Iu-
dicium tuum de libellis nostris mihi gra-
tum. sed utinam iudicium! siue tamē amor,
is quoque gratus, quia magnus: nec aliter
vñquam tam rectam certamq. mentem co-
geret in errorem. De lapsu memorie quod
subimones, verum est: corrigam libens.
Quod autem his & ad Pulmannum litteris
iteras

LXXXVII

iteras & pungis de seruitute: audi quæsolibet
re & diffusius paullò meum sensum. Ego qui
status patriæ huius sit, nec ignoro mi Falken-
burgi, nec nego. (aspera in eo multa fateor,
intenta, rigida, præter mores, præterque le-
ges.) sed hoc quoque scio, qui meus. Apud
me ecce & in ruscuso meo viuo: cur angari,
quid Cotta aliquis aut Carus moliantur in
aulâ? Vim aliis inferunt? nondum mihi
opes delibant aut diripiunt? pereunt eæ-
dem absenti. Ad impium aliquid adigunt?
numquam. Mentem enim istam liberam
quis tyrannus mihi artat? internam senten-
tiā quis cogit? cultum metumq. diuinum
è pectore isto quis eripit? Et si velint: ecce
sacram ancoram,

*Τίς ἐστι δεῖλος τὸ θεωρεῖν αὐτοποντικόν;

Hoc enim firmum aduersus externa omnia
telum, non timere propter quod timen-
tur. Sic Socrates affectus, qui Athenas non
deseruit, infessas non uno sed triginta tyran-
nis: sic Seneca, qui sub Nerone, imò cum
Nerone vixit: sic Heluidius, sic Thraseas,
& magna illa sapientum manus. Me cur in
alia vocas? Animo diffidis, aut annis? noli.
Nos enim mi Falkenburgi in iuuenili hoc
pectore sic affecti. vt deum, virtutem, &
me constanter colam: non adulter imperan-

*Quis ser-
nus est, per-
ire modò
qui non ti-
met?

tibus, sed nec irriterem: & cum Corneliano il-

*De cuius lo *Lepido, *inter abruptam contumaciam & cautâ prud- deformē obsequium, pergam iter ambitione ac dētiâ apud Tacitum, periculis vacuum.* Periculis inquam, quo- Annal. i. v.

rum non ego (humanitus quantum licet) occasio aut caussa. Quod si aliunde & ab externâ vi ingruant, quomodo aut vbi excludam? Non Vbij vestri ab iis me liberent, non liberae omnes Imperij vrbes. Sed reuera (dicendum est) peccamus multi in hanc partem. prouocamus pericula, & lacestimus saepe imperantes vanâ quâdam specie aut superbae libertatis, aut incautæ pietatis. Modestia autem est quæ deo placita, & his qui dij in terris. Reges ut fulmina esse didici: dura frangere, mollibus plerumque illâsis.

Itaque hæc tempora, vt nimbum, habeo: donec desauierint, latito & me tego. Nec nimium tamen de sauitiâ illorum queror: quia scio exoriri posse deteriora. Rusticulus ille mihi in mente. qui diu de Antigono rege viuo questus, cum obiisset successore peior: terram laboriosè inuertens & votorum iam pænitens, Antigonum, inquit, refodio. Faxit & ille deus, vt hic turbæ nostræ stent, neu breui procellæ ingruant sauiores. Sed hæc seriora fortasse quâm pro epistolâ. occasio tamen iis ex iteratâ tua accusatiunculâ:

culâ: & gaudebo, si consilij mei ratio proba
iam apud te probum & consultum. Talem
enim non minus repperi, quâm amicum
mihi: qui ut esse semper perseueres, rogo.
Vale. Ad Redigerum ipsum scripsi seorsim.
In Iſcano meo, Kalendis Sextilibus. Anno
ꝝ. I. C. LXXV.

EPIST. V. Vienne.

STEPHANO PIGHIO tranquil-
lam hanc noctem precor.

FIDE M meam culpas? audi. Prandium
mihi hodie apud heroëm nostrum (non
enim virum dixerim) Busbequium. post
prandium, longiusculæ etiam fabulæ (sed de
litteris) ut apud illum solet. Hæc res diem
mihi abstulit, & me tibi. Ignosce, & iam
cognosce. Nam de Prætorum lictoribus, li-
ticulæ nescio quid adfero ad te nostrum Præ-
torem. Vulgus & auctoritas veterum sex
eos facit. loca & testes tibi noti. At duos fuī-
se tantùm, lex vetus mihi ingerit, apud Cen-
forinum ista. Prætor urbanus qui nunc est,
qui postbac fuerit, duos lictores apud se ha-
beto. usque supremam ius inter ciues dicito.
Cauillari poteram & effugere, tanquam mi-
nimum duos lictores lex esse vellet; de plu-

A 5 ribus

ribus non vetaret. sed ligauit iterum meus
Plautus: apud quem in Epidico clarus ab
hac re iocus,

*At enim unum à Præturâ tuâ Epidice ab-
est. E p. quidnam? T H E. scies.*

Lictores duo, duo viminei fasces virgarū.
Inter ornamēta ecce Prætoria disertim duos
lictores numerat, duosque fasces. Hac re-
prehensione, huc ibam: vt censem Plauti
& veteri illo æuo haud plus duos sanè fuisse,
at numerum postea auxisse, splendoris ma-
ioris caussâ. Sed hoc quoque diuerticulum
interclusit mihi importune tuus Valerius: in
quo lib. i. cap. i. lego De Furio Bibaculo:
*Prætor sex lictoribus præcedentibus arma an-
cilia tulit.* quod factum notæ tuæ Chronicæ
referunt in annum vrbis D X V I: id est, ante
adultum Plautinum æuum. An Prætori ur-
bano & peregrino si fortè bini tantum: aliis
extrâ vrbem, & ad auctoritatem apud subdi-
tos, plures? Iuua, iuua: angor ego & resisto.
Præmium tibi operæ, cænula cras apud me
in diuersorio noto. sed eâ lege, vt ambu-
latiuncula præcedat ad siluulam nostram
Querquetulanam. Salve à tuo Lipsio, &
dormi. Viennæ, Idibus Iuniis ∞. I o.

LXXII.

E P I S T.

audiri

A

EPIST. VI. In Pictiones.

JOSEPHO SCALIGERO IVLI F.
S. & amorem nuntio:

Qui verè erga te magnus. Nam iam
anteà, mi Scaliger, cùm veneratione
quādam amabam te, paternæ & tuæ virtutis
caussâ: nunc magis, cum te quoque video
conspirare mecum in hoc adfectu. Nam,
quâ de me erant, litteras tuas Plantinus mihi
legit: & amicas valdè, & honestas. Atque
in amore quidem tuo, gaudeo: in iudicio,
triumpho. quia (verè, & ex animo) si quis-
quam est proborum, cui probari me meaq.
velim: is tu es, inter probissimos primus.
Nam hunc vulgum, morus ego si morer.
Epistolicas his diebus emisi: rude opus, nec
istarum aurium. Vide tamen: & agnosce
nos in litteris multa velle, te posse. De Plau-
to quod item ad Plantinum: apage. egóne
ante te? Iamdiu libraui hoc onus, cui impar
ista ceruix. Tu hic vnuis Hercules siue Atlas
nobis, & fulcire debes comicum istud cœ-
lum. De Nonio etiam cogitare te audimus,
verónē & serio: item de Manilio. sed litteræ
tuæ nihil tale nunciabant. Credimus ta-
men: quia hæc omnia periocum & ludum
te posse

te posse scimus, in quis alij sudant. Aquila in nubibus, quod Græci dicunt, verè tu es: vi des imò peruides omnia; & quidquid venaris, capis. Sed desino eiusmodi sermonum: quia reuera

*Leue do-
num, sa-
pienti pro
multis la-
boribus di-
bere landes.

*Kέρα δόσις αὐτῷ συφάδιον οὐδενί πάντα
Αὐτὶ μόχθων παντοδαπών ἐπος εἰπεν αὐτῶν.
Tu salue, & me ama, qui te æternū. Lou-
uanij, a. d. v i. Kalendarum Decembrium.
c i o. l o c. lxxvi.*

E P I S T . V I I . Louaniām.

I O S. SCALIGER IVL. CÆS. F.
DOCTISS. I. LIPSI O SVO S.

MISIT ad me Lutetia literas tuas amici
cus noster Christ. Plantinus. Ego, mi
Lipſi, ex quo primū scripta tua legi, cœpi te
amare, & egregias animi tui dotes admirari.
nihilq. ad summam illam voluptatem, quam
ex scriptis tuis capio, deesse mihi videtur
præter complexum tuum, quem ego nactus,
ita mihi Mūſe faueant, numquam dimitte-
rem. atque utinam ita præfente te ἔπος τε φέ-
γεναι, ἕτερον διηγεν liceret, vt te saepius in le-
ctione libellorum tuorum alloquor, atq. me-
dius fidius interdum ἀντομεῖ compello. At-
que vt ego tibi hæc scribere cogitabam, ecce
me ipso

me ipso in articulo oppressit puer, qui mihi literas à doctiss. Cl. Puteano dedit vñà cum politissimis Epistolicis quæstionibus tuis. Nam quamvis nondum eas legi, quia nunc mihi hæc scribenti redditæ sunt, quare aliter, quam politissimas vocem, quæ sunt à Lipsio meo? sanè non dubito quin eas cuserit optima moneta officina tua. Et ut verum fatear, subiit me gloriolæ χαριτωμός, dum inter tractandum limis nomen meum legi. vtinam per tabellarium liceret illarum lectioni præuortere, sed scribendi munus non potui defugere, quia per opportunè inueni, qui has tibi reddendas curet. De Plauto non est, quod aliud à me exigas. tu potius απέχεσθαι τον ποίησιν. Interea tamen Catulum nostrum cum reliquis duobus poëtis ad te ferendum curo, si typographus non fefellerit. Ego huc in otium secessi. Equidem casum patriæ tuæ molestè fero. sed & nostrum tu lugeas licet, qui toti in belli scuissimi expectatione sumus. Africa terribili. nosti cætera. Plautum Lambini si vidisti, non admiraris, certò scio. Est enim germanus planè illius Horatij Lambiniani, qui commentariorum mole laborat. In hoc secessu nihil penè librorum attuli. Itaque planè sum ērōνθῶν ἐρημίᾳ in loco tam à literis, quam à libris

libris vasto. Tu, interea dum ego hic neque mihi neque alteri prosum, fac felicius, quam me, in otium te dedisse putemus. Nam profecto inter hos armorum strepitus & d^reⁿ g^rov^umu^s omnino possum παρεγνωδωνεσ. Conabor tamen, si possum, editionem Psalterij mei, quam molior, aut per me, aut per alium emittere. Hexaplun fori, Hebraicè, Syriaçè, Æthiopicè, Arabicè, Græcè & Latinè, vñà cum scholiis, & in eas aliquot linguas præceptis. Tu nobis & Plautum, & Novium, & alios exornatos dabis. Neque est, quod à me exspectes. me vide. Ego frequentes à te eliciam si possum. amiculi gratum in te animum despexis, caue. Vale. Datum Tuffoli in Pictonibus ad Viennam flumen. Prid. Id. Feb. 80. Io. LXXVII.

E P I S T . V I I I . Bruxellam.

GVLIELMO BREVGELIO
REGIO CONSILIARIO,
cognato meo s. d.

N.B.

MAGNUM sed amicum mihi dissidium tecum est, de agro deque urbe. Tu istam præfers, ego illum: & rationes mihi, nisi fallor, magis firmæ. Quas quoniam herè inter differendum lcuiter libauimus, vñne arridit hac

hac epistolâ (otium enim & libentia mihi) promam accuratius & diducam tibi per partes? Scio velle. aurium tantum, ut sic dicam, vacuas ædes mihi aperi: & admitte, sodes, peregrinantem veritatem. Agrum & in eo cultum, meliorem Vrbe esse aio, ad Sapientiam, ad Mores, ad Voluptatem: addo & Fructum De Sapientiâ: non negabis, quin illic aptior ad eam animus, vbi is liberior & magis sui iuris. talis autem in agris est. Opida visc & adi: non effugies, quin vnâ tumultus, procellas, turbas. Circumstrepent enim tē subitò res hominesque: & negotium tibi non solùm tua negotiâ facient, sed aliena. Ut difficile est in conuiuio lauto & opiparo solum esse siccum & sobrium: sic vacuum, inter tot occupatos. Ille ad sponsionem te trahet & ad forum: ad nuptias alius & ad templum. In ipsâ via clamores alibi & lites: pugna nonnullibi & armâ, & mox iudex, lictor, carcer. Domum ipsam tuam cùm vénoris: ne in secretum venisse te cense aut penetrale. Irrumpent ecce salutatores, inuisores, & nomine amicorum quidam fabulas imò epulas captantes. Hos nullum limen submouet, nullum velum: & per omnes rimas inuolant importunæ illæ muscæ. Inter ista & inter istos, quis libris

liber

liber locus? quis cogitationibus? sine quibus an ylla legitima ad Sapientiam exercitio aut via sit, haud cerno. Et tamen fac te felicem aut fortē: otium aliquod in ipsā vrbe diu luctatus tibi vindices: nego id liberum, firmum, aut aptum animo vegetando. Spernit enim naturā suā includi cælestis ille ignis, & aërem amat ac campos. Ut generofas feras cauea domat & frangit: sic altas mentes vrbicus ille carcer. Equum ad cursum apertus & liber circus prouocat: animalium ad studia, vagans vacansque aura. Siluam illam viridem videt? hīc carmen auet aut hymnum deo pängere. Horti illam purpuram? hīc cum libellis suis decumbere. Aquæ illud murmur? ad eam altiori cogitatione abiici. Et nocte ipsā aut sub eam, pictum illud patensque cælum eum capiet: & inter tot stellas errantes aut inerrantes, à curis terrisque erro, mente scandet super illas. Adde quod hīc altum securumque otium: nemo qui appellat, aut interpellat: & amicissima semper studiis, solitudo & quies. Vides igitur quæ in hac parte ager ante vrbem habeat: nec vanè à Columella scriptum,
 Vitam rusticam proximam & quasi consan-
 guineam sapientiae esse. Quod si nunc ad Vi-
 tam me vocas & ad mores: bonâ fide, vtrubi,
 te quo-

te quoque iudice, illa innocentior, & hi priores? veritas tibi exprimet, in agris. Oculos paullisper coniice in magna illa & commerciis crebra opida: mentior, nisi ambigas coetus illic hominum an confluges vitiorum. Adfert enim seorsum quisque suas culpas: quas mixti vulgant, & velut contagie, tradunt inuicem capiuntq. morbos animorum. Quin ut flumina per se dulcia, cum in mare venerint, salescunt: sic homines haud mali, ex agris in urbem redacti, tactu inquinantur & mixtione. Illic enim ambitione, auaritia, libido propriè habitant: & fons omnium vitiorum, depudere. cui origo, non negabis, ex crebro illo inter se adspectu occursuque. Itaque prudentes olim legislatores & qui semina iecere boni status, ciues suos plurimum ab urbe & conuentibus abductos, habere voluerunt in agris. agris, quos ad probitatem, modestiam, robur, gymnasium censuere & palæstram. Romulus ille æterni auctor imperij, in duas classes cum ciuem diuisisset, Seruos ac liberos: istis duo tantum studia Militiae & Agri dedit; illis artes reliquas, quæ ad Mercurium & ad lucrum. Ita enim est. mercatura & quidquid artium ad opes dicit, ducit ad vitia: nec animal solùm emollit & effæminat (verè Sal-

lustio dictum) sed corpus. Quis vires & vi-
ros vñquam in opidis quæsiuit, aut inuénit?
adèò vetus illud verum in omni gente &
æuoest, optimum militem legi ex agris. Par-
thi olim belli potentes: sed sparsi in agris.
Scythæ: sed in tuguriis oberrantes. Germa-
ni: sed priusquam vrbes coluissent. Turcæ
hodie: sed minimum dediti in amœnitati-
bus opidorum. Quin illud ipsum Ianitfero-
rum agmen, iure terror orbis, non ex agris
solùm sed pænè dicam haris collectum, &
mapalibus pastorum. Nam Romanos tibi
quid ingeram? Curios & Fabricios nosti
ferentes, occantes: Quintios arantes, &
Dictaturam induentes: & uno verbo, non
milites solùm ab agris, sed duces. De mo-
ribus ergo vides. qui si usquam etiam hodie
prisci integrique quærendi sint, vestigia re-
perias in agris. ubi apud se quisque: & ideo
pudor, innocentia, simplicitas manet, & vita
malarum fraudium artiumque expers. Sed
quid possim in hac parte magis verè, magis
ampliter dicere, quam Hippolytus ille apud
Senecam? quem, quæso te, audi.

"Non alia magis est libera & vitio carens"

"Ritusq; melius vita qua priscos colat,"

"Quam qua relictis mœnibus campos amat."

"Non illum auaræ mentis inflamat furor."

Non

Non aura populi, & vulgus infidum bonis,
 Non pestilens inuidia, non fragilis fauor,
 Non ille regna seruit, aut regno imminet,
 Spei metusque liber.

& adde plura pulcherrimi cothurni, quæ
 omitto. Ad Volupratem enim transeo: quæ
 tamen hîc tam obuia, ut indignar super eâ
 moueri mihi litem. Elementa omnia in-
 tueor: viam suam usumque palam & toto, ut
 ita loquar, sinu in hoc rure nostro effundunt:
 obscurè & parciter in tuâ vrbe. Solem vide:
 melius hîc nitet. Aërem: lætius latiusque
 diffunditur & ridet. Aquas: purius bibun-
 tur. Terram: hîc tantum cernitur in vero
 suo vulnu. Alibi in planiciem effusè porrigi-
 tur: alibi in collem placide adsurgit, aut ma-
 gis rigidè in montem. Illîc herbis & sponte
 natis arbustis vestitur: hîc fruge fructibus-
 que, & feliciore ligno. Quem non delectet
 tam varius adspectus & cultus magnæ ma-
 tris: cuius apud vos vna facies ædibus pressæ
 aut pauimentis. Iam domum si venisti, hîc
 proorsus gaudiorum & amœnitatis vera sedes.
 Manè surrexisti? ad musicam quidem. &
 circumsonant te ac velut salutant chorilli
 alitum, suauiter fritillantium, trutilantium,
minurientium. ad quos non æquiparent se
 tibiæ, citharæ, aut ex arte ulli cantus. In

B 2 hortum

hortum prospexit? oculorum aciem tibi
 præstringet illaipsâ nocte exortum agmen
 florum & herbarum. In pratum? occur-
 rent Vere nouo arbores odorâ quâdam &
 canâ niue perspersæ: eademq. sub Autum-
 num, aliâ pomorum purpurâ siue cerâ di-
 stinctæ. Propius easdem adspice. infestationes
 mirabere & matrimonia: adulteria etiam,
 & suppositos fætus, insciâ matre nec inuitâ.
 Quam lasciuam comprehensionem fæcun-
 ditatemque quisquis in ligno non miratur;
 ipse profectò lignum. Iam ad agros deuer-
 tisti & tuarura? illîc boues lente pascuntur
 & oberrant; hîc pecudes magis vagè lasci-
 uiunt & hœdi. Porcus alibi volutatur &
 grunnit: alibi cristata cohors cugurrit & scal-
 pit. Segetes illîc tuas vides, & filiginis, farris,
 hordei vberes fasces: siluam istic, & ad hie-
 mem lignorum strues. Vitem denique alibi
 florentem aut maturescentem: & spe iam
 præbibis sacrum illum alibilem q. liquorem.
 Quorum omnium quæ copia in vrbe sit?
 quin ne imago quidem satis certa & expref-
 sa. Sed vt ij qui parietem intuentur, ex leui
 linearum ductu, animalia in eo & facies sibi
 fingunt: sic vos harum rerum futiles um-
 bras. Ita viuitis in pulcherrimo hoc mundo,
 mundi exsules: nec bona aut dona eius plenè
 vnquam

vnquam nostis. Postremū Fructus mihi
 superest de quo quid ambigimus? cum non
 solum cultus & ornatus plerisque vitæ ab
 agris sit, sed vita ipsa. Agricultio enim moriatur:
 & vna humanum genus. Adde illa
 commoda. agnum aut hœdum à stabulo,
 pullum è corte, porcum ab harâ, & tot dapes
 ineemptas: quas vos ægrè & carè præstinatis
 à foro aut macello. Quod si opes omnino
 quæris & aurum: rideo ego & sperno. & ta-
 men si quis hæc quoque ambiat, non alibi
 parandorum yberior materia & seges. Non
 palatia, non fora, non fœnora plures ad opes
 euexere: quām beati isti agti. & addo rei
 caput, quod tñtò euexere, quod citò, quod
 innocenter. Thales ille olim anno uno diui-
 tiás amplas corrogare potuit, emptu prospero
 omnium oliuarum: & viro prouido sapien-
 tiique non hodie idem ius, in segete, pecude,
 siluâ? Sed de his quia non libenter, nec am-
 pliter quidem differo: & mitto te, si voles,
 ad veteres rei rusticæ scriptores, à quibus dis-
 ciplinam eam petas. Nam ego fastidio. sicut
 & illud, quod crebrò ac pertinaciter mihi
 obiicis de dignitate. Dignitatem ea mansio
 non habet, inquis: imò nec pietatem, quia
 patriam is desertum. Dignitatem? me iu-
 dice, amplam: qui reges & Principes fuisse

scio in hac parte. An illud dignius, in foro latrare, tribunal siue aulam lamperc, fastum in æquales, adulationem in superiores exercere: quām Sapientiæ sacrum colere, Naturæ opes lustrare & promere, denique placidè viuere, placidè mori? Nam de patriâ, quid ais? In hac confusione rerum ad clauum ego sedeam: vbi nemo auditurus, non nemo etiam irrigurus rectè gubernantem sit? Saeculum hoc paullisper vide. quo noxæ integritas, contumeliae pudor, ludibrio fides est: & aude suadere ut iis præsim, quibus, hoc ipsum (pænè dicam) agrè mihi est, quod interim. Concludens voueo, ut procul ab vndoso illo vrbiu[m] mari, in hoc tranquillo & rurestri portu quiescam & consenescam: vbi deum in primis piè pureque venerer, deinde Sapientiæ studia & Musarum tractem, & quidquid propriè ad usum aut cultum animorum. Vbi classica nulla aut tubas audiā, vbi coruos aulæ aut fori non videam: sed modestè tranquilleque mihi & mecum victitem, expers ambitionis & pallentium curarum. Cumque ultimus ille & decretorius dies venerit, spiritum hunc, sine metu, sine motu, emittam: & apud notos ignotisque memoriam mei relinquam bonam potius, quām magnam. Habet quæ pro agro,
in agro

in agro scripsi: quæ si approbas, tandem etiam hoc institutum meum: neu vltra commouendum me cense ex beatâ istâ sede. Ita Deus beatum aliquando te faciat, cum uxore liberisque: quos saluto. In Iscano meo
111. Kal. Octobreis, 80. I.C. LXXV.

Carmen ecce etiam adiunxi, quod eidem argumento, calore isto ipso effudi. Placet? nescio. animus certe & votum: quod non irridendum cuiquam, sed inuidendum.

L A V S E T V O T V M
V I T Æ B E A T Æ.

ILLE est par superis deus,
Et mortalibus altior,
Qui fati ambiguum diem
Non optat leuis, aut timet,
Quem non ambitio impotens
Non spes sollicitat lucri:
Quem non concutunt metu
Regum præcipites minæ,
Non telum implacidi Iouis:
Vno sed stabilis loco,
Vulgi ridet inania:
Securoq[ue] oritur dies,
Securo sadit & dies.

*Vitam si liceat mihi
Formare arbitriis meis:
Non fasces cupiam aut opes,
Non clarus niueis equis
Captiuia agmina traxerim:*

*In solis habitem locis,
Hortos possideam atque agros,
Illic ad strepitus aquae
Musarum studius fruar.*

*Sic cum fatam ihi ultima
Pernèrit Lachesis mea;
Non ulli grauis aut malus,
Qualis Langius hic meus,
Tranquillus moriar senex.*

EPIST. IX.

Brugae.

VICTORI GISELINO

medico s. d.

A 110 Locutio tu lita. nos Fidei quidem egregie, qui te talem amamus. An non libet, an non vacat? Si illud, nos neglegis: si istud, contemnis. Scribere enim, non vacare tibi scribere, semper vacat. Salve, si emendas: vale, si pertendis.

EPIST.

EPIST. X.

Tenam.

ANDREÆ ELLINGERΟ medico,
salutem nuncio & mutuum amorem.

PALLADEM aut Musam in hac Mercurij vrbe expectassem: numquam. Visa mihi tamen vtraque in tuis litteris, quas ante biduum accepi prudentiae plenissimas & doctrinæ. Sed adiungis & deam tertiam, in his quæ iamnunc redditæ à Wolfango. Venus inclusa iis & amorum ipsa mater. ita amicè & cum spirante quodam, imò & suspirante affectu, de me ad me scriptæ. Sed illas grauiores nunc differo (pes enim mihi alter in naui:) ad has respondeo, quas manu teneo: vt hîc quoque, Lipsio iudice, deas vincat Venus. Quidni autem in suo mense? Filij tui tuisq. lacrimis ob discessum meum, mi Ellingere, non allacrimo (gratissimæ enim & lœtissimæ ab hoc affectu) ου μπάχω tamen, & eas humentibus item oculis genisque sorbillo. Deus mihi testis, quām animus meus etiam nunc apud vos hæreat len-
to vinclø. & iure. quia quidquid extranco homini benè aut benignè dici, fieri, potuit: dictum à vobis & factum. Princeps in me benignus, proni ciues, iuuentus amans imò

B 5 ardens:

ardens: tu inter omnes verè amicus, id est, in
æstu curarum omnium aura, in fluctu cogita-
tionum portus. Hæc quomodo libens re-
liquerim? ne nunc quidem, si liber & mei
iuris. Non enim voluntas abduxit me pro-
fecto, sed Fatum abripuit & ille Pindari tui

*Congeni-
ta fons.

**σύγενες* cuique πότης. Cui quomodo re-
luster, aut qui me elucter? vixtus vincitusque
sum ὁ Ellingerē, (ne diu obuoluam, quod
efferendum est semel:) & quod verecundiā
quadam obscurè tibi discedens inieccram,
apertè nunc profiteor, Ligauit me Iuno.
Vxorem duxi: nec eam illā vi aut suadā ad-
trahō ad penitā hæc loca. Deserere autem
nefas. At nos amici nihilominus inter nos
erimus, vt scribis: nec annorum spatha aut
locorum deluerint vñquam hunc honestissi-
miam amoris colorem, qui pectora nostra fir-
miter tinxit. De me tibi spondeo: non ero,
cum ille non erit. Vinariae Illustrissima Prin-
ceps benignè & comiter me exceptit. egit
de oratiunculâ funebri vulgandâ: gratiam
& præmium proposuit. negaui, vt quibus-
dam visus sum subrusticè & insipienter. At
ego valdè desipiam, nisi sic desipiam. caussæ
tibi notæ. Scholam vestram amo, & omnia
cupio. vtinamq; subsellium meum in sessum
doctore aliquo nouo audiam, non è plebe
reprobis

illā,

illâ, sed ex equite nostro aut Senatu! gaude-
rem. De me, inquiram certe & conabor.
Filio tuo salutem, cui in vno hoc voto om-
nia voueo. Referat patrem. Vale mi opta-
tissime, & vnquamne vidende? fortasse. Ad
turbidum enim mare imus, & variè nos ia-
ctabunt ac disicent ciuiles illi fluctus. * Αλ-
λοτε ἀλλοῖς γέργει, ait Lyricus. & quis scit an
æstus aliquis non eiiciat me iterum istuc?
opto, nec opto. Vale æternum mihi amice.
Francofurti (quod priscis Germanicis scri-
ptoribus Francofurtum esse obseruo) ad
Mœnum. Kal. ipsis Aprilib. &c. I. LXXIV.

EPIST. XI. *Romam.*

M. ANTONIUS MURETUS S. D.
IVSTO LIPSIО SVО.

NI H I L est aut te amabilius, aut litteris
tuis dulcius, ad quas ego nudiustertius
acceptas statim respondissem, si aut fuisset
plus otij, aut statim responderi tua interfuis-
set. Cum & essem paullò quam soleo occu-
patior, & in vnius diei mora nihil esse in-
commodi viderem, indulsi naturæ meæ, qui
perspectam haberem facilitatem tuæ. Desi-
derio tibi esse mutuam consuetudinem no-
stram, si vis me aperte ac simpliciter loqui,
vt mea

ad 307

vt mea consuetudo fert, & vt nostra summa coniunctio postulat, gaudeo: quodque ipsi mihi admirabile videtur, ex molestia ipsa tua voluptatem capio. Nam neque tu, nisi me valde amares, tam iniquo animo ferres absentiam meam, & mihi nihil iucundius est, quam à te valdè amari. I nunc & dicio verum esse illud Euripideum ἐξ οντὸν ἀλγεῖν: cum duorum qui certè inter se amicissimi sunt, videoas, vni alterius ægritudinem esse iucundam. Cae tamen putes, minus à me sermones tuos requiri, quam à te meos. Hic enim etsi adfluimus omnibus deliciis, planeque Phæacum vitam viuimus, vbi

— ἐν φρεστύν μὲν ἔχει καὶ δῆμον ἀπαντά
Δαιτυμόνες δ' αὐτὰ δέ ωμεντ' ἀπεδίζονται ἀσθετοῦ
Ημενοι ἔξειν, πάρα δὲ πληθεστράπεζαι

Σίτε καὶ πρειῶν, nemo tamen est qui iisdem, quibus nos, studiis delectetur: vt iam verear, cum istuc rediero tamdiu à Musis & à litteris omnibus peregrinatus, ne quis vestrum, quibus adsidue in libris versari licet, mihi illud occinat, Εὐβαρβάρωται χεόνιος ὡν
ἐν βαρβάροις. At tu mi Lipsi, si me audis hominem si non valdè prudentem, certè quidem insigniter amantem tui, obdura, & noli tam citò de Roma relinquenda cogitare. Mihi crede, Iste tibi quondam lātitiam feret la-

comitv

ret labos. Conuentum esse à te Manutium
meum gaudeo, & talem repertum, qualem
ego tibi eum s̄epe descripsoram. Hoc tibi
liquidò confirmare possum, cum virum bo-
num esse, φιλόριαν, & studiosissimum bene-
faciendi quamplurimis. Quare auctor tibi
sum, vt te, quantum potes, insinues in illius
consuetudinem. Cogitabam de eodem oleo
& opera ad Plautum nostrum scribere: sed
aliò vocor. Interea salutabis eum meo no-
mine, &c, vt cœpisti, reddes quotidie tua
consuetudine doctiorem. Cras ad eum scri-
bam. Bene vale mi suauissime Lipsi. Ti-
bure. xii. Kal. Septembr. M. D. LXIX.

EPIST. XII. *Gandam.*

ALEXANDRO RATLONI S. D.

RA RÒ scribis. sed nescio an ideò litteræ
tuæ desiderio ipso cariores. His quidem
postremis fateor me non voluptate solùm
perfusum, sed gaudio: si verbo eo vti nobis
fas in tristitiâ hac rerum. Nam de Antuer-
piâ, quæ monstra audimus? Deus bone,
huccine tandem erupisse tot mensium con-
silia malè sana, malè cocta? O factum à re-
gio iuuene minimè regium! Etsi nobis ad-
huc tenebræ, nec de re totâ satis certis nec
de caus-

de caussâ. Ejusne fraus siue error? an vulgi consternatio & furor? Quiduis enim potius, quam ut perfidiae noua hæc macula inuratur laudatissimæ olim optimæque genti. Sed hæc publica videbit publicus ille Reætor. Tu in re tuâ quid? etiamne fluctuas? sic apparet. atqui statuendum semel aliquid est, cui firmiter inhærescas. Mutatio quidem hæc crebra, & desultorium, ut sic dicam, genus vitæ, non ex vñtu tuo, non ex famâ. Pessimæ, & Græcorum quoque prouerbio damnatae sunt, nutantes & ^{*δίγωλαι} illæ γνώμαι. Litteraria hæc vita & otiosa tranquillitas, quid non habet commodi? Non externa illa fortasse. sed nec terra quæ aurum aut argentum gignit, res alias producit: nec animus, qui se colit & virtutem. Cetera, ille ferè sterilis. Quid tamen præferas huic vni? cui honos; cui salus comes, cui externa & interna quies. Militiam gustasti: & vides quam non ea suauis. Itaque, mi Ratlo, huc redi: & si me audis, in Musæo hoc portu nauim tuam defige & liga semel sacro morsu. Ad circumfusa illa & vana bona si abis, quis finis? iactabere & natabis semper inter cupidinum nouos fluctus. Non enim ratio, sed opinio tibi illas ingeret: cui insitum, variare & pænitere. Ut chamæleon,

^{*Vtrōque}
claudican-
tes senten-
tia.

quo-

Am 2b

quoniam aurâ (yt aiunt) non cibo vescitur, hianti semper est ore: sic illi cupidine, quos ventus inflauit vulgarium opinionum. Hoc volunt, hoc nolunt: hoc hodie spernunt, cras appetunt. & vt resculæ quæ fluminibus innatant, temerè impinguntur in hanc illam- ue partem. Hinc perpes illud tedium in no- bis, & velut nausea omnium rerum. damna- mus parentum & nostra vota; & tam cupidè quæsita quædam deserimus, quâm antè quæ- rebamus.

Certa amittimus, incerta appetimus; atque hoc euenit

In labore atque in dolore ut mors obrepas interim.

exclamat verè meus vates. Ecce ille ad au- lam adspirat, & intravit: rursum fastidit, & beatos censet qui latent. Alius priuatim vicitat: ægredicit, & inuidet purpuratis. pa- riique leuitate togati ad sagum properant, & hi rursum ad togam. Et quis non de La- chesi suâ queritur: reges ipsi de suo regno. Attu inter eos quos Ratio, quos Sapientia firmauit: nec circumagere mihi vulgarium iudiciorum omni vento. Ut Vlysses ille do- nec Leucothea velum ei supposuit, natat ni- grum pontum: sic tu hoc vitæ salum, donec pectus tibi præcinxerit candida illa diua.

Con-

Constantiam dico. quam , audi, admittete, serua.

^{*Hoc mibi}
ex animo
visum optimum consilium.

^{*H' δὲ ἐμοὶ οὐδὲ θυμὸν αἴρει φαίνετο βελή.}
Vale. Lugduni Batauor. x. Kal. Octobr.
∞. IC. LXXXIII.

EPIST. XIII. Brugas.

I A N O L E R N V T I O
meo salutem mitto:

Q V A M recepi iam ipse. Hinc enim iure ordior: & gaudere te iubeo, mi Lernuti ; quia à molestissimo morbo reualui, imò reuixi. Ad fauces Orci destitutus mihi hos menses fuisse videor : ita me oppressiunculae & obstructiunculae illae internæ pessimis adfecerant modis. Et audesne credere? non leue momentum ad valetudinem meam habuerunt & litteræ tuæ , & carmen : illæ amicissimæ , hoc scitissimum. nec fuerit vñquam vt tam pias , tam disertas preces non audiuerit illa Dea, cuius sedem aptè in Fortunatis insulis ponis. Quæ autem illa tam auida parca, quæ vincla inter nos abrumpere non parcat sanctissimi amoris? Quin audi me , & securus animi es:

Di me tuentur, diis pietas mea

Curae est: —

& porro,

& porrò, vt spero, crit. Turbæ apud nos ingravescunt, abiecta spe pacis. quæ vereor, vereor autem? imò spero, vti breui eiificant me ad vos. procul enim futuri videmini ab hoc bellini nimbo: qui imminet prorsum capitibus nostris. Sed quid aīs? Dousane nuper apud vos? nec ad me? ô factum ab amico non amicum! Quod dixerit, subita res fuit, necessarius reditus: nihil audio. nuncia illi à me sodes, sexcentis versibus non luet hanc culpam. In Statium aliquid meditari te suadet mihi noster Modius. vix persuadet. cur enim celes? & quidem cum tuo damno. Nam & mihi notata quædam ad sublimem illum & celsum poëtam (ita censeo & appello, non herclè tumidum:) & libri apud nos veteres, qui te iuuent. Innue, mittam. Epistolicæ nostræ nondum emissæ. sed vix eas teneo: ita ituriant. De quibus quid iudicaturi sitis, timeo. Alia enim quædam à prioribus meis hæc scriptio. cui nitore ille abest, & luxuria, & Tulliani cincinni: pressa vbique, nec scio an quæsita nimis breuitas. Quæ me tamen nunc capit. Timanthem pictorem celebrant, quòd in eius operibus plus semper aliquid intelligeretur, quam pingeretur: velim in meā scriptione. Magni Scaligeri ad Amorum illos

C

*Trium-

*Notas
eius ad Ca-
tullum, Ti-
bullū, Pro-
pertium.

*Triumuiros vidi, legi, probau. In Proper-tio tamen traiectiones illas versuum crebras, mirati malim quàm imitari. Tu quoq. non ita sentis? scio. sed quis Polydamas ausit il-lum Hectorem? qui dis hominibusque fa-uentibus tenet profectō, & tenebit hoc re-gnum. Itali eum quī deiiciant? silent. nec iam à multo tempore quidquam ab eā gente litteratum. excipio Quæsita Aldi per episto-lam, & Fuluij De Nummis. Muretus no-stor Orationes pangit & edit, & dat se in flo-ridum illum eloquentiæ campum. ad fa-mam consultè, imò & ad quietem. Nam Criticæ istæ tricæ quàm non latè se spargunt? quàm laboriosè colliguntur, & scribuntur? In quibus nos tamen etiam, nescio quo fato an morbo, insanimus. Pergebam in hoc gar-ritu. sed alius mihi in auribus garitus, nun-tij ad excubias trahentis. Arma capio, pono stilum. Quid ais? satin' tuti Belgæ, hoc mi-lite? Ite, dormite in vtramque aurem. Lou-anij. Idibus Iuniis. ∞. D. L X X V I I.

E P I S T.

EPIST. XIV. Louaniam.

MART. ANTONIO DEL RIO

Consiliario Regio S. D.

MIR A tua fides in me , mira pietas.
 Amoris enim certè verbum leue est, in
 re quam rari pro fratre fratres audeant , pro
 liberis parentes. Me meaque absentis de-
 fendisti : & obiecisti te non molestiis solùm
 sed periculis, in hac flammâ rerum. Venisti
 vltro ad meos, erexisti , securos esse iussisti:
 hoc tantum questus, quod non indicassent.
 Itaque quod res opesque meæ saluæ , quod
 scripta & libelli (id est , vita ipsa:) benefi-
 cium est vnus tuum. Quid scribam ? gra-
 tias agere me? ne concipio quidem : & af-
 fecisti me in summo beneficio vnâ hac in-
 iuriâ , (quod olim ingeniosè ille ad Cæsa-
 rem) ut viuam & moriar ingratus. Gaudere
 me tantum nuncio ; meâ causâ, tuâ, sœculi.
 Meâ , cui is amicus obtigit ; tuâ, cui ea vir-
 tus, sœculi, cui hoc exemplum. Mea fa-
 lus salue. Antuerpiæ a. d. i v. Non. Mart.
 c I o. I o. LXXVIII.

C 2 EPIST.

Scipio.

EPIST. XV. Ultraiectum.

IANO DOVSÆ meo s. d.

SILENTIVM tuum mihi, Dousa, mole-
stum: absentia multo magis. Vbi autem
fides? intrà dies octo exspectari volebas te:
menses ecce labuntur. Statueras hoc iam-
anteà? an quid interuènit? an placent tibi
nouitij isti & fallaces mores? An potius vxo-
ris partio te detinet? quæ genuit tibi (ita au-
dio) decumam iam prolem. Maëte hac for-
titudine dicam, an fortunâ? vtrâque certe
opus. nec minus hîc, quâm in agricultu, La-
bori & Euentui litandum. Sed tibi quidem
propitius vterque deus: & gloria Masanissæ
te manet, si sic pergis. Vide tamen ne dum
assiduuš nimis in illis vallibus: desertum eas
nostros montes. Suspicer: & iure. Ut quid
enim procaces illæ anteà Musæ tuæ tamdiu
silent? cur tribus his mensibus gutta nulla
nos irrigauit poëtici tui humoris? Emenda:
& hîc & ibi vir esto. Libelli etiam tui ad-
dicti Plantino, vbi sunt: Solue fodes, aut
Prætorem exspecta & suspensum capitî tuo
libellum. Non enim differo, non protollo.
Indicem Francofurto en habes. sed sterilem
bonarum rerum: & nihil nundinæ istæ ad

Phœ-

Phœbum. Melleri tamen Spicilegia edita,
acutissimi ingenij iuuenis: vtinam rectissi-
mi, verè addam! Sed profectò aut fallor in
hac omni litteraturâ: aut ille valdè in cen-
sendo, & scribendo. Quales pleræque eæ
conjecturæ? quàm nori callidæ solum, sed
calidæ? imò quàm audaces? Mihi crede,
corrumpendis ista, siue perdendis potius li-
bris litterisq. sunt: si dimanat hæc labes. Et
dimanabit. ita iuuentutem hanc video: &
tantum ingenij specie blanditur hic calor.
Iam stilus ille quis? doctus, antiquus, arca-
nus, inquies. Scio. sed quo tam doctus, an-
tiquus, arcanus? Ego illeipse qui aliquid hîc
capere me puto & sapere, sæpe quæro aut
non video eius mentem. Quæso, mittamus
tenuem nimis subtilemque hunc colorem
& Apellæas, vt sic dicam, lineas: & Venus
nostra inspiciatur etiam à vulgo. Vt nihil
minus expedit, quàm agrum optimè colere,
(aiebant veteres:) sic censuerim de stilo. Ni-
mis ornas? fucus & affectatio appetet. Ni-
mis attenuas? tenebræ & squallor. Modus autem in omni re optimus: etiam in
epistolâ quam finio, & te saluere iubeo
noue Hercules Musarum, noue matrum.
Lugduni nostræ, a. d. III. Nonar. Aprilium.

oo. I. LXXX.

Scripseram. ecce filius tuus à te scidam, cum pauculis Quæsitis super Plauto. Respondebo breuiter, & *Centurioni tuo addam hæc siue impedimenta siue ornamenta. Trinumo, Scenâ, Sta illicò:

Hic agit magis ex argumento & versus meliores facit.

Etiam ob stultitiam tuam te tueris, multa ab omnia.

mihi tecum tenebræ. quas tamen coner hac emendatione discutere, ob stultitiam tuam tete veris multabo minis. Non insolens hoc Plauto, vt auertat à fabulâ ad actores aut poëtas. Ita de Pellione alibi interserit: ita Os columnatum Næuij ridet: ita hîc exclamat velut victor (certabant enim, vt scis, & Ædiles præmium dabant) imò & comminatur multam stultè aduersanti. Infrâ, quod legis, *haud longius*, probo. Scenâ, Stafime facte: ————— huic quisquis est,

Gurgulio est exercitor, is hunc cursuram docet.

Capere ego sententiam videor: & puto ab athletis sumptum, quibus gymnastæ sui & magistri exercitores. Quia igitur in brcuitate illâ proscænij currebat seruulus & recurrebat, sed lento & mimico cursu: senex ludit, & hunc hominem, inquit, tardus aliquis

Gurgu-

*Ita inscripsit sua ad Plantum.

Gurgulio ad cursum exercuit. ita currit, nec procurrit. Non aliâ allusione aut sententiâ, suprà dictum (Scenâ, Multas res:) Magister mihi exercitor animus hic est. vbi, hinc est, inscîte scribunt & distinguunt. Ibidem:

*Sed si non dicto audiens es, quid ago? s.t.
damnum malum.*

C H. Benè mones. ita facere certum est.

Iure hæres & ambigis de sermone. Quis enim dixerit, Agere damnum? Nos voculâ augemus, quæ retrahenda è sillabâ primore alterius verbi: s.t. da *damnum malum*.

Scenâ, Minis quindecim:

Quâ sponsione pronuper tu exactus es.

Alterutrum scripserim. siue quam sponsionem: vt vetus poëta, *Ego nibilominus illud exigor portorium*. siue diuisim, quâ sponsione pro, nuper. vt reiecta præpositio in tergum vocis sit, quod sœpè. Valebit igitur, pro qua sponsione nuper. Scena, Quò illic homo:

Deserere illum & deiunare in rebus aduersis pudet.

Exemplum postulas verbi Deiuandi. Non do: & tollere malo ac scribere, *desuare*. Hanc Plauto priscam & suam vocem adseruero attestante Paullo siue Festo: *Desuare*, inquit, *desinere*. vbi ambigam an non scribendum, *deserere*; vel additâ voce, *desinere*

C 4 iuuare.

inuare. Glossæ veteres, quas debemus Henr. Stephano: *Desuator, à Conditus.* lego, *Desuatos, à Conditus.* interpretatur scilicet, (& rectè) desertos, destitutos. Nec repugnem etiam, si quis ubique *Desinare* per N. potius scribat. Ibidem, sed anterius:

*Pro ingenio ego me liberum efferatus sum,
pro imperio tuo.*

Acumen sententiæ reddimus scribendo, *tuum.* Pro ingenio, ait optima illa proles, liber sum: pro imperio, tuus. In Sticho, Scænâ, *Quisnam obsecro:*

*Commodū radiosus sol esse superabat è mari.
Leuiter extergeo labem: sol sese superabat.
Superabat sese, ut Emergebat sese, & talia.
Persâ, Scænâ, Ioui opulento:*

*Quia meo amico amiciter hanc commodi-
tatis copiam*

Danunt. — — —

Imò, *Danit*, singulario numero: quia hæ gratiæ vni Ioui. In Pœnulo, Scænâ, Negotij sibi:

*Quin abire sinis? quid vis tibi? qui benè
volunt, benè visitent.*

Quæris quid illud, Benè visitare? meo animo, nugæ & fordes. Purgo, *qui benè volunt,* *benefici sient.* Idemtidem amator ille beniuolentiam amicæ oggerebat, & sese eam liberam

beram facturum: sed illa, verba fastidiens,
Omitte promissa, inquit: & si benè vis, benè
fac. In Mercatore, Scenâ, Iam redeo:

*Qui bono sunt genere nati, si sunt ingenio
malo*

*Suapte culpâ genere capiunt, genus inge-
nuum improbant.*

Scio quî vir doctus explicit. sed inuolucra
hæc sententiarum numquam ceperint prisci
illi Quirites. Facilè cum iis ego, si legas:
Suopte culpam genere capiunt. Capiunt cul-
pam, inquit, nobiles à suo ipsi genere, si de-
generant. Hoc probum. Scenâ, Diuûm at-
que hominum:

*Nubis ater imberq; instat, aspice nunc ad
sinistram.*

Labat sanè à fine versus, nec fulciunt ut cen-
ses mei libri. ego, tibicine litteræ inserto, sic:
ad sinistram. Ita dicebant, sicut Superà, In-
ferà, & (quod nouiter obseruo) Propterà.
Ita enim versum Ennij lego & constituo diu
inter Criticos iactatum. *Subulo finitimas
propterà stabat aquas.* non, *propter astabat:*
quod pugnat nimis in leges receptissimas
versus. In Menæchmis, Scenâ, Sine fore:

Sed scin' quid te, amabo, ut facias impero?

M E. quidvis modo?

Confusa. quæ digero: *quid te amabo ut fa-*

C 5 class?

cias? M.E. impera quiduis modò: Amabo ut facias, sicut infrà: Amabo ut deferas: Amare ait te multum Erotium, Ut hoc nunc unā operā ad aurisicem deferas. In Epidico, Scenâ I.

—haecine ubi scibit senex, puppis

Pereunda est probè.

Nec Latina quidem hæc, ut rectè vides. Legam: haecine ubi scibit senex? Pupis pereundum est probè. Pupos appellat per delicias, seruulos, quibus ob fraudes frausas non dubie mala crux à sene. Proverbij speciem dictio præfert. Curgulione, Scenâ, Edepol nuga-torem:

Vel qui ipsi versant, vel qui alijs subuersen-tur præbeant.

Scribo, *vel qui aliis ut versentur.* Captei-ueis, Scenâ Iniicite huic:

*Vel te interiisse vel periisse predicent,
Dum pereas nihil interdico.*

Lego, *nihil interduo.* Habésne largiter ad quæsita? Mirum ni te obrui hac grandine verborum: nec, si lapis, vltrâ scabiem hanc Criticam exscalpes. Ut cantores enim su-mus: cum semel cœpimus, ἀχάλυον no-bis σόμα.

E P I S T .

EPIST. XVI. Virgalectum.

EVERARDO POLLIONI

meo s. dico.

VERE, inquam, meo. A meâ enim ve-
lut manu es, à domo, & à disciplinâ.
Ut statuarium opus suum delectat, si lauda-
bile: sic in te iure mihi placeam, si tu bonis.
Quod futurum omnino est, mi Pollio: si
non audies solùm præcepta quæ crebrò de-
dimus, sed obaudies: caque admissa in hoc
pectus, re exprimes & factis. Ad virtutem
antè omnia te hortamur: cui litteras istas
seruire volumus, magnum vel in parandâ
eâ adiumentum, vel paratâ ornamentum.
Non enim solùm pulchrior comptiorq. per
doctrinam virtus, sed fortior: nec colorem
modò ab illâ dicit, sed sanguinem & robur.
Egregiè noster Seneca: *Et si magis refert no-
strâ fortiores fieri, quam doctiores: tamen al-
terum sine altero non fit. Non enim aliunde
animo venit robur, quam à bonis artibus,
quam à contemplatione naturæ.* Quod ita
verum scito, si doctrinam non hanc mollem
& amœnam solùm intelleges, quam φιλολο-
γίας haud malè appellamus: sed virilem il-
lam magis & robustam, quæ in naturâ aut
animo

no*v*

animo occupatur, quamque φιλοσοφίαν propriè indigetamus. Illa enim sola, tantum abest ut tutum securumque te præstet inter honestatæ fluctus: ut moueat sæpe excitetque ambitione animo cupidinum nouas tempestates. Itaque ut nautis solitarium Helenæ sidus non placet: non item mihi ista. Gemini illi sunt, qui cum apparuere, trāquillitatem nautis nunciant: tibi hæc duo, si iunges. Quod voueo ex animo: & in firmâ hac spe saluere te iubeo carum mihi caput. Lugduni Bat. III. Nonas Octob. 88. I. lxxxii.

E P I S T . X V I I . *Lugdunum Bat.*

A V G E R I V S B V S B E Q V I V S
I V S T O L I P S I O S. P. D.

MVLTVM te amo Iuste Lipsi, quod me in tua scripta peruenire & in iis non semel honoris causa nominari voluisti. Quoniam nomine me tibi tantum debere confiteor, quantum soluere nunquam possim, non, ne si auctionem quidem faciam eorum bonorum omnium quæ nobiscum portantur. Sed tu ut me laborantem releues, beneficio beneficium accumulare debebis, atque ita existimare relatam tibi gratiam, cum habebo, quemadmodum quidem habebo semper.

Non

Non minus erit hoc humanitatis tuæ, quam
fuit liberalitatis in me non promerentem
tam fuisse munificum. Nam si summo iure
mecum egeris, hoc consequere ut contur-
bem, vel ut me iudicatum nexumque du-
cas, exiguo sanè compendio senem siticolo-
sum & bibulum. Quod cognoui ex episto-
la quam lectori inscripsisti, te ex valetudinis
perturbatione ita laborare, prope ut de salu-
te desperes deq. discessu cogites, Dij omen
auertant, seruent illi te potius ad annos mul-
tos in columem nobis Reiisque pub.litterariæ.
Multa restant quæ experiare, antequam ad
hoc tam dirum. Magnum solet ad confir-
mationem valetudinis momentum afferre
peregrinatio, cælique & loci mutatio, quam
ad rem ver appetens inuitat. Huc censeo
transcas, vbi etiam præstantissimorum me-
diorum copia, fortassis opis aliquid ferre
poterit. Quod si persuadeo, sequitur illud
ut ad me recta, meisque ædibus ita utaris ac
tuis, in quibus tibi polliceor, pro ea facultate
quæ suppetit, nullum amicissimi beneuo-
lentissimique hospitis officium te desidera-
turum. Da igitur operam ut planè conua-
lescas, aut certe ut venias. Lutetiæ. XII. Feb.
∞. I. o. LXXX.

EPIST.

AVGERIO GISLENO BVSBEQVIO

Cæsareo Legato S. D.

NOME & ipsum tuum in litteris ante legendum me adfecit, & lectio multo magis. Iudicium talis viri meritò magnum apud me est: & hæc tam prolixa beniuolentia, quam solo animo meruisse me scio. Nam rem quidem tu auges: & facis tam liberali beneficij interpretatione, ut vltro obliger & nouam gratiam debeam tibi. Quam vt prorsus soluam, ne exspecta. non est istarum virium; non item animi. qui magis magisq. illigari tibi cupit, & numquam dependere vt pendat à te semper. Liuij variantes lectiones ex codice Puteani quas submittis, gratae mihi: etiam vtiles spero, post perfectum Commentarium Cornelianum, in quo vnuus nunc sum. Absoluto enim eo operre, libens sanè manum & limam adiecerim vberrimo historicorum. Permittit iam valetudo: quæ non paullò melior, post iter Antuerpiense & haustum auræ siccioris. Nam marina ista & palustris, nescio quomodo corpori huic non amica. Sed quis in Belgicâ alius angulus ad quietem? Itaque ferimus, & hic

& h̄c h̄remus: donec deo visum pacem
huic Belgio reddere, & nobis veterem se-
dem. Quod, vt res sunt, voulēmus potius
quām speramus. Amplissime & Nobilissi-
me Vir salue, & inter cultores virtutis nomi-
nisque tui Lipsium non falso cense. Lugdu-
ni Batauor. Non. Mart. 15. lxxx.

EPIST. XIX. *Hagam.*

THEOD. LEEWIO

Consiliario S. D.

IN silentio tuo, mi Leewi, mirabar, &
(hanc enim libertatem amicitia mihi dat)
indignabar. Sed indignatione tibi non in-
gratā, cuius fons ab amore. Iniuriam mihi
ferre videbar, quia priuabas me hoc allo-
quio: quod etiam in negotiis occupationi-
busque meis usurpo cum libentia & volunta-
te. Veluti hoc ipso tempore, quo Plantinus
cum genero apud me est: & eripit mihi non
inuito optimam diei partem. Ego tamen
scribo. de re priuatâ, valere me non optimè,
vt hoc anni labētis tempus fluxionibus meis
ferè est infestum. De repub. nec multa nec
bona. Hostis Ninouiam obsidere dicitur, &
imminere meæ Bruxellæ. certè copias colli-
git circum illam. Galli lentè & frigidè agunt;

nec

*Dp. confirmum,
se bello et
mortis.*

nec proingenio gentis. Ita vides, mi Leewi, in longum trahi rem, & produci calamitates patriæ iam exhaustæ. Nec abiiciendus tamen animus. quem si ratio non adfectus subegit; ille est eritque in firmâ arce, quam nulli insultus nulla vis perfringent. Sed opinio nobis hæc facit magna & metuenda, quæ ratione si examinas leuia sunt. Bellum metuimus. ita enim accepimus à paréibus, ita à nutrice, ita à publicâ vulgi voce. Sed imponút. Cur enim bellum malum? nempe quia vastitatem inducit, quia pauperiem, quia mortem. Atqui hæc ipsa mala non sunt, nisi malis. Quot viri boni beatique pauperitatem appetiere vltro? Litteræ ipsæ diuinæ eam nobis conciliant, vt rectam ad cælos viam. Mors autem quid? metuenda viro? optanda potius: quia finis huius miseræ, & incipium melioris vitæ. At enim hæc Philosophorum sunt, inquies, dictu pulchra, re & vñu asperrima. Imò, mi Leewi, communis hæc vox totius generis humani: quotiens abstensâ adfectuum illâ nube radius diuinæ mentis illucebit. Sic tu, sic ego loquemur inuiti, si rem pendemus ad veri iudicij lancem. Signum vis? Ecce pone mihi ex illo ipso corrupto & corruptore vulgo aliquem in morbo. spernet diuitias, spernet opes: sanitatem

tatem dumtaxat vrouebit corporis & mentis.
 Scilicet seriò cogitare iam de se cœpit ad-
 motus ad extrema: & inanum obliuiscitur,
 cum periclitatur de salute. Exsulant adfe-
 tus, cùm ratio rediit: & erigit attollitque
 se animus, corpore iacente. Tamen sani re-
 dimus ad eadem omnia: quia litigium illud
 cum affectibus fuit, non diuortium: nec
 proposito aliquantis per boni, sed metu su-
 mus. Quare maneamus in hâc viâ, quam
 institimus, segregandi nos à vulgo: nec id
 sermone tantum & velut in pompam fiat,
 sed reipsâ, & quod dicitur Bonâ fide. Vacil-
 lamus, imò cadimus interdum? Surgamus,
 & citâ celeritate corrigamus, quod tempo-
 ris ereptum lapsu. Viden' ut miles quoque,
 si cécidit, surgat alacrior, & animos irasque
 sumat à casu? Idem nobis sit, & constanter
 pergamus ad illum Tranquillitatis internæ
 portum, qui verè efficit beatos. Vale. Lugd.
 Bat. 111. Idus Nouemb. 10. LXXXII.

EPIST. XX. Brugas.

IANO LERNVTIO meo s. nuntio.

DIMISI nuper à me Oudermannum
 vestrū sine litteris, valdè præter meum
 votum. Sed mihi crede, ita distinhebar ut
 sius rei facultas mihi nulla. Nec nunc

D magna:

magna: (Plantinus enim apud me cum amicis est, quibus dies dandi pñne toti:) tamen erigit & conari me iubet epistola tua, si qua alia, plena suavitatum. Vel illud de S V A V I I S tuis quam mihi spirat? crede, quod omnes Arabum diuitiae, imò quod illeipse halitus à suauiorum deâ. Tu tantum perge, & damna me huius voti, ut citò teneam amplectarque libellum, & te in illo. Sed de titulo cur mutasti? Mihi simplicius suauiusque inscribi S V A V I A videbantur, quam funereâ & atrâ voce S E C V N D I M A N E S. An frontes feueras metuis, & consultum tibi is modestiâ inscriptionis? Frustrâ. quatenus ego gustum sumpsi, pura illa basia tua: quæ & Catones capere possint, & dare ipsæ Vestales. Denique quoisque scribimus istis? paucis nobis potius. & da quod in sinu tenere Scaligeri possint & Turnebi. De Plantino, verum est. ædes hic conduxit sanè amplas, & partem vacantem Typographiæ transferet istuc. Aliquid ea res fortasse me excitabit ad lucubrandum: cum interesse editioni libellorum nostrorum licet, imò præesse. Nam aliâs, & valcudo saepe illud igneum, quod in nobis, retundit: & iudicia hæc multorum aut maleuola, aut malesana. De Germaniâ qui-

dem

dem audistin? Proscribere misellam Satyram nostram nuper voluere, & eiicere edito extrà imperij fines. O pisces, pisces! non hæc aqua, in quâ vos natetis: & magis vobis faciat ille ab Citharone liquor, quâm hic ab Helicone. Sed feraimus: & quoniam cœpimus, aremus etiam hoc litus. De Venatione in manus iam sumpseram, & eram in secundo libro: reieci, & iterum datus me videor in torporem. Catharri mei id faciunt, statim mihi sub hoc tempus & solemnes. A Scaligero nuper litteræ. edit De Emendatione temporum, & promittit breui exemplar. Vale mi anime, cum animâ tuâ, & cum iis qui ex felici vestro cœtu. Lugduni Bat. 111. Id. Nouemb. 80. I 5. LXXXI.

E P I S T . X X I . Antuerpiam.

HIERON. BERCHEMIO

I. c. s. dico.

NI M I V M vrges, mi Berchemi, de Imitatione. nuper omnibus sermonibus, nunc epistolis hoc agis. Quid censes? aliquos thesauros mihi esse doctrinæ reconditæ? erras. siquid in hoc genere posse tibi videremur, magis à casu siue naturâ est, quâm ab arte. Et tamen quidquid illud est quod se-

D 2 quor,

quor, quod teneo; non vltra celabitur. &
proximâ epistolâ præcepta aperiam, ad quæ
stilum meum fingo & conformo. Tu Mi-
nerual, sis, para doctori nouo. Scaligeri ad
Ausonium en tibi. O virum, ô filium à pa-
tre magno magnum!

Scaliger

*merito cui doctior orbis.**Submissus defert fascibus imperium.*

Enim uero ille unus est, quem miramur,
quem emulamur, imò ne mentiar cui inui-
demus. Felicem Galliam hoc sole! cuius
claritas non ad eos solum qui nunc sunt, sed
ad posteros diffundetur, quamdiu quidem
erit in terris nomen litterarum. De rep. quid
scribam? manus mihi labat, & ingemisco.

* Ad nobi-
les, qui
Gandavii
in vincula
conieci.

Carcer ille nouus tot* Létulorum quò erum-
pet? de quibus ambigua h̄c fama. alij emis-
sos dicere, alij artius teneri: hi culpam affin-
gere, illi demere. Omnia incerta mihi, præ-
ter illud: quod omnino futurum video, vt
plebecula illa aliquid plus faciat. Habet hoc
semper noua libertas, vt ad licentiam facile
deflectat: quid censes de vrbe, cui insitum
& fatale, turbare? Ut fistulæ diu interclusæ
aut interceptæ turbidiores aquas emitunt:
sic isti actiones, aliquamdiu pressi. Sed nos
quoque h̄c in metu. Quidam inter opti-
mates partium non optimatum: qui, vt
cum

cum Pindaro dicam, * & δίμας τεῖχος φερ, αλ-
λα χολιάς αναβάνσι απάτας. Plebs ista mol-
licula. quid augurer? hostis tantum adue-
niat: ego tibi spondeo, non fore hic Numana-
tiam aut Saguntum. Cometam & nos per
hos dies vidimus: immanem, dirum, & fa-
cie haud saepe visitatā. Quid portendat, quæ-
ris? Chaldaeus non sum, nec cæli signa co-
gnoui: tamen hoc vetus noui,

* Non iu-
stitia re-
ctum mu-
rum, sed
obliqua
fraudis
scandunt.

Oūδες νούμηται ὅσιες & ηγετὸν φέρει.
cui versuī magis quam Aristoteli credo, qui
hæc talia ad caussas fortuitas refert & infer-
nas. Quid tamen aut quibus minetur, di-
stinctè nouit ille *Prudens futuri temporis*
arbiter: ego communiter, non referre eum
aureum sæclum. Vale, & illustri Comiti
tuo à me salutem. Louanij. i i i. Id. Octob.
∞. I o. LXXVI.

EPIST. XXII. Duacum.

PHILIPPO LANOYO, Nobis-
liſſimo iuueni S. D.

IN Italiam cogitare te audio, nobilissime
iuuenum: & audio volens. Placet ea
mens, quam agnatam scio non nisi optimæ
cuique menti. Humiles istæ & plebeiæ ani-
mæ, domi resident & adfixæ sunt suæ terræ:

*De itinere
Italico.*

D 3 illa

illa diuinior est, quæ cælum imitatur, & gaudet motu. Itaque siue prisco siue nostro æuo, peregrinati ferè sunt viri magni. Sed ista hīc cautio: vt id fiat non cum voluptate solūm, sed cum fructu. Vagari, lustrare, discurrere quiuis potest: pauci indagare, disce-re; id est, vere peregrinari. Ut tu id possis, finem verum fructumque ante omnia mihi propone, quem is petitum. Ut enim ij qui iaculum mittunt, non in vanum dirigunt, sed scopum præspeculantur ad quem colli-neent: sic tu præfini, quid peregrinatione istac quæras. Duo, nisi fallor: utilitatem, & voluptatem. Non enim hanc solūm. nec ut coronarij bellissimas saltem herbas flores-qué struppis aut coronis innectunt, salu-brium nullâ curâ: ita hīc tu. Quin contrà potius, plura ad mentem ac salutem referes quam ad sensus aut ad spectum. Ac de voluptate aliquid dicere vacuum sit. cum ea sponte obvia: nec quisquam tam lapis aut frutex, quem non titillet ac flectat amoena illa variaque specie gentium, vrbiuum, locorum. Natura scilicet illuc aurigatur, nec duce opus ullâ ratione. At in utilitate laborandum est. quam nec secuti omnes, nec qui secuti, ad-secuti. Eam tibi ingerò, & triplici hoc limi-te designo, Prudentiæ, Scientiæ, Morum,

Hæc

Hæc enim omnia peregrinatio adferre debet; si consilio, si ritè instituta. Ac Prudentiam ab eâ peti, Homerus nobis satis auctor; ille non poëtarum solùm eximius, sed me iudice, sapientum. qui cautæ illi Vlyssæ prudentiæ quam aliam caussam vbique tribuit, quām quòd πολύτερος: quodque, vt ipse ait,

Πόλλων ἀνθρώπων οὐδὲν ἀστα νοήντον τέγνω?

Et verè. Instituta enim illa varia gentium, ritus moresq. hominum, formæ ciuitatum, incredibile est ad iudicium & prudentiam quām potenter possint. si tamen non visa aut libata ea leuiter; sed admissa, retenta, & collata inter se examinis quādam lance. Quod ante omnia tibi censeo faciendum. Vide inquam, audi, iudica. nec conquire solùm hæc talia, sed in ea inquire. Et inquisitio quidem à te & tuâ mente erit: conquisitio, ab hominibus esse debebit, aut à librís. Nam & libri ferè siue historiæ peculiares suis quibusque locis & linguis sunt, quas indagabis: & homines æuo & vsu prouecti non derunt, à quibus percontando discas. Etsi enim modestiam & silentium iure tibi suadeam: tamen nihil abnuo, quin per iter frænia sæpe laxes effræni illi membro. Ius tibi sermonis, non in viâ solùm (siqui eiusmodi

D 4 comi-

comites) sed in hospitio sit: nec ante mensam modò, sed in eâ, & post eam. Sed sermonis ius intrà hos fines, quærendi de moribus, legibus, facie cuiusque vrbis. addo & de Principibus, bellis, casibus, aut siquid euentuum magis insigne. Hæc notabis, hæc sepones. certus ex iis ciuilem illam prudentiam inseri, tacitâ quâdam vi & viâ. Ut enim herbas, vt arbores crescere non cernimus, sed creuissé: sic factam hanc prudentiam potius, quâm fieri. Atqui incrementum & irrigatio illi, ab his inquisitorij, vt sic dicam, humoris guttis: quas altè perbibit melior animus, & paullatim madescit sapientis iudicij succo. Atque hæc de Prudentiâ dixerim: verbis parcè, rebus ampliter, si rebus experiris. Ad Scientiam te nunc eadem manu duco. Quam mirere fortasse, quod peregrè quæraram. cum domi illi sedes potius; & hæc litterarum studia quiete secretoque magis gaudeant, quâm motu aut discursu. Sed defines huius admirationis, si animum flectes ad duplicem, qui ad Scientiam, modum. Aut enim ab Auribus ea, aut ab Oculis est: à Doctore dico, aut à Libris. Et de libris quidem, nemo it negatum quin domi habeantur tractenturque melius: in doctoribus, aliter esse ratio suadet me-

cum.

C O M M

D

cum. Quæ enim illa, obsecro, tam felix re-
gio, quæ felicissima omnia ingenia inclu-
dat? Quin sparsa illa: & deo dispensante,
sua cuique terræ velut gemmula quæ illu-
stret. Hanc adi, hanc audi: & è sacris illis
pectoribus, hianti ore bibe abditæ doctrinæ
fontes. Quis non à Turnebo aliquo doctior
redeat? prudentior à Sighonio? disertior à
Mureto? quorum ego non auditum solum
magno emerim, sed visum. Quod si noti-
tia etiam aliqua tibi cum iis accedet (& id
pronum apud tam humanos:) deus bone,
quæ occasio hîc tibi discendi & ditescendi?
quot gazas legere & recondere cottidie po-
teris latentium litterarum? Mecum vides.
tu arripe tantum: &, me auctore, in usum
eiusmodi virorum omni arte irrepe, vi-
ru mpe.— Nusquam meliore damno frons
ponitur. Hæc Platonis, hæc Pythagoræ, De-
mocriti, & aliorum sapientum mens fuit:
qui relicta penu artium Græciâ, non ad cul-
tos solum, sed ad barbaros peregrinati, acri
quodam cupidine discendi. Iam & alia ab
Oculis utilitas: qui hîc tibi soli & nudi ad
Scientiam sœpe duces. Italiam ecce nunc
adis. illam frugibus, viris, opidis cultam, il-
lam famâ inclutam scriptisque. In eâ non ve-
stigium usquam pones, non oculum flectes;

D 5 quin

quin monumentum aliquod premas , aut memoriam usurpes, ritus siue historiæ priscæ. Illuc Thrasimenum miserantibus oculis subiicies, aut æternum imperij vulnus Cannas: hic magis lætis , Albanum , aut Tybur , aut nobiles Baias. Plinij alibi mansio, & Virgilij aut Propertij patria tibi ostendetur ; alibi rudera Varronianæ aut Tullianæ villæ. Quanti & quām arcani gaudij ista visio? cum non animo solūm , sed pænè oculis sese inferunt manes illi magni , & sola premissus pressa toties ipsis. Iam coloniæ illæ veteres, iam templa, theatra, arcus, sepulcta, lapides, quem non & doceant mirificè & delectent? Doceant dico. quia reuera notata aut exscripta hæc talia , mirum quātâ luce mentem perfundant , trepidantem per veterum scripta. idque experti dicimus ipsi. Ut omittam etiam illud commodum. quod nescio quomodo attollatur & grandior sese fiat animus , adspic̄tu tot sublimium & grandium rerum. Cupidinem veræ virtutis & gloriæ ingenerat , visa toties aliena gloria & virtus. Ad mores iam venio , qui postremus mihi locus ; tibi , siquid sapis ô adolescens, primus. Ab hoc enim scopo si aberrasti, aberrasti ab aliis : & inutilis, imò noxia , scientia omnis prudentiaque est, secreta à probitate

tate morum. Cetera speciosa puta, hanc necessariam: illa ad ornatum adhibe, hanc ad salutem. In moribus autem duplex mihi praeceptio: & ut bonos rectosque ubique adnotes, & fugias malos & detortos. Sed in bonis, ne mentiar, haud magna fortasse peregrè copia est. Latent enim plerumque verè probi: & in pectore intimo domicilium Virtus habet, non in vultu aut fronte. atque inde ut extrahatur, vsu opus & notitiâ quædam propiore: ad quam peregrinantibus raro accessus. Tamen elegantia quædam morum & comitas, & externa quædam, ut sic dixerim, virtus, quin apud exteròs iure quæratur, non negabis. Quid in cultu, vestitu, actionibus deceat, quæ Veneres & lepores in sermone aut gestu, docere te ritè politiores illæ gentes possint, Itali, Hispani, Galli. atque ita rus illud nostrum aptè sepe diluas quæsita istâ urbanitate & peregrinâ. Sed quæsità, non affectatâ, usurpatâ modicè, non ostentatâ: alioqui nihil comptu eo incomptius, elegantiâ ineptius. Risimus non semel eiusmodi histriones, qui ab Italia aut Galliâ noui gestus nescio quos mimicos molestè usurpabât, & delicias parum non dicati ciuiles, sed viriles. Tu hæc fuge. & in primis vera & interna animorum vitia, quorum ubique

vbique larga & obuia seges. è quâ né quas
spicas improuide colligas, magna mihi pro-
te cura, imò metus. Admittimus enim ne-
scio quomodo & combibimus facile pere-
grinas illas culpas; siue quia nouitate aliquâ
blandiuntur, siue quia specie virtutum. At-
que vt venena vini admixta, medicorum
scito, perniciter & perniciose penetrant: sic
peccata hæc adsita virtuti. Ferè enim ita fit;
vt in quâ gente vitia certa increuere & in-
crebuere, mores iam vocentur; nec in ve-
niā modò veniant, sed laudem. Adde,
quod naturâ ipsa proniores nos ad mala imi-
tanda. Ut pictor, leui manu & volante pe-
nicillo, rugas, verrucas, næuos in facie expri-
mit, haud tam facilè ipsam: sic probitatem
laboriosè imitamur, nullo negotio maculas
illas animorum. Aduigila hîc igitur. & iam-
ante seriò prouide, quæ vitia cognata vel
amica cuique genti. Quis enim neget? vt
hominibus singulis, sic populis suæ laudes,
suæ labes. Galliam ecce cogitas? leuitatem
& vanitatem etiam, quæ in plerâq. eâ (om-
ni, falsò dicam) gente. Italiam? proteruiam
in eâ & libidinem. Hispanias? typhum
quemdam, & Africanum fastum. Germa-
niam? comedationes & ebrietatem. Quæ
velant illi, scio; & comitatem, fiduciam,

grauitâ.

supidv

grauitatem, hilaritatem interpretantur fal-
so. at tu vitabis, nec in venas rapies peruersi
iudicij aurâ blandientem pestem. De mori-
bus tantum est. & pertexui hanc telam: nisi
quod leue parergum illi addam de Italia ipsâ.
Laxat enim nefcio quomodo vela huic stilo,
prouehitque longius amor & cura tui. In
terram is igitur terrâ istâ meliorem, fateor;
gentem gente nobiliorem: haud scio an pro-
bam magis, an fidam. Ingenium, & subtili-
tas, & magni erectique animi in illis locis ha-
bitant: non semper puri, simplices, & ad
Gallicam istam niuem. Ideoque incautis &
apertis nobis nonnullum ibi periculum, &
quidem à duplice telo. Nam & inter viros
multi tecti, callidi, periti simulare: & inter
fæminas, formæ conspicuæ, sed lasciuæ &
procaces. Hic Scylla, ibi Charybdis: & duo
hæc discrimina ut enauiges, opus non pru-
dentiâ quâdam solùm, sed dicam fortunâ.
Prius tamen illud me angit minus. quod
amoliri magnam partem posse videor ca-
uentibus quibusdam præceptis. Nam con-
trâ insidiantes illos aut simulantes, quidni
firmum scutum à simulatione item aliquâ
sit? Cres mihi esto inter Cretas. Nec viam
tibi tamen ad fraudes præeo. absit. sed ut
medici, venena quædam venenis pello, in
salu-

salutem tuam non in noxam. Ad minutas
& innocentes quasdam simulatiunculas te
voco: nec ad alienas insidias, sed ad animi
tui opportuna tegimenta. In Italiâ totâ tria
hæc mihi serua. Frons tibi aperta, lingua
parca, mens clausa. Comis & communis
vultus aduersus omnes sit, animus externo
nulli pateat: & velut in thecâ clausum eum
habeas, dum redeas ad notos animos & verè
amicos. Epicharmæ sapientiæ ille neruus
hîc valeat, Nulli fidere. Niſi facis: non vnuſ
Vlyſſes Aiacem te circumueniet; & dolo-
rem nobis debes, illis riſum. Atque hæc ta-
men cautio mea propriè in vulgo Italorum
dirigitur. Nam de nobilibus cur diffitear?
reuera optimates illi plerumque optimi:
celſi, alti, ſinceri, virtutis, gloriæ, litterarum
amantes. In vulgo aliter eſſe obſeruauimus;
qui fex & limus, & verè vulgus. Itaque in
illis, vetus Italicus aut Romanus ſanguis ferè
apparet: in iſtis, peream, niſi claræ reliquiae
(fidenter dicam) Gothorum, Vandalarum.
Iam contrâ telum alterum qui muniam te,
aut moneam? Ita ſim ſaluiſ, ut opto potius
quam ſpero te hîc planè ſaluum. Tantum
mihi metus & ætas tua facit, quæ in ipſo
æſtu: & illæ non dieam fæminæ, ſed Vene-
rcs, Venetæ aut Romanæ. In naturâ tantum
tuâ

tuâ spes omnis præsidij hic , & voluntate.
Quarum si alterutra ad calidas & callidas
istas Solis filias inclinat : quis hominum te
seruet? certè rues: nec vlo præceptorum suf-
flamine te sistam. Tamen ne nihil dicam
aut addam : ecce armaturam à me dupli-
cem, Oculis Auribusq[ue]. Oculos inquam,
primùm mihi clade , & auerte longè ab il-
lecebrosa hoc adspectu. Aditus enim mali
morbi hinc est : nec amor aut cupido facile
irruperit, nisi per geminas has fenestras. Sed
& Aures etiam muni, contrà omnes non
Venereos solum sed paullò magis venustos
sermones. Iij sunt enim qui titillant, qui ex-
citant: & vt cupere ab aspectu est, sic velle ab
auditu. — Igitur vt athletis olim, munimenta
quædam aurium adponi mos (ἀμφωπίσας vo-
cabant) ad vitandos ictus: sic tu hoc firmum
contrà amatoria vulnera habe velamentum,
Amatorium nil audire. De hominibus dixi
(quæso ne cum iniudiâ cuiusquam aut irâ:
quia liberè aliquid protulerim fortasse, nihil
acerbè aut malignè:) adiungam & aliquid
de locis. Qui varij in Italiâ omni & pulchri:
vt non iniuriâ deliberes, quem præferas ad
videndum, siue habitandum. Et meo qui-
dem sensu (vidimus enim plerosque omnes,
& triuimus) prima tibi vel adfectus causâ,
imð

imò cultus, adeunda Roma est: adeunda tamen, non habitanda. Confusio enim ibi & *σύρχοις*, aëris & morum haud pura puritas: & quod verissimè à Varrone dictum, turba turbulenta. Loca igitur illa prisca & vetera, monumenta ac rudera,

— *& campos ubi Troia fuit,*

cum lustratus satis & veneratus fueris: Neapolim mihi abi, & paullisper inside illam nobilem, illam cultam, illam amœnam. Per quam viam deliciae locorum multæ, quas omitto. sed si inhabitanda diutius Italia est, in Thuscos mihi redi, & illos incole,

**De exter-
ni capo.* linguæ, aëris, morum caussâ. Omnia hæc ibi pura. Quod si de opido etiam queris: Florentia mihi aut Senæ placeat: & magis istæ. At iam in abitu & reuersione, Bononiæ amicam studiis libens videbis, & eadem laude insigne Patarium, quibus cum dies aliquot dederis, non pigebit in vrbe maris dominâ (Venetias dico) lustrandâ ponere septimanæ. Heu ad inuidiam pulchra, opulens, felix vrbs! minus tamen ad nostrum Genium, quia Mercurio amicior quam Mineruæ. At in exitu grande illud & diffusum Mediolanum te capiet. in quâ fine Italæ, finis mihi epistolæ. Deum supplex preceabor ut te seruet, & tu ista. Vale Nobilissime

lissime iuuenis , vale , vale. nec deus mi-
hi * auguria perficiat , quæ in tristi mente.
Antuerpiæ III. Nonas Aprileis. 88. I. O.
LXXXVIII.

* Certè ve-
ra. obiit
enim ea-
ipsâ pere-
grinatione,
princeps no-
stra iuuen-
tutis.

EPIST. XXIII. Ultraiectum.

I A N O D O V S Æ S. D.

He vs tu , sacrificia. Lipsius etiam viuit.
Discrimen igitur tibi? inquies. Grāde,
capitale, mi Douſa: & quidem sine criminē
discrimen , à scriptis iterum meis non à fa-
ctis. Satyram ego nuper scripsi , & illa me
pænè proscriptis. Iocari me putas? verò, fe-
riò. à grauibus , imò à grandibus viris res
agitata : à proceribus imperij : tanquam in
læſo aut turbato publico statu. Suspendo
adhuc te. rem habe. In iocis illis Menip-
pæz nostræ aliquid est de lauru poëtarum,
quam largitur Cæſar. Ab cā iste ignis. Aiunt
ignominiā à me affici vniuersum id genus:
aiunt Cæſarem ipsum aspergi iniuriā , quasi
non id ei ius aut potestas. Itaque à Legatis
ipsis Cæſaris litteræ subitò Francofurtum,
quæ grauiter me accusarent, minarentur: &
Satyram ipsam priuatum irent publicâ luce.
Hæc audis? hæc credis? Non ego ipse : nisi
litteras eas vidissem his oculis, tenuissem hac

E manu.

manu. O sæclum, ô viri! Ite vos docti, vigilate, scribite: & pro famâ, subite hanc flammam. Et tamen vt cumque calumniarum ferax æuum: quis materiam iis censuisset in re tam leui? Nisi si hoc proprium mihi fatum, vt ex candore istarum niuium oriatur semper aliquis ignis. In Epistolicis meis nónne simile? Benè certè sperare de iudiciis posteriorum debedo: cui tam iniqui sunt viui. Tu-vide, ride, & si vir es, pro Satyrâ nostrâ Satyram in saturos illos scribe. Nónne enim, nostrâ? tu certè eius magna pars es. Vale mi oculissime. Lugduni Batauor. i i i. Kal. Iulias ∞. I o. LXXXI.

E P I S T . X X I V . *Lugdunum.*

G E O R G I V S R A T A L L E R V S

I. L I P S I O S. D.

ANNVS iam est & amplius, Clariss. Lipsi, cum ad te scribere cupientem retinuit mē exspectatio aduentus in hanc vrbum tui. cuius ego spe haec tenus falsus, neque quod constitueram, isthuc profecturus video, facere non potui quin has ad te darem testes benevolentiae erga te meæ. Quanquam autem nunquam mihi visus es, ea tamen pertentat mentem tui cupiditas,
vt non

vt non solùm te diligam, verùm etiam vni-
cè amem. Cuius rei caussa est cùm insignis
tua atq. omnium ore prædicata virtus, quæ
etiam nunquam visos amare compellit, tum
in omni eruditionis genere excellens doctrina,
quam ex ingenij tui monumentis nemo
non percipit. Inuideo propè dixerim iis qui-
bus illa contigit felicitas, vt non solùm te vi-
deant, verùm etiam familiari tua consuetu-
dine & colloquiis quotidie doctissimis sua-
uissimè fruantur. Sed ne multa, nihil hac
mihi scriptione aliud quæritur, doctissime
Lipsi, quam vt scias me amare te & admirari,
nihilque esse prius aut antiquius quām
abste viciissim vt amer. Quod sanè ubi in-
tellexero, non in postrema parte felicita-
tis meæ positurus sum. Vale. & vt quam
commouisti sustineas atque tueare studio-
rum atque lucubrationum tuarum exspe-
ctionem, valetudini, quam non omni-
no firmissimam esse audio, diligenter in-
serui. Ultraiecto. Pridie Kalend. August.

∞. IO. LXXX.

E 2 EPIST.

EPIST. XXV. Ultraiectum.

GEORGIO RATALLERO Præfidi

ibidem Consilij Regij s. d.

NB.

VALDE alienus à Gratiis omnibus sit,
 Vir Amplissime: cui non & litteræ tuæ
 gratæ, & hæc ad amicitiam invitatio, tam
 amica, tam honesta. Quam quòd prior,
 quòd vtrò suscipis: iure magni facio, qui
 scio quām tu magnus. Et amavi quidem te,
 imò colui iam pridem, tacito quòdam sen-
 su: qui diu inclusus, libens nunc se promit &
 exspirat ad hanc suauem beniuolentiaæ tuæ
 auram. Cui tamen non dicam paria, sed
 maiora facio: quò plures mihi ad amorem &
æstimum tui cauissæ. Doctrina, dignitas,
 virtus, & ante omnia hæc humanitas: qua
 trahis & necis me tibi adamantino quo-
 dam vinclo. Quod nulla vis, nulla fraus, la-
 xabit aut soluet; donec

*Lumine adempto animam moribundo cor-
 pore fundam.*

Idque tibi non per epistolam scriptum, sed
 velut per syngrapham volo sponsum. Tu
 mihi quæso responde: & hunc, vt sic dicam
 amoris noui fruticem, quem tam amanter
 eduxisti, euocasti, alere & fouere perge be-
 niuo-

niuolentiæ tuæ radiis : ô Belgij & meus
splendide sol. Vale. Lugduni Batauorum:
Postridie Kal. Augusti. 88. I. LXXX.

EPIS. XXVI. Hagam.

THEODORO LEEWIO
Confiliario S. D.

MAGNUM illud Antuerpiense facinus,
magnum. dicerem & malum, si de
causa mihi liquidò constaret aut fine. Sed
tamen hoc ipso malum, quod malum imo
exitium patriæ trahet secum. Heu, quæ vi-
demus? quæ audimus? quām inopinata?
quām obliqua? quām non pro veteri fide &
more regum? Nec tamen, mi Leewi, deii-
cere. erige te potius: &, vt palma, attollat se
animus contra nouum hoc pondus. Inspice
Iudibria rerum humanarum, & aleam am-
biguae Fortunæ: quæ gaudet iactum aliquem
ex occulto iacere, nec exspectandum. Hinc
ille vulgi stupor & querela, Quis putasset?
quæ non cadit in mediocriter sapientem:
qui iamante ita meditatus, vt sciat hæc &
deteriora posse euenire. Ut in bello, etiamsi
hostis absit, semper excubiæ: ita vigilat ille
contra improuisum omnem ictum. Quis
fuit ille dies, cum hic & alibi insulæ totæ

E 3 aquis

aquis absorptæ, aut vrbes terræmotu? Quis eorum qui tam magnâ ruinâ perierunt, id putasset? Nec exempla nobis desunt istarum, quas patimur, cladium: sed ipsi nobis, qui, insito à naturâ vitio, proni semper ad spes meliores. Quas coercere tamen potius fit, & laxiores habenas permittere timori. Non deerit consilium aut solatium illi animo, qui timuit quidquid potuit timeri. Iure à Romano sopho laudatur is versus,

*Cuius potest accidere, quod cuiquam potest.
Quem velim impressum tuæ menti, vnà
cum amore mei. Vale. Lugduni. Pridie
Kal. Febr. 80. 15. lxxxiii.*

E P I S T . X X V I I . Brugas.

L E R N V T I O , E T G I S E L I N O .

SALVETE meæ animæ. ita enim meritò vos appellem, quia quamdiu istic fui, vixisse videor: nunc vitâ frui quasi per umbram. Circumagunt me hæ turbæ in Numidæ morem: & adhuc discurri sine lare, sine certis sedibus. quas tamen positurus in Batauis videor, Ordinum vocatu, & stipendio sanequam honesto. Sed temporaneas, non perpetuas: saltem,

Dum hæ cōfilescent turbæ, atq. iræ leniunt.

Aliter

en pte

Aliter videtur quibusdam è meis, qui in mutatione hac rerum ad dignitates & splendores vocant. videatur. mihi stat vetus illud decretum meum, reipub. tam confusæ non misceri. Orpheus ille vester Lugduni est, & (inuideo vobis hunc risum) partes has simulat, & ambit professionem. Exambiétne? non, si Batauos noui: in quibus certè plusculum, quàm pro veteri verbo, auris est & cor dis. Eurydice etiam eius híc. & illa professionem. O Doufa, viuis & Satyram non scribis? Sed ridebimus coràm. Ita enim de vobis recepit mihi Winterus vester, adolescens adprobus & perhumanus. Facite, & properate ad hæc Neptunia loca: in quibus ego cum Dousâ tam arctè, tam quidè, vos amplectemur, quàm Amymonem suam illeipse Neptunus. Sed hospitium quidem vobis (ita iubeo) apud me erit: familiare scilicet & sobrium, nec propter vos maiorem sumum vicinia videbit. Properate tantùm: quod ut magis faciatis, nuncio accepisse me nunc nuper Lutetiâ à Pythœo Trochaicum vetus, cui titulus Peruigilium Veneris, elegans & scitum carmen, & dignissimum illa ipsâ deâ. Plura non addo. venite, videte, valete. Lugduni Bat. Kalendis Veneris.

oo. IC. LXXIX.

E 4

Sed

Sed lieus tu, Lernuti ! est quod à te serio
petant mei horti. non magnum aliquid, sed
illud idem quod hortus tuæ , Seminari. Ita-
que siquid feminij tibi supereft , non illius
Plautini (apage nuptiales tuas nugas) sed
istius hortensis: quæfo , hoc nuntio mitte.
Habeo enim & colo híc in ipsâ vrbe hor-
tum, amœnum potius quam grandem, con-
cessu nostri Hauteni. Pro eo ad Venerem
natum mihi herè hoc Carmen. quidni enim
friuola mea mittam , vt eliciam gemmulas
tuas? Ita callidè captator sum : nec nego.

AD STELLAM VENEREM

PRO HORTO.

ALMA Venus, quæ cælorum colis ardua templa,
Quæ maria ac terras vitali semine compleſ:
Quâ sine nec flores hortos, nec gramina campos
Vestierint, neque frugiferas animalia terras,
Quæ ue ſolum pedibus fulcant, quæ ue æra pennis:
Tu dea tu fautrix hortorum in cultibus eſto,
Adspiresq; meo numen genitale labori.
Nam ſine te nil Flora potefit, nil flaua Segeſtis,
Noduisq; herba pubenti optabile numen.
Pelle malum virus à floribus, imbricitorque
Ne noceat Aquilo, neu grando, neu robigo,
Effice. diua potes. Solis Lunaq; potestas
Te ſuperâ: ſed consenſu tua tertia regna.
Nec *tibi Mercurius certauerit, aut tibi Mauors:

* Ad clarorem
ſtella Veneris
haec referenda.

Ipſe

Ipse tuo fasces submittit Iupiter igni.
 Intererà, dum nos fera mœnera militiæ
 Exercent, lituigæ vocant ad ciuica bella:
 (Patria da veniam) Hauten securus in hortis
 Ipse habitem, fallatque meos cultura dolores.
 Non ego Bellone sim victima, non ego Marti
 Miles: nascentique alius mihi risit Apollo.
 Sat patriæ Belgisque datum, si fama Camœnae
 Nostra erit, atque aliquis venienti Lipsius æuo.

E P I S T . X X V I I I . *Heripolim.*

F R A N C I S C O M O D I O S. D.

ERГОНЕ viuis Modi, & nos amas? De
 vtroque enim ambiguos reddebat &
 locorum interualla in quibus agis, & silen-
 tium quo tamdiu non iustè vñsus. At nunc
 emendasti, & longâ epistolâ cessationis cul-
 pam eluisti in parte. nam totam tum de-
 dum, si perseuerabis. Et quanquam remo-
 tum te doleo seiunctumque à nobis: tamen
 quod in iis locis, & apud eum virum es, lenit
 desiderium, gaudium imò adfert. Amo
 enim, amo, Germaniæ illum tractum in
 quo beatè viximus olim ipsi: & gratulor de
 hospite, qui, vt scribis, tam benignus in me-
 liores Musas. Sæpe apud notos prædictaui,
 sed parum credulos, Homines etiam illa
 tellus alit ingenio doctrinaque pares nobis,

E s fide

fide & virtute meliores. Experiris ipse: & magis experieris cottidie, si omissâ inanum specie, de re iudicabis ex re ipsâ. Intereâ vi- des portum aliquem & receptum in his stu- diis esse, per res afflictas: nec vanum illum quicumque scripsit,

*Artem
minutam
terra que-
mis educat.

*Τὸ τεχνίον γε πάσα γαῖα συτρέφει.

Ego quidem auctor tibi sim non commo- uendi ex iis locis, donec Belgio huic fiducia status melioris. Nam nunc quām fluctue- mur, vides. Fœdera & domini noui: & om- nino aut mutatio , aut interitio rerum. Sed malo aliquid de studiis. Tacitum ad me, siue Eclogas potius tuas in Tacitum, si mit- tes, gratum: & vtar, non sine memorâ eius; per quem vtar. Paramus enim iterum vul- gare Comitemtarium nostrum , sed auctio- rem. Habemus & libros duos De Venatio- ne iam affectos, Saturnalium priorum (quæ dilaudas) titulo & exemplo. Sed & de Epi- stolis meis edēdis aliquid cogitabam , si quis colligere aut seruare potui in hoc naufragio nostrarum rerum. Quæ mens iniecta mihi nuper; non nego, per Italos: quorum Episto- las ambitiose editas vidi, & (liberè dicam) non inuidi. Cur enim? A verbis cultas cen- ses? saepe nec Latinæ sunt. A sententiis acu- tas? torpor & tepor merus est. O Italia, ubi Poli-

Politiani tui, aut Barbari? defecisti. & hoc
sæculum ambitionis & fuci aliquid fortasse
plus habeat, re deseritur & seriâ illâ doctri-
nâ. Etiam Agellius nobis nuper in manibus:
depositimus, postquam aliis audiuiimus eam
esse curam. De * gaudeo mi Modi, gau-
deo, quod tardè, sed aliquando eum nosti.
Nam cur dissimulem? labi & tabi tibi ami-
citia illa: & floreres inter prima ingenia Bel-
gij nostri, nisi hæc vredo te adflasset. Quid
de indole tuâ optimâ & ad omnem laudem
natâ sentiamus, imò loquamur cottidie, no-
tum multis: tu eripe tantùm te, & sciun-
gere ab obsecro hœc eæno. nitorem & lu-
cem tibi spondeo æternæ famæ. Meipsum
quàm ille lutulauit, & lœsit? olim contage
& confortio, nunc conuiciis. quæ spargit oc-
cultè, & iacit ea quæ digna tantùm ipso. In-
felix, quid sibi vult? notus esse? erit. & nisi
desinit, stigmata illi ego atque amici inure-
mus, quæ Sequana illa non eluet suis vndis.
Sed mentior Modi, mentior, & loquor mo-
re vulgi. Nam ego à vindictâ tantùm ab-
sum, vt etiam ab irâ: omnesque eius noxias
vnâ spongiâ libens delere possum veniæ &
oblivionis. Malus ego in malum nunquam.
Peccet ille & ruat; mihi benefacere consta-
bit: & conuicia eius omnia refellam vnâ
vitâ.

vitâ. Ita quò peius ille loquetur, melius ego
 audiam: & contrà Inuidiam pulcherrimum
 hoc genus vltionis amplectar, vt comedat
 ipsa sese. De Matulis illis & Petreiis, iam
 aliquid inaudiuera. sed quid? etiam illæ
 nitedulæ extrahi volunt è suis fentictis? à
 me fruстрà. Tu tantùm purga me calum-
 niarum eiusmodi apud Posthium : & ani-
 mum hunc illi aperi candidiorem vestrâ ni-
 ue. De poëtis Germanis aliquid dixi aut
 scripsi: at non de germanis, inter quos mihi
 ipse. Fucos & dchonestamenta poëtarum
 saltem tetigi: quorum fertilis sane illa ora.
 Vidimus nos, & vides ipse. Quis non ibi
 somniasse vult in bicipiti Parnasso? Itaque
 vates omnes audiunt, & prodeunt: & com-
 pti sublimesque multi cum Cæsareâ suâ lau-
 ru. Quos non equidem sperno aut rideo:
 hoc tantùm iis instillo, Laurigeri multi, pau-
c: Phæbi. Quin re plerumque didici, mini-
 mè re poëtas, qui titulo illo & nuncupatio-
 ne. Extrema tua epistola pupugit me de
 M. Antonio. Itane est? abiit? certè doleo.
 Nam æmulatiunculas illas eius (ita appelle-
 lare malo, quâm calumnias) nihil moror.
 Habere hoc scio ista studia, vt nescio quo-
 modo facile pariant riualitatem, quam ego
 serio contemno: sed & hoc mihi serio dolet,
 con-

contemni per hanc illa. In contentionibus enim istis quis risus s̄epe vulgi? & iure, cum tam pueriliter desipientes eos videant, qui ad sapientiam aliis magistri. Ratallerum Pr̄esidem quod saluere tu patronusq̄e iubetis: ille verò saluus. iampridem enim à nobis abiit ad beata illa loca: idque præcipiti quodam fato. Nam bene valens ad curiam cum venisset, subito deliquio animi concidit, nec surrexit. Ita creptus patriæ optimus ciuis, nobis amicus. Hoc ante se-
p̄em menses accidisse scitote, & mecum dolete. Vale mi Modi, & magno illi pa-
tronō tuo à me salutem. Lugduni Batauor.
Nonis Augusti. ∞. I. lxxxii.

EPIST. XXIX. *Lugdunum Bat.*

Ios. SCALIGER I. LIPSI
suo Salutem.

SATYRAM tuam Menippæam accepi,
Mi Lipsi, cuius nomine tibi gratiam ha-
beo primūm tanquam amico, qui mihi eam
dedicasti, deinde tanquam magistro, qui
me multa bona docuisti, & doces quotidie
in tuis aureolis scriptis. Quare & amicitiæ
tuæ & eruditioni ita me debere fateor, ut
alteri quidem quod opponam habeam, pie-
tatem

tatem & singularem amorem in te , quo ne
tibi quidem concedo , in altera ita me vinci
à te gaudeo, vt non aliter , quàm si id omni-
bus palam testatum relinquam , tibi satisfa-
ctum putem. Quod sanè non solum facio,
sed & fieri debere fateor. Deus opt. max.
te nobis conseruet. Nam qui literarum di-
gnitatem hodie sustineat , præter te habe-
mus neminem. Iuuenes nostri hoc tempore
ρεμόντων nescio quid μετεωρογλογώσων . hoc
vnus student, vt mulieribus placeat eorum
studia. Aliter oleum & operam se perdidisse
putant. Oraculum hoc à me accipe : si ego
& tu morimur senes, per hos λεγχηνδράς non
stabit , quominus literarum interitum tan-
dem videamus. At ego nunquam nouarum
partium transfuga aliquid muginabor, vt in-
quit ille, cuius fructus ita mihi constabit , si
illis displiceant labores mei. Habeo in ma-
nibus opus affectum de Emendatione tem-
porum , in quo veterum excito omnium
nostrorum Chronologorum , qui omnes
ομοθυμαδὸν in vnum id iurasse videntur , vt
verum nunquam dicant. Primum omnium
nationum annos tam veteranum quàm recen-
tiorum explicavi, Atticorum, Macedonum,
veterum Hebræorum, Ægyptiorum, Chal-
daeorum, Persarum, Ethiopum , Armenio-
rum.

rum. Huius rei ignoratione non tantum peccant Chronologi nostri, sed & ij, qui eorum dicta *nupias dōξas* putant. Præterea annum nostrum quomodo corrigant ij, qui hoc opus hodie Romæ aggrediuntur, ostendo, & multa alia eius generis adiicio, ex quibus omnium sæculorum ratio penitus ignorata constet. Tu velim saepius ad me scribas, nisi graue est. Plantinus curabit literas deferendas. Vale Cantamilæ ad Crossam flu-
men in agro Agedunensi limitis Lemou-
cani. x. Kal. Iun. ∞. I. C. LXXXI.

EPIST. XXX. Rome.

NICOLAE FLORENTI *salve.*

QUÆSITVS mihi hodie es, nec reper-
tus, non sine meo morsu. Auidè enim
auebam onus apud te deponere, quod pre-
mebat. Sed nec mensa nostri regis te vidit.
quid factum? Satin' saluæ? spero. æstus hic
potius te impedierit, cui nos vix ferendo,
etiam sub tectorum umbrâ. Sed onus, quod
dixeram, impositum mihi à Valerio, ecce
istud. Legebam herèlib. v. cap. v. De Scipione Africano: *Itaque clarissimorum co-*
gnominum alterum sumpfit, alterum dedit:
triumphiq[ue] prætextam huius exceptit, illius
tradi-

SUDIA

tradidit. Item lib. vii. cap. i. De Metello: *Consulatus decus, imperatoriam potestatem, speciosissimi triumphi praetextam largita est.* Recte vtrobique & verè de Prætextâ: quam tribuit aperte, vt vides, triumphantibus, & facit eam honoris eius propriam ve-
lut notam. At falso, nisi fallunt me con-
fensu ceteri scriptores. *Quis enim libauit*
modicè scripta aut ritus veteres, qui nesciat
Prætextam puerorum saltem & Magistra-
tuum fuisse? *Quin adeò triumphantium*
illa non propria, vt disertè remoueant & dis-
criminent scriptores. Plutarchus in Mario:
καὶ παρῆλθε μὲν, εἴτε λαθὼν αὐτὸν, εἴτε τῇ τύχῃ
χειρόμηνος ἀγεοπότερον, οὐ τῇ θελαιωβοῦ κατα-
σουλῆ, τεχνὴ δὲ τὸ βελὸν ἀχθεδέσσαν αἰσθόμηνος
ἔξανεση, καὶ μετελαθὼν τὸν πειπορφύραν αὐτὸς
ἥλθε. Nam πειπορφύραν, ipse & ceteri
Græci, vt scis, dixerunt Prætextam. Tacitus lib. xi.
Ludicro Circensium, Britanicus in Prætextâ, Nero triumphali ueste
transuecti sunt. Certè alia omnino & au-
gustior triumphorum illa uestis, nec præ-
texta solùm purpurâ sed intexta, addito
etiam auro. Liuius libro xlvi.
In curru scandentes Capitolium auratos purpuratosque
de triumphantibus dixit. Appianus iisdem
tribuit, πορφύραν αἰσθέσσον χρυσῶν οὐνομασμένων.
Atque

Atque hæc est, quam dixeré Togam pictam,
aut Palmatam: (exempla tibi notissima:)
Prætextam nunquam. De Valerio igitur
quomodo expedit? Librariorūmne hīc ali-
qua fraus? nec enim ipsius error potest, in re
sensibus oculisq[ue] tam promptā. Quod si
fraus: sanè audax. nec nisi audaci aliquā ma-
nu tollenda. Iuuia me, & an Pictam an Pál-
matam falsæ illi Prætextæ substituam, mo-
ne. Sententiam tuam aut, cum ad nos ve-
neris, audiam: aut, si id longius fiet, legam.
Curā quidem & cogitatione tuā dignissimus
vterque locus videtur: in quo hoc quoque
me offendit, quod Piglius noster nihil of-
fendit. An vobis antiquariis hīc omnia
plana? doce, doce.

EPIST. XXXI. *Hagam.*

TH. LEEWIO amicam s. d.

AB

IT A certè oportuit. in viam, inquam, of-
ficij redire, à quā exorbitauimus vterque
nimium diu. non neglegentiā aliquā, vt
scio, aut contemtu: sed fortasse dulcedine
cessationis, & fiduciā amoris. Id enim de
me fateor; de te opinor. Quin s[ecundu]s sic affi-
cior, vt quemadmodum mulieres quæ yte-
rum ferunt ad omnia nauseant: sic mihi nec

F

scri-

*Urum vxor du,
cenda nec ne?*

scribendi libido vlla sit nec legendi. Mare quoddam mortuum esse aiunt, sine vento sine motu: sic saepe ego. Sed tu me excitaſti: præſertim illâ parte epistolæ, quâ conſilium à me petis de ſumma vitæ. Deliberas de coniugio, aut cœlibatu. Difficile mihi ſententiam interponere, præiudicio iam pænè deuinctam. Vides enim quid ipſe fece- rim. Ita niſi à coniugio dixero, damnem me ipſe neceſſe eſt aut inconstantia aut erroris. Sed ſeponam tamen paullisper eam cogita- tionem, & de totâ re videbo quaſi liber & exſolutus. Ac principio coniugium ſi quis damnet, impius fit in vtramque legem, & ciuium & naturæ. Stare genus humānum non poſſe omnes ſcimus, ſine viri mulieris- que cœtu. Non ergo vniuersè id quæreris, credo, an coniugium probandum: ſed ſtri- etius, an ſapienti, an hoc tempore, an tibi, ſapientiæ ſtudia & vitæ quietem ſi ſequeris, neſcio an ducenda vxor. Exempla veterum ſapientum in vtrumuis ſunt: ratio magis eſt ut neget. Si enim liber animus, Deo & ſibi vacans, ad ſapientiam & tranquillitatem re- quiritur: non video quomodo adſumenda illa cura, quæ noctes diesque adhæreat, an- gagat, coquat. Si fatis moleſtiae in te tuſ- que cupiditatibus regendis, frænandis: quid aliunde

aliunde accersis, cui imperes & moderere? Cymbam nostram difficulter gubernamus: ecce nauim adiunctam volumus cum tot armamentis? Et fero adhuc, si reges, sed quid si regere illa vult? si fulmenta lectum scandunt, ut vetus verbum est? quid? nonne bellum tibi non ciuale, sed familiare sumendum est de principatu? At enim moderatam audientemque tibi speras. Ita censeo & opto. sed quâ in re vñquam magis spes & vota fefellerunt? An ex composito illo vultu, oculis, verbis, toto corpore ad modestiam ficto, vxorem eliges? crede mihi, nulla fides. Proprium hoc & velut innatum illi sexui, ut crudæ adhuc & vix pueritiam egressæ simulent, fingant, fallant. At enim fide & commendatione aliorum, inquietes. Nolim equum sic emere aut agrum. Et quâ in re libentius aut minus cum periculo fallunt amici? Si in equo aut agro imposuerunt, expostulandi mihi saltem ius est. at id non in isto. Canetur tibi illud comicum, *Habeas ut natus:* & querelæ tuæ inventum ibunt, imò in irrigsum. In genere hoc prædixerim de sapiente: iam tempora ista videamus. Si res lœtæ & prolixæ: magis ferrem te ligari hoc nexus. Nempe publica solarentur: nempe in spem honorum & fe-

licis æui liberos susciperes, educares. At nunc
 quid nisi communes calamitates & bella?
 ne domi tu quæras. Quid nisi exsiliū, ex-
 itium, imminet, & mutatio vniuersi sta-
 tus? ne ad aureum sæculum liberos procul-
 à te censeas. Denique te ipsum (quod ter-
 tiò posui) intuere. Animus tibi ingenuus,
 & corpus: id est vires valetudoque parum
 firmæ. Ætatis quidem bona pars superest,
 sed & bona elapsa. Ingenium tibi come,
 molle, quod ferre iniuriam potius possit
 quam inferre. Hæc omnia videsis an apta
 ad mores fœmineos nostri æui. Et Dioge-
 nes quidem ab omni ætate coniugium re-
 mouebat, satis scitè. Nam iuueni, inquiet-
 bat, noindum ducenda est vxor: seni nun-
 quam. Græcè hoc sonat melius, ~~τελέων μηδέποτε, τελέων μηδέποτε.~~ At ego certè
 non vanè id restrinxerim ad statum me-
 diumque hoc æuum, quod velut vinum iam
 deferbut; & quale, mi Leewi, est tuum.
 Hæc in parte vnâ dici possunt, nec pauciora
 in alterâ: quæ quoniam scio subiici & à te ti-
 bi & ab aliis cotidie, laborem non sumam
 in iis recensendis. Eò minus, quod frustra
 scio suaderi coniugia aut dissuaderi: quæ à
 cælesti nutu & à fato haud vanè esse dicun-
 tur. Bene Euripides,

Euripides

*Εὐνὴ πάρενθή γενναιό μορφίαν.

*Fatalis
est viro at-
que fami-
n& thorus.

Idque didicimus nosipsi. Bina Socratis monita tantum addam. Primum, iuuenes cælibes similes esse piscibus qui alludunt circum nassam & gestiunt inire ; contrà , qui iam inclusi, exire : simile in matrimonio esse, quod ambiunt liberi, damnant capti. Alterum , Seicentanti cuidam Vxorem an non duceret? Vtrum uis, inquit, feceris, pœnitentia. In quo verè oraculo concludo , & ambiguum te sententiæ meæ relinquam , non amoris: qui tam verbosam à me Epistolam expressit. Vale.

EPÍST. XXXII. Lutetiam.

IOSIÆ MERCERO S. D.

AD me verò sçpe eiusmodi muscæ aduolent (ita per iocum te appellas:) imd apes. quoniam tu & litteræ tuæ plenæ suauitatum & meri mellis. Ipsâ quidem causâ scribendi quid mihi gratius? Appetere te amicitiam meam : quæ si vltrò offerenda sit tam benè natis ingenii, nihil abeam à decoro. Tu tamen anteueristi. et si non ignotus planè, vt ais: quia famæ aliquis radius te quoque illucet à magno illo patre : cuius eruditio & virtus clara apud omnes. Et tu

F 3 succe-

succedes, imò præcedes: si pergis modò in
hoc laudis stadio, quod currere cœpisti recto
& felici pede. Nam notæ tuæ ad Corne-
lium nostrum quas mittis (verè non blandè
dicam) vix tuæ ætatis. Macte hoc acumine!
quod vide te quæso ne ambitio deprauet aut
calor. Nam illud nisi ad rectum maturum-
que iudicium dirigis; noces, non iuuas, &
infligis scriptoribus vulnera, non sanas. Nos
Tacitum vulgare iterum paramus, cum
Commentariis nostris (sive Notæ erunt) ad
omnes libros. Nam priores sanè illi ad An-
nales refingendi etiam sunt: quia & lapsus
alibi sum, & quædam mihi elapsa. Cur ne-
gem? semitam sæpe ingredior, cum maxi-
mè censeo viam. & gratiam seriò habeam,
siquis corrigat, dirigat, reducat. Ad P. Py-
thœum litteras iam nuper dedi. accepitne:
inquire obsecro. Nam ipse quidem filet: at
non in illum meus amor. quod indicabis,
& salutem à me nunciabis ipsi & fratri.
Vale. Lugduni in Batauis. Idibus Martiis.
oo. ID. LXXXII.

EPIST.

EPIST. XXXIII. *Gandanum.*

ALEXANDRO RATLO.

amicissimam salutem.

LECTIS litteristuis, mi Ratlo, & dolui dolorem tuum, & gauisus in constantiâ sum. quod videam te quæ cuenerunt ita ferre, ut ferenda humana sunt, & ut dignum est iis sapientiæ studiis quæ tractas. Nam reuera hæc bella, hæ turbæ, hi discursus, quid aliud quam ludi? cruenti fateor, sed tamen ludi, quos instruit ambitio & sœvitia nostrorum regum. Itaque non ferenda solùm ista, sed ridenda. Et vidésne cum nuces sparguntur, ut currant pueri, & rixentur? idem isti, qui oppida & arces rapiunt, eripiunt, diripiunt, alieno malo & suo nullo bono. Atqui ea ipsa quæ tanti faciunt, propter quæ sudorem sanguinemque fundunt, si dimotâ vulgi nebulâ consideres, nuces sunt. Quare mi Ratlo mittamus ista, & habeamus eo loco quo sunt: id est, pro nugis. Ad nos redeamus, & ad eum quem dicis τετράγωνον λίθον: in quo solo quies & tranquillitas firma. Cetera fluminis ritu feruntur, ut canit Poëtalle inter verè sapientes. Senecam nostrum tibi placere ex animo gaudeo. Scio

F 4

non

non alios è priscis magis consentire cum Christianâ pietate , quâm eos qui è Stoicâ domo. In quo numero etiam Arrianus est, qui digessit Græcè dissertationes Epicteti, mihi valdè probatas. Quare, moneo, & lege. Nos hic turbæ iterum exercent , quæ sub discessum tuum sopitæ. Sed sopita tantum. nam euigilant iterum & viuunt, metuo ne in reipub. malum , & scholæ nostræ exitium. Nisi fallor, ea imminent, vt non discessisse à nobis videare , sed nos præcessisse. De Gallis mihi quidem ænigmata. Veniunt; non veniunt; volunt; nolunt: audent; timent; & omnia ancipiti metu suspensa & suspecta. Turcarum princeps aliquid in Africâ mouet : & aget is saltem bonâ fide. Mitto ad te Saturnalium meorum primam partem De Gladiatoribus , vt videas cruentas etiam illas in pace pugnas. Salutem quibus dici voluisti, dixi: iidemque te resalutant. de patris tui morbo doleo: quem à me saluta, & tu vale. x. Kalendas Feb.

oo. I. LXXXII.

E P I S T .

+

EPIST. XXXIV. *Lugd. Bat.*

AUGERIUS GISLENVS BVS BE-
QVIVS I. LIPSI O S. P. D.

ACCEPI librum Saturnalium, amplif-
simum à te mi Lipsi munus. Mos fuit
Saturnalibus mittendi munera, tu mittis
ipsa Saturnalia. quo munere, tot muneribus
referto, haud scio an maius quicquam mitti
potuit. Adde quod cum huiusmodi præ-
stantium ingeniorum monumentis non au-
rum, non gemmæ, non opes, nec quicquid
miratur vulgus, si verè iudicare volumus, vil-
la ex parte conferri merentur. Meritò igitur
te amo & facio maximi, qui me tanto dono
cohonestatum voluisti. De quo non dicam
plura, ne dum me gratum studeo probare,
meam ipse infantiam prodam, & culpa in-
genij deterá quod omnibus laudibus ut cu-
mularetur dignum erat. Tui penicilli opus
sit, te tibi depingere, & talem ingenij tui
fœtum idoneis coloribus ob oculos propo-
nere. At etiam (si Diis placet) me in scri-
bendo vis esse aliquid & in meis scriptis in-
uenis quod laudes, breuitatē videlicet, me-
ram, mehercle, orationis inopiam & pau-
pertatem. Quod tamen facile patior, nam

F 5 vel

vel iniusta laudatione ex ore tuo profecta negare non possum quin vehemēter gaudeam. non quin me norim sed quod hunc errorem, tuæ erga me benevolentiaæ qua mihi nihil iucundius, imputo. Mihi nunquam venit in mentem inuidere Ioui suum nectar neque ambrosiam. At tuis illis conuictoriis, inuidi tantum apparatus doctissimum sermonum, tantum salis, tantum leporum. optabam me ei interesse conuiuio, & modò poculum de tua manu accipere, modò alij tradere, modò paria facere, sed asymbolum tamen, neq. enim suppeditabat quod pro mea parte conferrem in medium. Sed quid refert? pro vmbra mihi fuisse locus: & potuit ferri vmbra vna, cum hodie vbiique tantum sit vmbra. Redeo illuc vnde deuerti, vt maximam mi Lipsi gratiam tibi habeam, non tamen quantam debo, non quantam res meretur, nec quantam fando consequi sed quantam maximam animus meus capere potest. nam relaturum me quid sperem? Vale. Lutetiae. x x v i i. Ian.

oo. I o. L X X X I I.

E P I S T

l

E

I. LIPSIUS F. RAPHELENGIO.

DILATVM mihi responsum ad superiorem epistolam tuam , non dimis-
sum. Dum enim cottidie discessum foro-
rum tuarum expecto, atque aliud ex alio in-
teruenit ; septimanæ aliquot in hoc silentio
exactæ , vt vides. Ceterum grata mihi tua
scriptio , vti & amor : cui à me cum fide re-
spondebo. Filius tuus in studiis perseuerat,
& effecimus ne quid Typographia auocaret
illum aut impediret. Cursum certè hunc
studiorum interpellari aut sisti, non erat è re-
eius. De filio altero tibi agnato gratulor.
etiam filius tuus , vt videbis è carmine Ge-
nethliaco, quod credo illum iam misisse. In
Constantiâ nostrâ pergimus : sæpe negotiis,
sæpe valetudine retardati. Iuuat tamē opus,
argumento saltem vtile futurum hodie mul-
tis. Nubem enim hanc temporum vides:
nec Solem aliquem qui pellat. Ille quidem
Gallicus, qui DISCVSSVRM se promi-
serat , videtur FOVISSE. Et Austri isti
cum Circiis mixti & iuncti , vercor ut dent
image maiores tempestates. Omnia hodie
Principum, infida, intuta: nec veri solatij vs-
quam spes , quam in se cuique. Firmemur
iam

iam ante contrà hæc omnia , quæ euenire homini non solum possunt , sed communi quadam lege debent . Ciceronis falsi Consolationem vidimus . quæ me quidem adco non erigit , vt deiciat potius . scripta videlicet frigidè , solutè , & vt verbo dicam , inepte . Quis ille tam stultus , qui sperauit se posse imponere nobis falsâ hac personâ ? sub quâ latet aliquis ne superioris quidem , vt suspicor , æui . Bardi Typographi , qui tam ambitiosè hæc diuulgant ! Sed credo in nostrum risum , & suum quæstum . Valdè me Ciceronis poeniteat , si ille vel in medio dolore tam elumbis . Nusquam nerui , nusquam sentétiarum sanguis , ne color quidem verborum , nisi cum cerussâ & fuco . At tu vale , & me ama . Scripti enim & abrudi desubito , in hospitio publico inter comediantium turbas . Delphis . Hucenim sorores tuas abeuntes deduximus .

III. Idus Septemb. 80. I. LXXXIII.

E P I S T . X X X V I . Viennam.

I O A N N I S A M B V C O S. mitto.

D I V mihi nullum alloquium apud te , ne per litteras quidem . caussâ & temporum horum , quæ nosturbant : & locorum , quæ sciungunt . Nam nos , vt audisse te credo , in

do, in Batauis agimus apud Oceanum verè
vndosum: & iactamur ciuili tempestate, tibi
non ignotâ. At nec loca tamen nec tempo-
ra gratam mihi memoriam Sambuci excu-
tiunt: quam testari volui per hanc occasio-
nem p̄tm̄ nunc datam. Qui enim illuc
viam affectaret, præter hunc adolescentem,
nancius sum neminem: & nuncij illi ordina-
rii, ordines deseruere per hæc bella. In stu-
diis, dum Mars hic feruet, languide versa-
mūr. ita tamen, vt cogitemus editionem
nouam Taciti cum pleno iustoq. Commen-
tario in eius omnes libros. Ea in re iuuari me
à te posse sentio, vsu libri manuscripti quem
memoria teneo Viennæ olim vidisse. non
illum quidem antiquissimum: sed è quo ta-
men non dubiè aliquid eruamus, & Criticâ
istâ sagacitate indagemus. Quare si cum ad
tempus gratificari mihi volueris; amorem in
me ostenderis, & simul morem tuum te-
nueris rei litterariæ adiuuandæ. Videtur sub
has nundinas tutò transmitti ad Plantinianos
posse: quibus mandata dedimus acci-
piendi, adseruandi. Velim voluntas tibi &
occasio in mittendo non desit: nobis fides
constabit in remittendo. Salue ab eo qui
meritissimò te amat, Iusto Lipsio. Lugduni
Batauor. Kal. Martiis. 80. Ib. LXXIX.

EPIST.

mobius

EPIST. XXXVII. Hagam.

T H. LEEWIO S. Dico.

SE M P E R amo litteras tuas, præsertim eas quibus (vt sic loquar) nota aliqua impresa est bonæ mentis. vel hæ postremæ quām sine affectatione prudētes! quām vere Philosophum referebant, & sine vlo fuco? Itaque ut calebant adhuc à meā nuntiique manu, iis rescripsi. Melonis tui odor vel hucusque nates meas adflauit. & mentior, nisi saliuam mihi mouet & desiderium gustandi. Sed cohibe tamen. & vide ne gnatum illum, qui vnicus nobis, nimium properè auellas à matre. Auster saltem & imber hic abeat, & soles aliquot videat puriores. Tum licebit

Extremum hoc oculis lumen radiatum rape.
De Alenconio meherclè quid dicam nescio.
ita ænigmati similis res est. Venit, non ve-
nit: accessit, recessit. Credo non illum
Callipidem, qui prouerbio locum fecit, tar-
dius ambulasse, quām hunc subnixum tot
equitum alis. Nec aliud tamen adhuc au-
dimus quām, Veniet. Si serio hæc aguntur,
facilè præfigio difficile & diuturnum bel-
lum: cuius exitus Deo in manu est. Ad nos
quidem

T 214 E

C E N T. I. E P I S T. X X X V I I I. 95
quidem quid ista? nō magis quām si Æthio-
pes inter se belligerent , aut noui Indi. In
animo nobis pax sit , cum affectibus con-
cordia : & ecce omnia tranquilla. At enim
patria periclitatur. Fateor. sed quis nostrūm
iter præcludet publicis fatis ? Habent ista
transitus suos , imò interitus : quorum tem-
pora cum venerint , nulla vis aut consilium
ea firmet. Et tamen illi ipsi patriæ , cum res
feret , non manu non mente deerimus : at-
que hoc scilicet agemus , vt non solū boni
viri simus , sed & boni ciues. Vale mi ami-
cissime. Lugduni Batauorum x v. Kalend.
Septemb. ∞. I O. L X X I.

E P I S T. X X X V I I I. *Lugd. Bat.*

I. GVLIELMIVS I. LIPSIΟ

V. C. S. P. D.

M I T T O ad te , V. Cl. Plautinas meas ,
editas à me superioribus mensibus .
Volui citius , & verò debui : sed qui tanto
interuallo perferre posset aut vellet , hacte-
nus non repperi. Abs te vchementer con-
tendo , pro singulari humanitate tua , vt ad
culpas nostras , in quas incides plusculas , in
opere subitario connueas ; etiam ignoscas ,
quod leuiculis his notis te intexui , panno
purpu-

purpuram, ut dicitur. Impulit enim, hoc ut facarem, incredibilis in te amor meus, quo vercor ne etiam odiosus tibi sim, cum occupationibus tuis toties obrepo inanibus litteris. Verumtamen si quid hic in Gallia tua me caussa posse putabis, imperabis cum voles, ut voles: studio, diligentia, fide nemini tuorum concessero. & futurus hic videor diutiusculè. Non i nihil erat. nisi scire vis, paucis ante diebus Gennabo Lutetiam appulisse * * tuum; & de Gellij editione satagere: quem H. Stephanus alienis typis hic propediem editurus dicitur. Sed ille amicus tuus ante aduentum meum multa hīc de me in sermonibus me indigna falsissime sparserat: & verò in libris etiam. ea re contudi non nihil hominis insolentem fastum. quod factum meum iusto te dolori adscribere velim, non acerbitali naturæ. Tuum de Constantia librum miro desiderio hic expectant omnes docti, etiam parum docti. Fatum enim hoc est tuum, ut quicquid scribas, uno omnes ore & laudent & mirentur. Sed iam erubui; cum hæc in ostibili. V. Cl. Iano Duzæ multam à me salutem. Te plurimum salutat N. Faber vir eruditissimus, & rarissimi exempli præstantissimæque indolis adolescens Iosias Mercerus,

cerus, amici mei. Pythæi, Scaliger, Puteanus. Ceteri plerique ab vrbe aberant. Vale, V. Cl. & me tui amantissimum rcdama. Lutetia Parisiorum III. Non. Ianuar. 80. IO. XXCIV. cuius anni cursum fortunare tibi deum. opt. max. volo & opto.

EPIST. XXXIX. *Lutetiam.*

IANO GVILIELMIO S.

LIBENS vidi Quæstiones tuas Plautinas, mi Guiwilmi: in quibus non doctrinæ solùm notæ vberes & acris cuiusdam iudicij, sed etiam amoris in me tui. Partem enim mihi inscribis. cum magnâ meâ gratiâ (liberè profiteor) vel quia scriptoris eius res est, quem amo vnicè; vel quia beniuolentiæ hoc testimonium me delectat ab eo quem æstimo quemque amo. Ego profectò si vnquam occasio erit, præstabò me ad gratiam referendam non modio sed horreo totò. At in libro eo tuo, magnæ mihi voluptati non semel interpositum iudicium, de studio Sapientiæ & Morum. Macte hac sententia! Obsecro enim vt quid ista humanitatis studia tam ambitiosè adfectamus, tantum propter ipsa? Abutuntur plerique ad malam & vanam pompam: vt scis: verè cum Ap-

G pone,

pione , cymbala quædam inanis iuuentutis.
 Tibi melior, vt video & gratulor, mens : at-
 que vt porrò sit, quæso & hortor, Nostrum
 illud De Constantiâ censco vidisti. nunc da-
 mus De Amphitheatro , & cis paucos dies
 habebis : et si opus ludicum, & natum mihi
 per remissiones, vt stilus ipse indicabit. Dedi
 litteras ante septimanas sex ad Egmondum,
 quibus inclusæ alteræ ad Busbequium de te,
 imò pro te. quid iis factum, nescio. quia ha-
 ctenus nihil inaudiui. Quæso inquire. Ille
 quem tangis , quid & vbi agit? Vtinam in
 gratiam cum virtute redeat! nam mecum
 tunc vt volet , & quando volet. Busbe-
 quium si conuenis , salutem illi à me dicio:
 & è iuuentute selectà , Iosia Mercero , si
 nosti. Passeratio item doctori publico. &
 si quibus aliis ex eo numero procerum in-
 notuisti. Vale,

E P I S T . X L . Brugas.

I. L E R N V T I O S . D .

C I S T A E tuæ hesterno die ad me perlatæ
 binæ. hoc ante omnia scire te volui. sed
 perlatæ benè madidæ per continuum im-
 brem. Itaque valdè veremur , si quid in iis
 sit, quod periclitetur ab vdore , ne putiscat.
 præsertim si quid è lino aut lanâ. Cogitet tua

VXOR:

vxor: & si videtur , aliquem fidum hue mit-
tite qui inspiciat , aperiat , euentilet . Nos
quidem amicam & sedulam omnem ope-
ram custodiamque pollicemur: quantum id
pote. Collocabimus etiam eas bono & aë-
rio loco. Scripsi bis ante septimanas aliquot ,
& valdè fallor si meas non accepistis. Car-
mina tua adhuc apud me sunt. Dousam
enim exspecto in horas , cui velim ostensa.
Ego , nisi quid interuenit , intra septimanas
duas aut circiter Antuerpiæ ero. velim sanè
te videre & amplecti : & si illuc venis , pos-
ses nécum redire in Batauos. Ita ipsum iter
nobis non sine gaudij & amoris fructu. De
Giselini re , omnia hactenus nequidquam.
& non nihil turbellarum inter Magistratum
& Curatores , occasione professoris cuius-
dam admissi Senatu inconsulto. Priuata
profectio & publica turbant. quid refert? si
quies modò apud nos & in hoc animo sit: ex
quo puro siue impuro , liquidum omne aut
turbidum manat humanarum actionum. Ut
in corpore ægro & corrupto , quidquid in-
fertur alimentum est morbi , atque abit in
noxam : sic in homine , qui internum illud
non depuravit. pectus dico , fontem & ori-
ginem cupiditatum. Opes adfluunt : auar-
itia te torquebit, & angor seruandi , dispen-

G 2 sandi

sandi. Desunt? inopiam non feres, & quæres eas per vndas & per ignes. At modus ab animo petendus est: cui composito semel & securo, numquam supereft aliquid aut deest. Sola, mi Lernuti, quies est & internæ illæ opes, * Οἶον τ' εὖ λέσσοι καὶ αὐτοὶ παλέονται, vt ait Homerus. Vides philosophari me tecum: nec excuso. amplius dico, Sæpe faciam. Valde enim te tuamque egregiam naturam trahere ad hæc alta velim (quò scio propendes:) & collocare te supra hominem etiam dum es in humanis. Et enitèris, si nitèris. Vale, & salueat à me virorum optimus noster Giselinus, à quo responsum expecto, sed non lentum vt solet.
Lugd. Bat. 111. Non. Feb. 80. I. LXXXIV.

E P I S T . X L I . P o n t e m - M u s e u m .
G O D S C H A L C O S T E E W E C H I O .

S. D.

Milli & scriptio tua grata, & magis Celoniam redditio: quam extrænoxam fuisse gaudemus, et si non extræ metum. Scimus quām intutæ viæ his temporibus: quibus ad iniuriam omne ius, prædonibus non militibus, dant hæc latrocinia non bella. Tu quoque gaude. portum enim iterum at-
tigisti, in quo acquiescere possis, Musarum suauiter

* Quæs re-
stè viuunt
homines,
ditesq; fe-
runtur.

stauiter aspirante aurâ, sine vento ullo aut nimbo ciuilis huius tempestatis. De promissis Plantini, securus es. hominem non nosti, si ambigis: & credi illi potest, tanquam Fidei ipsi. Nec tamen deero submonere, cum redierit: quod fiet cis paucos dies. De Modio, certe amicusei sum. (ingenium & adolescens eius virtus ita merentur.) ac valde auctor tibi, sic rem in scriptis tuis temperes, ut nequâ parte cum aut stringas aut lædas. Lædas autem laudes immo volo. Ita de illo ipso Vegetio meruit: & sepone mihi fodes omnes istas æmulatiunculas, quæ intercurrunt hæc studia malo iure, malo more. Inuidet quispiam? hoc ipso inferiorem se ostendit, quia apud humiles dumtaxat animos habitat, & in altos dirigitur liuida illa dea. Sed tu non talis. moneo tamen vel ex superuacuo, quia peccatum hoc in litteratorum nostrâ gente peccatur hodie nimium crebro. De Vegetio ipso sic sentio. scriptorem non malum potius, quam bonum esse: & hoc tamen quod in eo boni, deprauatum & pollutum à patribus variâ labe. Creber enim in illorum manibus: quæ nec innoxiae usquequa, nec puræ. sed nec oculatae. Itaque non iniuriâ ad perpurgandum eum tu Modio nostro velut optio succidis: &

G 3 opto

opto ut cum publico fructu , cum tuâ famâ.
Quod fiet, si stilum manumque modestiâ
quâdam temperabis & diriges : malisque
ambigua quædam vlcera relinquere, quam
districtè auferre omnia & præcipiti quodam
ferro. Medicos in Criticâ istâ ferre possum:
sectores ad Matrem deûm ablegem, procul
à virginali nostro choro. Vale mi Steewe-
chi, & mutuiter me ama. Lugduni Batauor.
Postrid. Nonas Octob. 10. lxxxiii.

E P I S T . X L I I . Ultraiectum.

T H E O D . C A N T E R O S . D .

I T A N E Dalius noster abiit? abiit, non
 visurus amplius, non videndus. Sanè do-
 lui: eò magis quod subita ea plaga , & præ-
 ter exspectatum. Nam letalis quidem ille
 morbus (phtisis enim vera erat:) sed quis
 putasset tam præcipitis eum fati? Trahere,
 vt scis, plerumque solet, & lento passu duce-
 re ad Orcium illum thesaurum. Sed nimi-
 rum vt nauim interdum improuisus vortex
 absorbet: ita homines nigra dea. & præser-
 tim eos quibus indoles melior, & ingenium
 suprà annos. Quod in Dalio planissimè fuit:
 Claudio Quadrigarium scribere memini:
 Nam hec maximè vexatur deorum iniquitas,

quod

quod optimum quemq; non sinunt inter nos
 diurnare. Aptè & verè. nisi quod iniquitati
 impiè tribuit, quod est æquissimæ æquitatis.
 Cur enim cælestes illæ animæ diu in hac fæ-
 ce? abeant imò, & euolent ad suum cælum.
 De Arnobio, virge cœptum. Quis post Ter-
 tullianum inter sacros scriptores doctior?
 ideoque doctorum limâ dignior? Etsi bona
 sanè in eo opera Gelenij: quamquam inter-
 dum (quis non Criticorum?) exerret per
 acumen nimium aut calorem. Satyram
 quam vulgauit his diebus, en tibi. Nomen
 te terret? frustrâ. edentula est, &, vt anti-
 qui nostri loquebantur, planè innox. Lasci-
 uiam alibi agnoscas, nusquam morsum. Ar-
 temidorum tuum totum audie legi, & velut
 εμψι. Nescio quomodo non sperno totum
 hoc diuinare (id quoque fortasse à nostrâ
 porticu:) & eam rem visus mihi ille cōm-
 modè & acutè tractasse, ex ipsis fontibus na-
 turæ. Salue. & salutem à me, vt Comicus
 noster ait, plenis faucibus propina Lam-
 berto Burchio Decano, viro qui litteras &
 litteratos vnicè amat; ideoque digno qui ab
 iis vnicè ametur: Quod me bonâ fide facere
 ei nuncia, imò sponde. Lugduni Batauo-
 rum, quo die Cæsar olim in Curiâ Pompeij.
 ∞. I. 5. LXXXI.

In Arnobij tui isto loco, libro I. Et tamen,
 ô isti, qui pollutas res nostras vitiorum cri-
 minamini: stribiliges & vos istas in li-
 bris illis maximis atque admirabilibus non
 habetis? Nónne aliud hæc vtria, aliud dicitis
 hos utres? cælus, & cælum? non item filus &
 filum? crocus & crocum? fretus & fretum?
 sanguis & sanguen? Odoror duplex vitium.
 Ac primum scripserim, res nostras vitio ver-
 borum criminamini. Fugit enim omnino
 prior illa verbi fillaba, retrahenda ex Arno-
 bij ipsâ mete. Hoc scilicet politi illi & docti
 Romani obiiciebant nostris, solœcismis ob-
 stas res nostras, & vitiorum deformitate pol-
 lutus, ut ipse præmisit. Respondet: variari
 sermonem pro arbitrio, & illosipso veteres
 à talibus solœcismis non abfuisse. Nam, in-
 quid, aliubi hæc vtria, aliubi dicitis hos utres.
 Ita enim alterum vitium tollo; Aliubi, in-
 quam, scribo, non Aliud. Clamat res, & se-
 quentia exempla. An enim aliud sanguis,
 quam sanguen? fretus, quam fretum? Mi-
 nimè. Variatum tantum licenter genus
 ostendit, & modò Vtres positos à vtrì & à x-
 uòv, modò Vtria. Ecce in Nonio: Vtres vnu
 generis masculini tantum. Neutri, Linius
 Andronicus: Flacci teget vtria.

EPIST.

.1XX.

-jAnI

+ D

EPIST. XLIII. Hagam.

TH. LEEWIO S. D.

TE verò laudo. non imitaris meam pigratiam, & quamquam ad binas tuas iam filui, tamen tertii etiam lacefis. Etsi, mi Leewi, nulla hic pigritia. ignoscas aut miserearis potius, si scias quām per omnes hos dies distrahar & distinear negotiis nec seruis nec bonis. Amici & alieni adpellant, interpellant: ad conuiuia vocant. & hoc putant comitatem, auferre mihi vsum veræ vitae. Pareo tamen, & quamdiu in hoc proscænio sum, sustineo personam. Mallem ad interiora illa gaudia diuertere, studia dico & sapientiæ exercitationes: à quibus non per hæc solū acerbissima tempora, sed etiam lætiora, veros petam quietis & gaudij fructus. Sed differo sèpe illa, non dimitto: quod tibi etiam vsu venire certò scio. Plantinus nunc adest. serio à me monitus de

* Thalete illo Gallico, serio ad suos iterum scripsit. & illi responderunt iam Lutetiâ se petuisse. apud nos scilicet sapientia illa non habitat. De adolescente quem nuper mihi commendaras: scis quām omnia velim tuā causā. Hoc tamen nolo. & si rationes

* Ita indigetani Michtaeli Mötanilibrum Gallicum Gustuum titulo: probum, sapientem, & valde ad meum gustum.

G 5 omnes

omnes meas audias, scio, ipse non velles me
velle. Multis iam recusavi. quos omnes of-
fendo, si vnum admittam. denique rimam
aut fenestram hanc si aperio, toto ostio ad-
mittendi alij sunt. Quies autem mea id non
patitur, & ratio vitæ quam per silentium
ago. Peto ergo ut id excuses: & maiora ali-
quia à me petas, cum opus erit, non neganda.
Institutum tuum dc omissâ domo, hactenus
probo si in eo perseueras. Semel enim con-
stituendum est quod vitæ genus eligas, soli-
tarium an sociabile. illud, cum paucis & fa-
pientibus quos melior Deus adipexit com-
mune tibi futurum; hoc, cum multis. Et
vtrumque tamen illi rectum, qui incommo-
da vtriusque fert. nam vt omnia tollas, vanè
cum vulgo speres. Siue vxor ducitur, siue
omittitur: habebis quod doleas, quod que-
rare. nec in hac omni vitâ tam optabile ali-
quod bonum est, quod non mixtum poculo
aliquo mœrorum. Hæc publica & æterna
lex: cui, improbus & refractorius est, quis-
quis repugnat. Ut athletis olim fors non ele-
ctio aduersarium dabat, cum quo certarent:
sic cuique nostrum vitæ suam conditionem
fata, cum quâ luctemur. Hanc vincere
oportet, id est ferre. Huius enim pugnæ
robur omne in patiendo est, & victoria in
ceden-

*Vide supra
epistol. 31.*

cedendo. Res publicæ non in bonâ spe. Præcipuæ aliquot Flandriæ & Brabantiaæ urbes nauseare incipiunt, & fastidire præsentem hunc statum. siue diuturnitas belli id facit, siue gubernatio non vsquequaq. inculpata. Consilia arcana agitare dicuntur de pacificando cum hoste. Quidquid horum est aut erit, nos pessima timere nihil nocuerit: & vt pugiles, iam nunc parari ad strenuam cum omni sorte pugnam. Paupertas imminabit? exsilio? carcer? proponamus interdum animo has imagines, & persuadeamus illi quām nihil in his aut certè non multum mali sit illis, qui mala ea non putant. Reuera enim vti opinio diuitias bonum fecit, sic eadem inopiam malum. Sed hæc facilia dictu videntur: fortassis etiam factu, si quis conetur. Nunc pleriq. cò stultiæ venimus, vt nec aspirare audeamus ad bonam mentem. Sicut ij qui phrenesi laborant, irrident aut verberant suos medicos: ita nos. Vale. & me amantissimum tui, ama. De hortulo tuo nihil narras noui. meus in eâdem caussâ. qui iam pridem animam agit, aut potius egit. Credo enim per huius ipfius diei æstum ablatum illi omnem succum & vitam. Hoc quoque feramus. Leidæ. viii. Kal. Iun. 80. 10. LXXXII.

EPIST.

EPIST. XLIV. *Antuerpiam.*

GASPARI SCHVERMANNO

I. C. S. D.

LITTERAS tuas, mi Schuerimanne libens vidi: at nondum fororem. quam ne frustra mihi commendaueris efficiam, si qua in re operâ meâ illi vñsus. Constantiam nostrâ quod laudas amasque, gaudeo: complecti magis te velim & amare virtutem ipsam. quâ certè in omni æuo, & hoc nostro in primis, opus. Hostis, vt audio, vicinus vobis, perfidiâ eorum in quibus nunquam fuit eritque fides. qui vt trutina in eam partem vergit, in quâ plus ponderis; sic ipsi in eam, vbi plus æris. Pestis iam olim & calamitas nostri fundi. sed quî auertas? cum etiam nunc immixti nobis, nec longe à clauo, quibus idem morbus. Ambitio aut Avaritia multa regna & oppida euertit: vt inane vtraque hunc Belgicæ statum! Hortaris me vt iuuem. votis possum, non consiliis. quis enim audiet? Publicè dico. at priuatim si quosdam possim erigere, & in singulis ciuibus de totâ patriâ bene mereri, non immunis hæc mea quies. Conati id sumus in postremo hoc scripto, & conabimur porrò, si Deus

EPIST.

si Deus mihi dat vitam. Nam otium ipse mihi parabo , etiam in æstu negotiorum. Gabrieli Rolandio adfini tuo velim ex me nuncies benevolam salutem. Verè eum amo & æstimo inter paucos meos Belgas. Vale. Lugduni Bat. postridie Non. No- uemb. 10. LXXXIII.

EPIST. XLV. Brugas.

VICTORI GISELINO
meo salutem dico.

FIDE M tamen libero: & scribam ea quæ ad caussam tuam pertinent , etsi non libenter. * * diem vnum hic fuit. egi cum illo de Victore meo , vt debui , amicè & fortiter. Nihil peregi. Tricari ille. velle non posse , inopiam ærarij caussari : & plura tegiméta , quæ huiusmodi mimis nunquam desunt. * * item egit , effe^ttu pari. nec aliud ad extremum quam illam de Hagâ cantilenam rettulit , & medico aulæ. Nugas. Ego offensionem non dissimulaui , & scio etiam offensum ipsum. Quid refert? ea hic mouentur , quæ vereor vt initia sint maioris motus. Ad sacramenta imus , & ad horcos , & ad orcos. Deus & mens mea mihi testes , quām omnia pro patria velim , & mori pos sim pro

sim pro bono statu : sed non firmabimus res
labentes isto vinclo. Ceterum magnus ille
rector viderit : ego conquiesco in Constan-
tiâ meâ, de quâ iudicia vestra exspecto. Per-
gône in hoc genere? an desino scriptionem,
quæ cum inuidiâ multorum & cum paucorum
fructu? Habebam in manibus De Ma-
gistratibus P. R. nec scio an absoluam. Illud
scio & apud vos depono , mihi non difficile
esse per partes illustrare & exsequi omnem
rem Romanam. Tu in Plinio quid? nolim
cesses. Digna te prouincia est, & à quâ lau-
ream æternam referas verè Victor. Lernutij
nostrî carmina quando gradum addunt ad
nos? exspectari ea sciat , ac spondere me &
respondere de typis. Dusæ Epodon puto
me nunc missurum. A Lernutio litteras ex-
specto. à te item, quid statueris de rebus tuis,
& quid videatur. Meam sententiam, con-
tra animi mei sententiam non celo: quæ est,
Nil mouere. Suspensa enim hîc omnia &
suspecta. Vale. Kalend. Decemb. 100. I. O.

LXXXIII.

E P I S T .

EPIST. XLVI. *Lugd. Bat.*

V. C. IVSTO LIPSIO GABRIEL
ROLANDIVS S. D.

EPIST. XLVI. C O N S T A N T I A M tuam V. C. visum
 tibi Coss. Senatui, Populoque Antuer-
 piensi dicare: & nutantem hanc urbem,
 ruentem dicam nisi in ea cœpisse spirare,
 tux immortalitati adnēdere. ea gratia, quia
 & ego in hoc Populo sum, ingratus viuam
 nisi gratias agam: neq. tam hac caussa, quam
 ob exinde factam in animo sementem, cu-
 ius fructus exspecto non desidero. Dicam
 liberè: nam & ætas & orbitas audacem fa-
 ciunt, & vellem absque illis in pilleata re-
 gione liberas voces esse: nisi quis Deus ven-
 tos sedat & exortam tempestatem, perii-
 mus. quidquid erit, feram ut existimo con-
 stanter, quæ naturæ ductu, quæ tuis monitis
 sed tuis maximè: atque hoc sanè libentius,
 quod ab eo proficiscantur, qui in eadem na-
 ui procellosum, proteruum suspicit Afri-
 cum, & timet naufragium. Hæc dudum
 volui: sed verebar ne Iulia maiestatis accu-
 farer, si tua studia rem publicam perturba-
 sem. modò nuperæ GulielmI litteræ, quas
 ad te misi, fecerunt animum, & vt me quan-
 doque

doque amicissimo capiti, ita nostras hasce,
illisce illius vimbram damus. Vale Clarissime
Lipsi. & ne quod præcipuum est reliquum
fiat, Gratias tibi maximas Rolandius. An-
tuerpia, i v. Kal. Maias 15. xxci v.

EPIST. XLVII. Antuerpiam.

GABRIELI ROELANDIO. I. C.
mitto salutem.

GRATÆ mihi tuæ gratiæ: quas tamen
ita ad me mittis, vt ipse eas non demit-
tas. Habitant enim apud te illæ diuæ: nec
aliud pectus magis amant, scio, inter nos
Belgas. Fama ita mihi antea dixerat: nec
mentitam eam firmant lepidæ istæ litteræ
& litteratae. Atque utinam post hos nim-
bos lux & sol aliquis tranquillitatis; in quo
apricari nobis liberè liceat, & sermones sæpe
miscere non solum scripta. Voueo, quid
sperem tamen nescio, cum oculos deflexi
ad hunc rerum statum. Qui indies minus
stabilis, & nisi à Deo aliquo fulciatur, (non
enim fortasse à Gallo illo tibicine) ruet. Iani
GuilielmI litteras accepi: paullo antè etiam
librum Quæstionum. quem ego ita probo,
vt negem aliquid melius in hoc genere vi-
disse ab aliquot annis. Rectam viam ado-
lescens

*Janus Guilielmi
clausus.*

lescens ille ingressus est: & ingenium in eo
ac iudicium pariter magna. At tu mi Ro-
landi salue. quod vt mihi quoque magis ma-
gisq. sit, litteris me tuis s̄epe appella. Dousa,
nisi fallor, scripturus est: quem scire debes
tui peramantem. Adfinem tuum Schuer-
mannum saluta. Lugd. Batau. Non. Maiis.
∞. IC. LXXXIV.

EPIST. XLVIII. *Viennam.*

CAROLO CLVSIO S. D.

ET salutem à te accepi, mi Clusi, & mu-
nera quæ Plantinus noster reddidit; bis
mihi grata, quia & à te missa, quem tacito
quodam sensu dudum amo, & quia missa in
optatum mihi finem. Vis enim ea sancien-
dæ amicitiae esse, & offers velut arras. quas
libens accipio, & restipulor tibi sanctè eà fi-
de & officiis cultum à me iri hanc nouam
amicitiam, quæ inter verè bonos. Talem
enim te scio, nec minus integritate & inge-
nuâ quadam virtute clarum acceptumque,
quam doctrinâ. Atque utinam tempora aut
conditio nostra permittant, minus longè vt
absimus: non litteris solùm beniuolentiam
hanc foueremus, sed alloquiis & adspectu.
Sed istud quoniam non datur, nec fortasse

H citò

citò dabitur (augescunt enim hæ turbæ, & in isto mari cottidie maiores fluctus:) quod relictum est alterum amplectar, & te amissime Clusi per chartaceum hoc æquor (vt cum poëtis loquar) sæpe adibo, sæpe salutabo. Vale. Lugd. Batauorum Non. Maiis.
co. I. lxxxiv.

E P I S T . X L I X . *Lugd. Bat.*

C A R O L V S C L V S I V S ,
I. L I P S I O S . D .

Et grata tibi fuisse nostra munuscula, nec nostram amicitiam te aspernari, ex tuis suauissimis litteris libenter intellexi, mi Lipsi: ego vicissim polliceor eam summa fide à me cultum iri. Dolet sanè plurimum, ob iniquam istam temporum conditionem, nec tuo, nec multorum aliorum qui istic sunt doctorum virorum, adspectu & alloquiis frui mihi licere. Animus quidem sappissimè apud vos versatur: sed mollior sum, fateor, quam ut cottidianos illos atq. ingentes vestri maris fluctus ferre queam. Alioqui non minus istic, quam hic, meo succo vivere possem: imò etiam libentius, quod cælum illud patriū externo magis arrideat. Nuper plurimum me oblectauit tui de Constantia

stantia libri lectio , atque veterem amicum
 C. Langium differentem audire videbar, ita
 illum nobis adumbras. Ea sanè lectio effe-
 cit , vt mei hortuli deliciarum qualem cun-
 que iacturam moderatius in posterum fe-
 ram : licet is multas animi curas & leniat &
 interdum adimat. Soleo enim si quid sini-
 stri de dulcissima patria audio , in hortulum
 secedere : istic mœrorem depono, vel varie-
 tatis colorum in eodem stirpiū genere con-
 templatione & obseruatione, vel seminis il-
 larum iam maturi collectione , vel illius
 commodo tempore satione , denique stir-
 piū inde prouenientium incremento , at-
 que, vbi adoleuerint , exemptione, & inter-
 amicos, qui hoc studio delectantur, reparti-
 tione. Gratissima fuit salutis à Nobili Viro
 Eduardo Dier adscriptio, cuius (quòd me
 amet) singulari humanitati tribuo; illius sa-
 ne beneuolum in me animum dum in An-
 glia essem, nō semel expertus sum. D. Sam-
 buco, vtinam tuo nomine salutem dicere li-
 cuisset: Verùm illum nobis Deus ademit
 Idib. Iunij sub noctem , vt triduo pòst no-
 stro Plantino significauí , cui & morbi ge-
 nus, quo periit, perscripsi. Oro te, mi Lipsi,
 per vestram communem amicitiam, vt Epi-
 taphium illi conscribas, vtque N. V. Ianum

Dousam, Victorem (quibus salutem adscribo) reliquumque Apollinis cœtum adhorteris, idem faciant. Bene vale. Viennæ Austriae v i. Id. Iulij 80. I o. LXXXIV.

E P I S T . L . *Lugduni Bat.*

I A N E H A V T E N E

De Elephanhis.

A L I P S I O tuo salue. Suaues herè conuiuas habuimus (auribus enim meis inerrat ille sermo) elephantos. Multa de ingenio eorum deq. mirâ indolc garriuimus: omnia iucundè, nisi quod in plerisque indignabar haud plenam mihi esse fidem. Quid censematis? vanum aut madidum me? non fui. Quin siccus nunc & sobrius ingeram tibi eadem: & laudum hunc campum stilo paullò certius decurram, quàm linguâ. Nónne Hilarium isti dies sunt? *Habet ludere hunc lusum.* Sed fides mihi prius stabilenda veterum, quibus præcipue innisa mea fides. Nonnemo enim eam herè cleuabat: & nimios harum rerum aiebat fuisse, aut vanos. Itane? quibus igitur hæc res notior? Nobisne, qui omni hoc nostro æuo vix

*Illum, qui
anno LXII.
donum Cæ-
sari missus
ab Hispania-
rum rege.

*vnum vidimus, eumq. pusillum, iuuenem, bonarum artium rudem: an illis, quibus cottidiè bellua ea in ore, in oculis? quibus tam

tam crebra de ingenio & moribus eius pericula facta, in bellis, in ludis? Habebant enim & docebant magnâ curâ, Afri, Afiani, Græci, ad prælia: Romani magis ad spectacula & Venationes. Quanquam Europæis tardè sanè innotuit; & *έλεφαντες (Pausaniæ verba sunt) πρῶτος τῶν ἐν Διονύσῳ Αλέξανδρος ἐντήσατο: qui victâ scilicet Indiâ, intulit siue immisit. Sed ab eius tamen morte statim crebri: & transportauit in Italiam ipsam Pyrrhus, bello quod cum Romanis. Hinc quoque iam Romæ nobiles. & magis per Punica bella; quibus tanta copia, ut vno tempore centum quadraginta duos ceperit & in urbem miserit L. Metellus. Nam Critolaus apud *Plutarchum apertè mendax, qui à Paullo Æmilio, bello Pyrrhi, centum sexaginta Romam missos vult, & quidem turritos. At postea sanè Romæ semper: siue capti, siue magis pretio parati ad populi voluptates. Vides initia, vides frequentiam. quæ magis expressa apud Plinium: quem, si voles, lege. De fide igitur veterum cur ambigimus? Nónne nouerunt hoc animalia: intimè atque optimè. An fallere nos voluerunt de compacto? nec potuerunt quidem, in re cottidiè omnium oculis sensibusque expositâ: & in quâ miracula millenii aliquot

H 3 homi-

^{*Elephantos}
primus inter
Europeos
Alexander
habuit.

*In Parallelis.

Quædam sibi
jactantur
admodum
mirabilia
de aliis
mirabilibus.

homines simul viderunt, id est theatra tota. Ista ipsa ætas fidem fidei illorum struit, etsi in alio illo orbe. Lusitani nauigationibus suis terras eas aperuerunt, in quibus animal hoc crebrum. Insula Madegascar eos habet, & quidem Indicis maiores. habet Zecilam, vbi vœnales sunt miro modo. ad mensuram enim admetiuntur, ut pannos, aulaea, telam: tanti palmos singulos. ita cum magnitudine pretium crescit. Habet prouincia Malabar, Goa, & tota illa ora. itemque regnum Benamen inferioris Æthiopiæ, omnes (quod notes) albos. Qui adierunt, qui viderunt: eadem aut similia narrant de ingenio bruti huius non bruti. Quæ ut serio aliquando noscas ac credas: cape à me de naturâ eorum & moribus: quæ nihil aut paululum ab homine abire, miretur aliquis imò indignetur. Sed prius vniuersè commemo rabo elogia de iis veterum: inde facta ipsa distincte, & exempla. *Aristoteles inter alia de elephante: ἐσὶ δὲ οὐκ ἔναιδειον, οὐ τῇ συνέσῃ τῇ ἀλητῇ φρεάτῃ. est autem apprimè bonis acutisq[ue] sensibus, & cetero intellectu excellens. *Cicerο: Elephanto belluarū nulla prudentior. *Idem: Elephanti acutissimis sensibus. Quin Homini ipsi adiungunt passim. *Cicerο: *Esse illi belluae quandam cum genere humano societ*

*Lib. 1 x.
Hist. cap.
x l v i.

*De Natur.
deor. III.
*De Divi-
nat. II.
*Epist. ad
Marium.

societatem. *Strabo: ἔγινε τῷ λογικῷ ζώῳ. *Lib. x v.
ad sidere animali ratione prædicto. *Philostratus: τέτοιο τῷ ζώοι δεύτερον ἀνθρώπων τάγμα, καὶ
ζευσίντε καὶ βαλας. hoc enim animal proximum ab homine loco, prudentia & consilio.
Plinius: Animalium maximum elephas, proximum quod humanis sensibus. quippe intellectus illis sermonis patrj, & imperiorum obedientia, officiorumque que didicere memoria, amoris & gloriae voluptas. immo vero, quae etiam in homine rara, probitas, prudentia, aequitas, religio quoque, siderum solisque ac lunæ veneratio. Et Plinius sanè effusè: tamen vere. ad cuius accuratam laudationem videor non ineptè diducere posse & adducere lecta mihi testimonia aut exempla. Tribuit primò,

Intellectum sermonis patrj.] Quod mireris. Nam cum duo velut limites sint, quibus Hominem à Bruto disparamus, Sermo & Ratio: prior iste vide quam vacillet. Sermonem patrium ait ab iis intellegi: id interpretor, Indorum, Æthiopum, Afrorum, & vbiunque nati. Præter Plinium, *Ælianus: σωμαῖσι γὰρ ἐλέφαντες οὐ γλώττης ἀνθερπίνες τὸ ὄπιχωρίς. capiunt & humanum sermonem elephantes, sed indigenam. Etiam *Dio: ἵδη καὶ ἐπένοι εἶπον, τὸ φωνῆς τὸ πατειώπιθος ἀντὶς ἐπαιέσθ. Etiam hoc aiunt, eos pa-

*Lib. iv. cap.
x x i i i.

triā vocem audire atque intellegere. Nec alia rescertior. Institutionem eorum vides? lingua fit. Domituram? lingua. Incitationem, reuocationem? lingua. Denique ut clavis nauim: sic animal hoc impellit dirigitque quod libitum humanus sermo. Dein

*Lib. xiiii. cap. xxii. *Institutione*, *Aelianum audi: Docentur, inquit, atque instituuntur ad varia φωνὴν την̄ ἐπιχωρίων, οὐσερὲν ἐπαίειν εἰλήχασι, φύσις την̄ διπρόττων̄ μελισσά γειδίω τε ζέες τέδε, sermone vernaculo, cuius miro quodam & inefabili modo ac velut peculiari naturā sunt capaces. De domiturā, *Strabonem:

Lib. xv. Primū, ait, captos vinclis ac fame domant, μῆδε τεττα πρὸς ἀρχεων̄ διδάσκοσι, τὰς μὲν διὰ λόγου, τὰς δὲ μελισσαὶ την̄ καὶ την̄ μπανίσμων̄ καλλίστες, deinde cicures eos reddunt mansuetosque, hos sermone, alios cantu aliquo aut tympani sonitu delinientes. De regimine toto: cottidiana olim exempla in bellis, in pace. atque item hodiē. Quin furere etiam cum incipiunt & à se abire, ad mentem reducuntur oratione. Credere ita serio Christopherus Acosta me iubet: cuius assertioni præstrenenda breuiter fides. Sxpius enim testimonio eius utar. Is gente Hispanus, ad nouum illum orbis tractum abiit, quem Orientalem Indiam vocamus. Diu illuc egit, lustrauit,

strauit, scripsit. & inter alia, de elephantis
non pauca, visa sibi aut à visoribus accepta.
Crebrum enim valdè & cottidiani usus ani-
mal in iis locis. Is igitur * refert: Genere
morbi tentari elephantes quotannis, quod
haud distat à furore. caussam, amorem esse,
& venire cum venit ad eos Venus. Tum
bacchari eos, furere, lacerare, incurrere: nisi
quidem vinclis coercentur. quod sit ab in-
colis studiosè. Sed cum morbum haud fermè
aliter tolli, quam pharmaco verborum. Ad-
sistere belluae magistrum, increpare acriter,
& ostendere fæditatem. Tantamne belluam
& reginam aliarum ita dementire per adfe-
ctum? Vilitatem eam esse, degenerationem
à natura & à stirpe. Rediret ad se, & con-
culcaret amorem qui turpiter ipsum. Et his
talibus, quæ etiam homini utiliter adhiben-
tur, fieri medicinam. Quomodo autem pos-
sunt ista, nisi si non audit solùm, sed imbi-
bit, coquit, capit? Nec verò, ut aliquid mi-
rius dicam, audiunt solùm sermonem, sed
edunt. Oppianus diserte Elephantos collo-
qui inter se vult.

Φίρμ δ' ὡς ἐλέφαντες ἐπ' ἀλλήλοις λαζάσσοτ,
Φοργὴν ἐπ' σομάτων μεροπῆδα τυθοπίζουτες.
Fama est inter se sermonari elephantas,
Distinctasq; susurrare atq; emittere voces.

H 5 Acosta

*In libello
De Aroma-
tibus.

*Plinius &
Aristoteles
meminere
eiusdem mor-
bi. sed Plini-
nij locus
malus, cui
corrigendo
non hinc lo-
cus.

Acosta ille idem nihil certius in regno Malabar esse ait, quād quod hæ belluæ communicent inter se sermone. Denique vis in hac re aliquid mirissimum? (ignoscē. tanta nouitas egebat nouo verbo.) edunt & loquuntur etiam humanam vocem. Boues inter prodigia, Romæ locuti olim? iunge & elephantem. Atque audi ipsum Acostam. *Erat, inquit, in urbe Cochin elephas, qui operas diurnas præbere solitus ad portum & res marinas. Eum forte iam fessum urgebat nihilominus urbis eius Præfetus, ut Liburnicam quam commouere cœperat, duderet porrò in mare. Ille abnuere. instare alter multis blandisq; verbis, & ad extremum in gratiam Lusitani regis id vellet, orare. Hic (immane dictu) elephas motus, clarè hæc duo verba ingeminat, Höö höö: quod Malabarum lingua est, Volo volo. ac sine morâ nauim traxit in mare.* Trepidas ad hæc & nuttas? Age, age, mouebo tibi in isto exemplorum mari magis maiores fluctus: & ambiguum relinquam, non dicam an hominem capiant, sed ad hominem imò suprà hominem sapiant elephantes. Dixi enim de priori limite, qui discriminat obscurè: alterum vide, Rationem. quā ego omnino carere me fateor, si prorsus ille. Audi igitur

è Plinio

slava

H

è Plinio, quæ huc spe&tant. Ait:

Imperiorum obedientia.] Clara, & quam nemo neget. Semel domiti omnia ab homine & pro homine perferunt: & tanta illa moles vel à * pufione regitur ac dirigitur tredecenni. idque sine vi, bacillo tantum (ναλαέγον in Philostrato scriptum) aut * leui ferro. Et quid non imperentur? etiam iugum subiērū, & traxere currum. Oppianus id tradidit, & Romæ primus ostendit Pompeius, ac postea saepe Principes secuti. Nummi docent. Tertia in Plinio laus,

* Philostratus
tradit, lib. II.

Falcam siue
δέσμων
Aristoteles
attribuit:
Ælianuſ cā-
dem mentem
dixi.

Eorum quæ didicere memoria.] Tenax sancè memoria, & ad humanam, ut mox dicam. Sed ingenium Plini cur omittis? Præuaricaris in hac causâ: quia si vlla propria & magna iis laus, hæc est acuminis & ingeni. de quo, te silente, non ego silens. Ingenium igitur iis docile, facile, flexible, aptum ad omnes artes. & artes Belli dico, siue Pacis. Quod vide mihi & disce è paucis his effectis. Ac de bello, quis non ingenium eorum admiretur: siue cum belluis pugnam, siue in homines iussu hominum habent? Dirigunt enim velut * consilio aciem, defessos aut infirmos in medium agmen recipiunt, in * fugâ ipsâ suos non deserunt, sed gregatim abeuntes circumdant & pro-

* Plin. VIII.
cap. VII.
Aelian. VI.
cap. LVI.
* Aelian. VIII.
cap. XXXVI.

pugnant.

pugnant. Iam lassis medicinam faciunt: spicula aut infixa tela leniter manu suā extrahunt, & ut Plutarchus ait, ἀνδραὶ οὐαὶ γε τοῖς πόνοις, τὸν δὲ λόγον, sine conuulsione & sine damno, prorsus ut peritissimi chirurgi. Quin & proprium medicamentum, aloës lacrimas, instillari vulneribus ab iis, Philostratus adseuerat. At pro homine quis homo nescit acres eorum pugnas? Instituuntur velut milites ad prælia; bellatores non dorso solū ferunt, sed & ipsi bellant: propugnant suos, impugnant hostes: denique eò veniunt, ut munia etiā omnia militaria usurpent. *Aelianus quidem mihi auctor, *Elephantos decorē etiam motus bellicos edere: ex iis vigintiquatuor Indorum regi adfistere, & excubias agere, ut fidiissimos quosdam corporis custodes. atque ita agere, ut alternis in stationem succedant, sine somno quidem aut conniventia oculorum.* A peritissimo milite, dic sodes, quid aliud exspectes? Iam quanta fides eorum in dominos, quām ad extremum spiritum pro iis pugnant; satis tibi claruerit vel ex uno elephanto illo Pori. qui decantatus: & ab eo disce omnes. Hæc de belli artibus.

*Libello.
πόνοις τοῖς
τὸν δὲ λόγον.
*Aelianus
libro VII.
εἰσαρπεῖν
χρεοπυρίας
επισήμωνες.

*Lib. XIII.
cap. XXXII.

*Libro II.
cap. XLI.
*Obtempera-
tio & fauili-
tas.

*At in pacis; quid hominem doceas, quod non istos? Quorum tanta in discédo (*Aelianus verbis & sententiâ utar) *ἐντελεῖαι οὐ κακά, vt*

λία, ut eas disciplinas artesque hauriant, quas
segrē homo ipse. Circā corpus, circā ani-
mum hoc considera. De corpore: confor-
mant id ad omnem ex arte motum aut ge-
stum. Ingeniculare, submittere, & adorare
reges docentur.

* Aristoteles: πολλά γέ καὶ * ix. Histor.
παιδεύει καὶ ξωνίσων. ἐπεὶ καὶ περιπατῶν δι-
δάσκονται τὰ βασικά. multa erudiuntur &
sciunt. quando & regem adorare condiscunt.

cap. XLVI.

Saltare etiam & choræas ducere. * Plutar- * μετὰ τὸ
chus: ὥρχίσθε τε μεγαθάνει, οὐ χορέας, οὐ περι-
κυκλώσθε. saltationes discit, & choræas, &
adorationes. Ad scopum iaculari, armis uti,
natare. Strabo. Στρῶς δὲ ἐν πειθασώτης εἶναι,
οἴσει λιθᾶς εἰπὶ σκοπὸν μεγαθάνειν, οὐ δόλοις
χρῆσθαι, νῦν τε κατάληστα. adeò autem mansues-
cere, ut & lapides ad scopum iacere, arma
usurpare, & natare optimè discant. Vbi ta-
men τὸ γένος, siue Natandi verbum mihi an-
ceps: quia nec alteri id traditum, & alienum
à naturâ elephantis qui aquas profundiores
horret. Ventilare, gladiatoriis militaresque
motus edere docentur. Plinius: *Vulgare*
erat arma per auras iacere, non auferentibus
ventis, (vt scilicet iterum iacta reciperent.)
gladiatoriis congressus edere, aut lasciviente
Pyrrhice colludere. Denique in theatris eos
gestus effingere, quos vix Pylades aliquis aut
Bathyl-

Libro, πό-
ντερο τῶν
ζώων.

*Lib. viii.
cap. 11.
*Eodem lib.
cap. III.

*Epistola
lxxvii.

Bathyllus. *Plutarchus: ἐν Τίς Δεκτροῖς ἐπί-
δεῖνῳ) χηραῖσιν εἴδη καὶ μεταβολὰς, ὡν γοῦ
ἀνθερπίαις μελέταις τὸ ποικίλον καὶ πεπλήρωμα
ἐν μηνῃ καὶ οὐδέποτε γενέσης παντὸν πάσιν. in
spectaculis ostendit elephas eas gestuum figu-
ras & varietates, quarum copiam atque con-
cinnitatem difficile sit humanæ vlli indu-
stria exprimere aut memoriam complecti. Ita-
que & funambuli elephanti reperti sunt, ir-
risum vobis herè & explosum. * Plinius:
Postea & per funes incessere. *Iterum: Mi-
rum maximè, & aduersis quidem funibus
subire, sed regredi magis, utiq̄ pronis. Quo-
rum verborum mens: quod & ascendant
per extensos funes aduersi: & regrediantur
etiam per eosdem proni. *Seneca: Elephan-
tem minimus ñethiops iubet subsidere in ge-
nua & ambulare per funem. Suetonius Ne-
rone: Notissimus eques Romanus elephanto
insidens per caudrem decucurrit. id est,
per funem in theatro extentum; interprete
Dione, de hac ipsâ rc: Καὶ ἐλέφας, inquit,
ἀνήγον ἐς τὸ εἰνωτάτω τὸ θεάτρον αὐθίδα, καὶ ἐνε-
θεὶ ἐπὶ χονίων κατέδειμεν ἀναβάτης φέρον.
Elephas ad superius theatri fastigium con-
scendit, atque illinc per funes decucurrit se-
fōrem ferens. Quod genus spectaculi pri-
mum exhibuisse Galbam, qui postea Imp.
Suetonius

Suetonius idem monet: *Prætor*, inquit, *commiſſione ludorum Floralium nouum ſpe-
taculi genus, elephantes funambulos dedit.* Et quæ frons vltra obduret contrà tot & tales testes? Atque hæc tantâ curâ & intentione discunt (id quoque valet ad vim testandam & indolem acrem animi:) vt ſæpe depre-
hensi ſint noctu velut dictata ſua ruminan-
tes & meditantes. Plutarchus cum Plinio
mihi auctor. quemdam tardioris ingenij, &
verbis verberibusque male ſæpe acceptum,
inuentum ad Lunam gestus illos & mo-
tus præscriptos exercentem. Grandia hæc,
grandia: tamen de illis artibus quid dices,
quæ non niſi propriæ videtur humanæ men-
tis? Legere aut ſcribere, quis ab homine
ſeiunget? ego: niſi ſi elephas inter eos. Naru
is quoque ſcribit. Rides? time potius. æmu-
lius repertus muneris tui, & tuæ artis. Plinius ē Muciano clarè adfirmat. *quemdam
Græcas litteras pingere didiciffe, eāq[ue] lingua
ſcripſiffe IPSE EGO HÆC SCRIPPSI
ET SPOLIA CELTICA DICAVI.* Et
Philoſtratus: *Scribunt igitur, atque tripu-
diant, & ad fistulam ſaliunt.* Quod ſi hos
duoſteſtes eleuas (herè ita memini) *Ælia-
no quid facies, qui oculis ſuis id ſpectaſſe
pænè per oculos ſuos iurat? *Vidi*, inquit,
ego-

*Libro i. r.
Var. cap. xi.

egoipse quemdam in tabulâ litteras Romanas
 promiscide scribentem, recte & non contor-
 tè. Quinetiam cum scribebat, oculi eius cum
 rigore deiecti in tabulam erant: ut planè in-
 tentos diceret scriptitantes. Sed iam con-
 cludam hæc de artibus, insigni & nimis cer-
 to exemplo, cuiq. millenni aliquot oculi spe-
 catores: munere, quod Romæ publicè de-
 dit Germanicus Cæsar. * Plinius tangit, &
 magis vberitim narrat * Aelianus: exq. iis ego.
 Ludis igitur illis, Tiberio Principe, duodecim
 elephanti theatrum inducti sunt sive Circum,
 induti floridas & histriionias vestes. Ac pri-
 mū ad vocem Magistri diuidebantur in di-
 uersas Circi partes, inter eundum molti &
 saltatorio gressu inundantes: iterumq. ad
 eandem vocem coibant, & efficiebant saltato-
 rium quemdam orbem. Sed & flores sparge-
 bant & corollas, & ad cantum terram pedi-
 bus leniter & numerosè pulsabant, & omnia
 præstabant quæ peritissimi ludiorum. Iam
 iidem (quod insanum mirum) docti mensæ
 accumbere, cibum potumq. sumere, parcè, mo-
 destè, ordine, humanum in modum. Letti
 erant humiles, (agnoscis Romanum ritum)
 instrati purpurâ & auleis. mensæ ad eos, va-
 rio & dapsili instrumento. disposita pocula
 aurea, argentea, minuta, grandia: cibi in-
 lanci-

*āsagēōs
 ḥq̄i ār̄sēn-
 t̄s̄s̄.

*Cap. II.

*Libro II.
cap. XI.

lancibus, panis, caro, fructus. Ecce ingressi
 duodecim elephantes, sex mares totidem fæ-
 minæ: illi togati, hæ stolatae. Decore & ve-
 recunde in lectis se reclinant, mensam accum-
 bunt. tum signo dato (non enim antè) in men-
 sam promiscides siue manus suas extendunt:
 summâ modestiâ cibos capiunt; delibant. non
 voracitas ulla in iis, non aviditas visa, non
 maioris meliorisue partis appetitio, prære-
 ptio. denique cum bibendum, pateram pueri
 porrigebant: iig. promiscide eâdem geniali-
 ter hauriebant. & (iucundæ potionî hoc ad-
 annexum) reliquis vini circumstantes asperge-
 bant, velut cottabum facientes. Hæc meis
 verbis texui, sententiâ germanissimâ Ælia-
 ni. Et effare. potuitne spectaculum magis
 ad Gratias, ad Venerem, ad Naturam? cui
 vitnam his oculis arbiter paullisper ego! id
 mihi ante omnes theatrorum opes, luxum,
 nugas. Atque hæc nisi promptissimi cuius-
 dam & acutissimi ingenij signa sunt, tardus
 valde & cæcus ego. Quid illa, quæ non à
 doctrinâ insita sunt, sed emicant & subsi-
 liunt naturæ ipsius sponte? Cuiusmodi spe-
 cta in iis sæpe ad prodigium usque sagacia
 & acuta. Quale illud* Plutarchi: *In Syria*
 elephas quispiam alebatur. seruus curator ad-
 ditus, cottidiè de dimenso subtrahebat, & di-
 midio

* Libelle,
πότερον
ζώων.

midio belluam malo furto fraudabat. Fors
fuit, ut hero præsente cibum daret: & admen-
sus igitur est totum. Elephas ut iniuriam
diu sibi factam, quæ posset, detegeneret, accuratè
hordei partem separat: dimidium sibi seruat,
altero repulso. quid nisi clamás, callidissimo
inuento, illud diarium sibi hactenus fuisse?
Alius (refert idem scriptor) cum rudera &
terrā magister ad explendam mensuram pa-
bulo idem tidem misceret: fraude fraudem
hanc vltum iens, in ollam eius carnium ple-
nam, è foco correptum cinerem iniecit. Sed
exemplum quod ab Acostâ, fidem omnem
superat, et si ex fide. Palam enim & spectan-
te populo res gesta est. Elephanti cuidam
in vrbe Cochî ad horam cibus non oblatus.
Queritur, & barrit. Magister excusat, &
vas æneum eius cibarium ostendit perfluens
& pertusum. caussam hanc moræ esse, quod
cibi non vltur tenax. iubet igitur, si esse ve-
lit, ad fabrum ærarium ferat reconcinnan-
dum. Ille paret. promiscide aufert, fabro
offert. Faber siue per neglegentiam, siue lu-
dos belluam faciens, infideliter reparat atque
obstipat. Elephas refert. Herus vitium vi-
det, & indignatur. inclamat illum absen-
tem, hunc præsentem. denique redire iubet
cum illo ipso vase. Facit. & fabro querulus
impin-

impingit. Ille homo suavis iterum imponere
conatur, & ad moto malleo claudere rimam
simulat, non claudit. Nec tamen imponit.
Nam ille catus lebetem resumptum ad flumen
defert, immergit, & aquâ implet periculi fa-
ciendi causâ. Videt effluere. Plenus igitur
irarum ad fabrum recurrit, intonat magnâ
voce. Confluent vicini, & inter eos Vicar-
rius regis. Faber blandis verbis demulcet
(nescio an vltra audeam dicere) belluam: vas
denique sumit, & refingit probè atq; ex fide.
Sed ille netur quidem fidens, iterum ad flu-
men, & ad haustum. dum contineri aquam
videt, vertit se ad adstantes & ostendit, ve-
lut testes eos aduocans in hoc factum. ita de-
mum abiit domum. Quid addam? nec ver-
bum: quia reueta datus sum in stuporem.
Et cur iam * Aeliano non credam, qui iure
optimo duplex contribuit tam cordatis? Sed
satis ad ingenium ista: redeo ad Plinium
meum, qui suggerebat

*Lib. xiiii.
cap. vi.

Memoriam.] Ea autem pars tam magna in
hoc animante, vt homini non dicam nihil
cedat, sed excedat. Vnum exemplum ve-
tus dabo, pauca noua. Michaël quidam
Glycas inter Græcos, Annales scripsit haud
improbè nec indecenter collectos. Is in par-
te primâ prodidit: *Elephantum quemdam*

cum in Circum deduceretur, sedentem in fo-
ro ad Milliarium aureum Magistrum fera-
rum, subitâ irâ atque impetu interfecisse.
Causam non aliam violentia fuisse, quam
quod ante annos totos decem, eodem illo loco,
idem Magister, eundem elephantum ferro
percussisset. quam iniuriam tot annos recon-
dens, tunc demum iit vltum. Aliud ex Aco-
stâ: Miles quispiam in urbe Cachin elephan-
tum, per lasciviam, in fronte putamine nucis
percusserat: (grandem illam Indicam intelle-
go, quam incola Coccum appellant.) Elephan-
tus putamen studiosè tollit: illud, atque iram,
recondit. post dies plusculos, in via quapiam
publicâ obambulantem militem conspicit. ac-
cedit, & elatum ex ore putamen, promuside
suâ acriter in illum coniicit. tum exultabun-
dus abiit, quasi talione iniuriam probè vl-
tus. Iterum ex eodem: Miles elephantum
in eâdem urbe cum rectore obuium habuit.
noluit decadere. elephas suam & rectoris
contumeliam id interpretatur: vlcisci tamen
à rectore prohibetur. Post dies aliquot, in
ripâ Mangatae fluminis (id urbem alluit) mi-
litem fabulantem otiosè repperit. Cum re-
ctor non adesset, corripit illico hominem, in
altum tollit. nec precibus nec clamore adstantium
motus, aliquotiens flumine mersit, al-
levans

levans subinde & demittens. Cumq[ue] lusum eum satis diu lusisset, contentus h[ab]et vindictâ, hominem vitæ suæ iam diffidentem, rectum & ille sum destituit eo ipso loco unde sustulerat. Sed h[ab]et in deteriorem & vindicem partem Memoriae exempla: ecce etiam in beneficam & benignam. Acosta idem mihi suggerit: *Elephantum in urbe Goa fuisse, qui annuo illo & solemnî furore correptus catenas abruperit & vincla. Fugientibus omnibus, seruulum quempiam qui vlnis infantem dominicum gestabat in ædes properè irrupisse, oblitum sarcinæ quam deposuerat in illâ trepidatione ante ædes. Elephas adest. mortem omnes & obtritum pueri exspectant. Ille contrâ manu suâ leniter attollit, in humile tectum, quod è regione ædium, collocat, respectans curiosè satin' puer illic sine damno. Dein furibundus cursum suū exsequitur. Id datum omnes interpretabantur veteri beneficio; quia mulier earum ædium domina & infantis mater, elephanti transeunti sepius panem aut fructus obtulerat. Et alia quædam legere tibi fas, si lubet, apud euindem Hispanum. Ego in Plinio pergo, qui admonet*

Amoris.] Quod ipsum iure mirum. Nam sicut Sermo & Ratio homini peculiaria videntur, sic certi Adfectus. Inter quos au-

dus ille & varius amor, pro leni tormento soli huic animantium datus. Sed abnuit elephas, & hac quoque parte sociat se nobis. Seriò enim amat. Trita & nota^{*} historia est, illius qui Aristophani Grammatico præbuit se riualem. Vterq; enim Alexandriae in Aegypto corollariam quampiam amavit. nec minus studij aut ingenij elephanto fuit ad declaram & mitigandam suam flammā, quam illi acuto & litterato. Forum, in quo ea defidebat, cerebro adire: adsistere, suspirare, pompa aut flores offerre: manum intrâ snum blandè penetrare: & ea omnia, quæ Venereus aliquis nepos. Alia similis in ^{*}Aeliano, In Antiochiam urbe Syriae, elephas inter cicures more suo ad pastiones iens, vidi fortè mulierem haud inscitam, pariter corollarium. Vidi, periiit. Assiduus ille apud eam, promus cide faciem, manus lambere, tergere, & quacumque poterat, blandiri, insinuare. Quin & illa redamauit, corollas & flores aliasque amoris illecebras s̄epe offerens. Cum perseverasset mutuus hic amor, mulier ecce ad plures abiit. elephas desiderium non tulit, nec mentis suæ compos datus est in furorem. Sed & honesti fidiique amoris non deficient me exempla. Habe vnum. ^{*}Antigonoregi elephas famina fuit. Euènit ut in obsidione opidi

*Narrata Plinio cap. v. &
Plutarcho,
in libello,
πότερον τι
ζόσιων.

*Lib. vii.
cap. XLIII.

*Athenaeus,
libro XIII.
cap. xx x.
Aelian. lib. x.
cap. XLI.

opidi Megarenfis, puerum pareret vxor Indi elephantistæ. Is suâ linguâ commendat infantem inter bellicas turbas elephanti (ita non men eius fuit) Nicæa. Capit illa serio in fidem: & omnia officia exhibet, quæ piißima aliqua nutritrix sive mater. Infans ante pedes eius deponi debebat. nisi fieret; cibum non capere, iram omnibus signis ostendere & dolorem. Gaudere contrà, eo adiacente. & tum cunas mouere ad oblectandum, aut somnum conciliandum; tum ventilare & pellere muscas. quod faciebat sanè scitè, arundinis ramum promuscidè suâ motitans. Atque hæc officia interdum etiam usurpabat elephas maritus. Pergit Plinius, & addit

Gloriae cupiditatem.] Qui sanè ipse affectus hominum proprius, & inter eos, animæ cuiusque maximè sapientis. Exempla eius in hac belluâ pluria. tu vnum vetus à Plinio cape, nouitium alterum ab Acostâ. Plinius: Erat, inquit, Antiocho regi elephas, cui (ita enim hominum canumq; exemplo distinguuntur) nomen Ajax. Is dux plerumque agminis, generosus, celsus, & velut rex in regio illo grege. Euènit ut flumen transmittendum esset. renuit infelix, & mala suâ sorte. Pronunciatum enim illico à Magistris, Principatum eius fore qui prior transisset. Intellexit,

lexit, & arripuit Patroclus (& hoc elephanti alteri nomen) fluuiumq[ue] transmisit. Præmio igitur donatus est; phaleris argenteis, quibus mirè gaudent, ornatus, & velut in possessione positus principis loci. At Ajax noster properè ab hoc Vlysse circumuentus, fatum etiam quâ potest, illius veteris exsequitur: & mortem ignominie præferens, inediâ se confecit atque adeò interfecit. Acosta autem infit: In litore vicino urbi Goæ tormentum grande æneum commouendum erat. conatur elephas: non potest. Instigante magistro & duos iuniores elephantes ostentante, qui id facerent ni ipse faceret: iterum iterumq[ue] conatur tanto nisu, ut medius illico creparet. En! dum gloriam illam præreptum alteris iuit, miser sibi vitam. Sed prosequitur laudationem suam Plinius, & adiungit magis alta. Est enim, inquit, elephantis, quæ etiam in homine rara

Probitas.] Ergo ne virtutes elephanto? virtutes. vt nequid scilicet ad perfectum omnibusque numeris hominem desit. Et de probitate planè verum est. Innoxium enim, pudens & pudicum hoc animal: probæ mentis, probi oris. Vis ei vt omnibus noccat; vt nemini, voluntas. Homini occurrit? *vitam non adimit, ostendit viam.

Ferx

* Plinius,
cap. III.

Feræ alteri? transit. Quin nisi irrites & impugnes, nec in Arenâ quidem excitabis ad lœdendum. In magistros rectoresque suos mira illis pietas. * quos aliquando per calorem aut furorem imperfectos, ita luxerunt, ut inediâ interficerint sese ipsi. Eadem in natos: quos, * vrgentibus venatoribus adçò non deserunt, vt millies capi, cædi, malint, quam ipsos. Adde reuerentiam in grandiores & senes. quibus de loco, de potu, de ci-
bo iuuenes concedunt, bonæ suæ Naturæ legibus non Lycurgi vllis minis adducti. Adde pudorem & castitatem. quia non nisi occulte & siluis tecti coœunt, & sanè rarer ter. Nam quod Plinius & ex eo Solinus prodiderunt, non amplius quam semel pare-re, nec plures singulis: validè refutat ratio, quia si vnum saltem è duobus: iamdiu, mi-nuente numero, defecerit id genus. * Ælia-nus tamen usum Veneris semel item iis tri-buere videtur. Sed ea ex Aristotele hausta, male aut lecto aut intellecto. Nam ille hoc tradit: *Marem quam semel inierit, non ultra tangere. interposito tamen triennio co-tum repetere, sed nimirum in alia. Fæminam uterum biennio gerere, parere singulos.* Strabo etiam de initu eorum & partu, magis cautè & verè. Adtexitur in Plinio

*Strabo tra-dit, lib. x.v.

*Aelian. lib.
VII. cap. XV.

*Aelian. ibid.
x. ordi-
xx. cap.

*Libro VIII.
cap. XVII.

*Lib. v. Hist.
Anim. cap.
XIV.

Prudentia.] Quam non dilato, satis mihi
in Acumine & ingenio dictam & doctam.
Ostendunt tamen & hanc propriè in Acie
instruendâ, in tardandis secutoribus fracto
dente, in flumine transmittendo. quæ apud
Plinium, Philostratum & Ælianum vide.
Sequitur

Aequitas.] Quam in se, quam in aliis
amant. Retegunt imò scelera, & alienas
etiam iniurias vlciscuntur. Historiam Ælia-
ni duplē te non celo. * Narrat Romæ
euenisse, Imperatore Tito: *ut uxor ele-
phantistæ malo iure cum altero mæcharetur.*
*Videt elephas. non fert domini hanc iniu-
riam: irruit, & in ipso complexu, utrumque
dentibus transfigit. Denique prouide ita
copulatos relinquit, stragulo tegit. & cum
dominus aduenisset, stragulo reiecto facinus
ostendit & se vltorem.* Hoc pro magistro;
sed probo. Narrat iterùm in illum, sed im-
probum. *Fuisse magistrum elephanti qui
adulteraret. nec contentum furtiuā libidine,
uxorem suam clàm sustulisse, & ad præsepe
elephantis sepelisse, alterā illā mox induetā.*
Elephantum hoc scelus tacitum non habuisse.
*uxorem nouam illuc traxisse, & cornibus pe-
dibusq; refodisse cadauer, tantum non rebus
ipsis mulieri inclamantem cui, & quomodo,*

innu-

*Libro x.
cap. xv.

*Libro viii.
cap. xvii.

innapsisset. Extrema laus est

Religio] Quam veteres omnes tribuunt
consensu. Lustrari aquâ , orientem solem
ab iis adorari * Plutarchus & * Ælianuſ mihi
auctores: Lunam nouam, Plinius, & * Ælia-
nus. Sed & hoc ad religionem , quod mor-
tuos è suo genere sepeliunt & prætereunteſ
iniiciunt humum. Ælianuſ ille idem hoc
tradidit lib.i. cap. x l i x. Homines ecce,

* Libello.
πότερον.
* Libro VII.
cap. XLIII.
* Lib. IIII.
cap. X.

in iunctum humum. Zelatus nre idem hoc tradidit lib. i. cap. x l i x. Homines ecce, mi Hautenc, elephantes feci, Sermone, Ratione, Adfectibus, Virtutibus præditos: quid superest, nisi vt etiam diuinos? Diuinant enim. & Oppianus de hoc animante dixit:

Μαντικὸν δὲ σήμεος οὐέχειν κέαρ.

Divinum cor habere in pectore.

additque præscire eos fatalem suam horam.

*Dionamplius, scientiâ eos ornat cælestium *Lib. xxxix.
rerum. οὐδὲν γάρ τινες, inquit, καὶ ἡμένοι εἴπον,
ὅτι τῷρος τέστη φωνῆς τὸ πατεριότιδος ἀντίτιται
εἰν καὶ τὴν τέστην εἶπαντο γενομένων οὐνιῶν. Qui-
dam hoc etiam aiunt, eos, præter quod sermo-
nem patrium intellegunt, scire etiam quæ in
caelo gerantur. Sed inter Quosdam illos, ne
te fallam, non ego. Habes lusum, natum
non importunè mihi ex hesterno lusu & io-
co inter vina. cui ut seria multa & vera in-
esse nihil ambigo, ita quædam maiora ve-
ro: nec usquequaque in his talibus veteres
illos

illos Fideilitasse, facilè tecum credam. Quis enim tam magni oneris sit, vt quidquid illi imponunt, vehat? Nec tameh mali quidpiam in istis, etiam falsis: quia innoxia mendaciola sunt, & volente deo Risu nata. Qui si te non aspexit dum haec legis; iamnunc me imponente licet usurpes cognomen prisci illius Crassi. Iterum salue.

E P I S T . L I . Brugas.

I A N O L E R N V T I O S . D .

Homo
Vita

IP S V M peccus mihi commouit series malorum, quæ es passus. Heu homines, quid sumus? quid speramus? Atq. ego sub idem illud calamitatis tuæ tempus, nescio quo instinctu, in Saturnalibus meis ad finxeram orationem tibi de incertis casibus vitæ. Sed benigno Deo gratia, qui concussit te non deiecit: ostendit vulnus, & non impressit. Vtile enim, mi Lernuti, vtile, admoneris interdum à summo illo Principe & imperij illius, & fluxæ nostræ conditionis. Nempe quid est homo? lutum, vt ille ait, scitè mixtum. quid vita? hæmina vna sanguinis: quam quilibet leuis casus rumpit, quælibet febricula corrumpit. Solus animus, & eius actiones æternæ. Vides pulcherrim

cherillum hoc mundi corpus? ruet aliquando. Vides hanc Belgicam nostram? iam ruit, ne indignemur interitum aliquot hominum, cum cadauera futura sint cæli terrarumque. Saturnalia nostra, credo, te accepisse. primam dico partem, quæ De Gladiatoribus. Nam reliqui sunt aliquot libri, De Venatione, & Circo: in quibus etiam tuus sermo. Iudicia vestra liberè, liberè, velim adscribi: vt mutemus, si quid tale erit, iteratâ editione. Iubebo enim si otium aut valetudo mihi constat, simul excudi omnia quæ ad ludos Romanos. Nunc molesti mihi quidam nomine Ordinum ut Grammaticam conficiam, quæ legi possit in Belgicâ yniuersâ. Ride, si sapis: & vide quām bene de me & neruis meis sentiant isti. Apud vos miles, vt audio, & turbæ. Si ita est; quid si expedias te ab eâ vrbe, & secedas in hæc loca sub Neptuni regnum? Nam terrestres dij, parum nobis æqui. Cautè id fiat tamen, & circumspecte. Nam & apud nos nescio quid turbellarum, ab iis qui pax deberent esse mundo. at illi fax sunt. Vale mi suauissime, & aut me exspecta sub æstatem, si quies illic; aut ego te, si hîc. Vxorem saluta à me ex animo, & tua pignora dissuauia. Victorem nostrum silcre ita mira-

miramur, vt suspicio sit ne & ille penetrauerit ad loca silentia. At tu eum saluta, & è veterno excita. Salutat te Dusa, Hautenus.
x. Kal. Febr. 80. I 5. lxxxii.

E P I S T . L I I . *Romam.*

F R A N . B E N S I O S . D .

DE V M ego testor, vir optime, vt in solo nomine tuo lecto exsili: quanto magis in commemoratione amoris, quem integrum inuiolatumq. seruari apud te cognoui: Ita enim ad me scribit P. Egmondus: quem certum mihi, amatum antea, vel nuncij huius caussâ magis amare. Non enim dissimulo. verus & vetus mihi in te adfectusest, hæresque mihi in arcano isto penetrali. Genus vitæ mutasse te audiui: quod salutare tibi futurum omnino confido. Et reuera mi Bensi, quid hæc humana sunt, nisi iactationes & fluctus? in quibus nihil firmum sit, nisi ad anchoram ea alliges veræ Pietatis. Am quoque abiit illa iuuentus: & vna mihi hæc cura, vt quidquid hoc est æui, in virtute & seriis iam studiis traducam. Publicè id testari cœpi: & edidi nuper De Constantiâ libros duos, qui pietatem (nisi fallor) aliquam

quam præferunt, et si præscæ Philosophiæ velo. quos ad te mitto, non ut inspicias modò, sed iudices: & liberè me moneas, si quid exorbitans in iis aut minus rectum. Nec amantis adfectu iudicabis, sed ut apud Pindarum est.

**Bouλαγίς ἐν ὄρθαις Ραδαμάνθος.*

Hoc omnino peto. M. Antonium * * (ex animo dico) amo æstimoque. minus promptè id ostendo, quia multa in me ab illo non amica. Ita enim moneor litteris multorum. Quo meo merito? Nam ego te iudicem non defugio, qualiscumque ea est litis. Tacitum edidi. quid ergo? an illius? Quæ hic iniuria est, si campum eudem Famæ decurri, sine fraude? Sed mihi iam ista non magna. & reuera pudeat me verba consumere in leuiculis rebus. Nati ad maiora & meliora quædam sumus, & ego & Muretus. Quem tu quidem à me salutabis, & animum hunc illi firmabis volentem semper eius & amicum. Ita me posteritas amet siue æstimet, ut ego illum. Constantiam nostram ut cum eo communices, volo siue iubeo: cuius exemplar etiam à me expectet. iam enim recuditur. De Amphitheatro ante paucos dies edidi: & mittam. Tu quoq[ue] me ama, & interdum solare & erige

**Sententia re-
cta & rigida
Radamanthi.*

erige in his turbis omnium rerum. ix. Kal.
April. 80. I. lxxxiv. Si quid ad me
voles, mittes tutò ad Plantinum.

EPIST. LIII. Louanium.

M. ANTONIVS MVRETVS S. D.

IVSTO LIPSI O SVO.

NE QVE enim puto aut maleuolorum
rum scelos, aut tenues quasdam &
obscuras suspiciones tantù potuisse, vt meus
esse desieris: cùm ego planè sim tuus. Quod
inter amantes solet, Zelotypia me quædam
inefficerat, quòd alios quosdam, de quibus
inter nos ridere interdum & iocari soleba-
mus, & qui certè te, cum hic essem, non ex
æquo mecum amabant: si verum audire vis,
ne nunc quidem amant, qui ex eis supersti-
tes sunt: eos igitur subinquo animo fere-
bam à te & sèpius & honorificentius quàm
me, præ quo illos contemnere solebas, no-
minari. Sed missa hæc faciamus. Electorum
tuorum *γενη* mirificè mihi placuit. Cete-
ra expecto, & cùm Saturnalia, tum multo
etiam magis De Vita ac scriptis Senecæ:
quem vt accepero, in eodem te genere, vt
potero, remunerabor. Illis quæ aīs in vñ-
decimo meo aliorum ab iniquis capi posse,
medere,

medere, ut vis. Sin fortasse integrum non est, omitte sanè istam curam. ego ante tres aut summum quattuor menses efficiam, ne quis aut de voluntate mea erga te, aut de iudicio dubitare possit. Ni fecero, tum tu sanè de me, ut de homine parum bonaë fidei, conqueritor. Amemus inter nos, mihi Lipsi, eò constantius, ut vrantur ac ringantur isti, qui amicos esse nos nollent. Quæso de tuarum omnium rerum statu, fac me, cum primum poteris, certiorem. Vale mihi Lipsi: cuius ego nunc suauissimum os intueri mihi videor. v i. Eidus Febr. Romæ. Litteras tuas Kalendis ipsis Februarij accepti: ne me tardiorum fuisse in rescribendo putes. neque antea fuit tabellariorum copia.

EPIST. LIV. *Antwerpian.*

ABRAH. ORTELIO S. precor.

PER fidem, Orteli, ut tu vtrimeque largus es, & amando & donando. Miseram ad te nescio quid munusculi nuper, Amphitheatrales meas nugas: tu rependis illico & reponis, sed verum amplumque donum THEATRVM tuum. Ad tutelarem Prætorem ibimus? Profundis enim tua, & quidem valde *āmērpō mērpō; cum pro libello,

K libros;

*Inmensā
mensurā.

libros; pro ludis, seria: pro orbiculis Arenarum, diffusum istum terrarum Orbem admetiris. & eum ipsum in triumphali veste, purpuratum auratumque. Quid censes? donis magnis capi me? non magis quam numina (si comparare fas:) quae ut voluntatem solam in oblationibus metiuntur, sic ego. At ea in te magna: & ideo munus tuum iure mihi magnum. Utinam hic quoque animus aliquà tibi liqueat! in quo acris flamma, sed per nullam occasionem erumpendi, adhuc clausa. Quod vereor, mi Orteli, ut breui quoque vestræ vrbi sit. Quæ enim istæ pontium moles, quas audimus? aut quid parat nouus ille Xerxes? Non ego ^{*Caudâ blan-}
^{dens, siue}
^{adulans.} ^{*κέρ-}
^{υω στίνων}, cum Aristophane: (frustrâ in aliis castris) sed maior & prudentior opinione nostrâ ille Princeps? Hoc ipsum opus quanti animi est? prisci & Romani. Ac comedes profectò Poliorcetes ille iniiciet indomito vestro Scaldi, nisi quid subueniant filij isti Neptunini. Batauos & Zelandos dico. qui tamen lentè accurrunt, nec ut ad socialiem flamمام. Heu ^{κεατηρηγανῶν:} & salsa vobis vita, si aufertur hoc salum. Quid suadeo igitur? fugam. sed non ab vrbe, mi Orteli, aut solo patrio; tantum à vulgo. Ad Constantiæ nostræ asylum te voco, & ad

arcana

arcana illa Sapientiæ templâ. Cuius tectum
si semel subis & penetras, tectum ego sar-
ctumq. te habeo ab omni vi, ab omni hoste.
Salus missa à Dudithio, Cratone, Monaui,
mihi grata: quæ tres stellæ in vnâ iam vrbe,
valdè illustrant Germaniæ illum tractum. tu
quoque à me remitte. Viuiani nostri poë-
ma vidi: valdè mihi tersum & probum. Sed
Itinerarium vestrum quando ad nos? Ne
preme. & quod boni prouidique patres, si
tibi obſideri visum, emitte faltem hanc pro-
lem. De* Chirio Fortunatiano, indagatio
tua noua. adeò autem mihi ille non visus,
ut nec auditus. quin ipſe vltrò peto, si ali-
cunde eruis, concede vſuram. Ad Schot-
tum nostrum scripsi. en litteras, quas mit-
tes, & amorem nostri non dimittes. Lugd.
Bat. iv. Kal. Ianuar. 15. LXXXIV.

*Scripsit de
Impp. olim
& exempla-
ria in Italiâ
edita, sed
per pauca.

EPIST. LV. Ultraiectum.

HENRICO WILTIO S. D.

V E R E existimas. officium mihi fuit tua
scriptio, imò beneficium: quia & amo-
ris tui in me index, & diligentia, quam in-
termitti à te in hoc otio gaudeo non dimittit.
Adde amicam in uitationem tuam: cui
quod hoc tempore non pareo, ab occupa-

K 2 tionibus

tionibus meis est, non à voluntate. Nam animum si consulo; reuera ambit esse isthic,
 & regustare humanitatem vestram quam
 anno superiore pleno ore hausī. Sed ita con-
 ditio mea est, ut mos mihi potius alienis cu-
 piditatibus gerendus sit, quam meis. Impe-
 dimenta, quæ desubitò mihi nata, scripsi ad
 Pollionem: nec hīc itero. Itaque quod be-
 nigni creditores solent, voluntate meā su-
 stentaberis, & illam nunc accipies in solu-
 tum. At te, mi Wilti, hortor (quod in ex-
 tremā epistolā tuā prudenter scriptum) co-
 gites, quam in præcipiti cursu ætas tua sit:
 nec facilè facturum te messem, si in hoc iu-
 uenili vere neglexeris facere fementem. Se-
 mentem dico, & virtutis, & doctrinæ. Ad
 vtramque enim te voco. quod hæc sine illâ,
 damnosa: illa sine hâc, parum decora aut
 ornata sit. Aures tuas sæpe insonet illa De-
 mocriti, vt opinor, laudata vox: **πολυτελέσα-*
τον αὐαλωμα χρόνος. Ut in flumine vnda vn-
 dam trudit, nec vñquam reuocas elapsam:
 sic in tempore dies diem, nec reparas amis-
 fam. Cogita, & vale. Parens tuus à me sal-
 uebit, & noster Canterus. Lugd. Batauor.
 111. Idus Sextiles. ∞. 10. LXXXI.

Agellius.

In Agellio quod multus es, laudo. purus,
 simplex, probus in eo, & veteris comoediæ
 stilus;

*Sumptuofissima iactura,
 tempus.

stilus: quem æmulare. Loca de quibus ambigis, pleraque & mihi ambigua. Accipe paucis ad pauca: nam ad omnia non nunc libet, non licet. Libro vi. cap. xv. *Nefi Aely quidem & Cincij & Satyri dicendum ita censuerint.* Cur Satyrorum hic mentio, in re sermonis prisci & desiti, tecum haud assequor. Emendem *Saturni*. Is enim in Latio: & illo rege vetus atque ignobilis sermo. Simile est, quod hic idem scriptor affectatæ linguæ homines, fabulari cum matre Euandri ait: & *poëta quispiam versus obſſitos, refert ad Faunos, in Latio item reges. Aut certè, *Satryj*, gens Romana reponendi: aut, *Salij*. quorum carmina obſcuræ antiquitatis non ignoras. Illud lib. x. cap. xx.

Plebs verò dicitur in qua gentes ciuium patriciæ non insunt. obſcurum mihi, imò falso. Omnesne in plebe, qui non patricij? Vniuersi ergo equites, & plerique è Senatu plebs sunt. Cogitabo. Peccat pariter in rem & historiam hoc libro eodem cap. xxxvii. i. quod è Tuberone adfertur:

Seruum Tullium regem populi Rom. cum illas quinque classes iuniorum census faciendi gratia institueret.

An enim Iuniores tantùm in classibus?

K 3 *clarum

*Ennius: Ver-
ſibus quos olim
Fauni vatesq.
canebant.

*vel Liuium
vide, qui in
classibus no-
minatim
semper Se-
natores Junio-
resque ponit.

*clarum mendacium, siue potius mendum:
quod tollo. Juniorum vox delenda, male
& imperite intrusa; cetera distinctione iu-
uanda: Seruum Tullium regem, populi Ro-
mani cum illas quinque classes census facien-
di &c. Ea mens & ordo in his verbis, Ser-
uum cum institueret quinque illas classes
populi R. Sed pro *Quinque, Sex* etiam ve-
rius rescripsieris, è Liuio, Dionysio, aliisque.
Libro x v i. cap. vii. in verbis à Laberio
nouatis:

*Præterea in Anna Peranna Gubernium pro
Gubernatore.*

ignosco si cæcutis in hoc verè grypho. Libri
vett. *Præterea manua pro annua.* Lego, Ma-
nua, pro Annua. Hoc dicit, *Manuarever-*
bum nouiter factum sicutumque à Laberio,
pro Annuere. Manu videlicet vulgo & in-
nuimus & annuimus, alio alioque schema-
te. Hinc natum poëta verbum.

E P I S T . L V I . Antuerpiam.

C O N S U L I B V S E T S E N A T V I

A N T V E R P I E N S I S . D .

N O B I L I S S I M I & Amplissimi Domi-
ni. Munus accepi, non meo munere,
sed splendore vestro dignum. Pretium in eo
respi-

respiciam siue artem; omnia eiusmodi, quæ animum vestrum abundè declarent, & quæ me deuinciant nouo vinclo. Cuius si non soluendi, at laxandi saltem aliquo genere officiorum, vtinam facultas mihi vnquam sit! Intelligetis profectò æstimare me munera posse, & accipere: non tam propter ipsa, quām eos qui affectu tali dederunt. Ingenue dico. Aurum illud aut argentum nihil me mouet, aduersus talia satis firmum: mouet prolixa hæc vestra humanitas, quæ omnia non impetrare solùm à Lipsio potest, sed imperare. Valete Ampliss. Coss. & Senatt. vrbemque vestram regite inter hos fluctus, præeunte & gubernante supremo illo Nauclero. Lugd. Batauor. v i. Idib. Ianuariis.

∞. IO. LXXXIV.

EPIST. LVII. *Antuerpiam.*

PHILIPPVS MARNIXIVS.

D. LIPSIO *suo Salutem
multam precatur.*

DIVINVM tuum mi Lipsi De Constantia librum & legi, & per quām audi de hausī. Moriar, si quicquam vnquam legerim venustius, quicquam præclarius, quicquam quo fuerim affectus magis. Ita &

K 4

Theo-

Theologiæ arcana aperit syncerè , & veræ Philosophiæ adyta recludit eruditè , & animi solatia proponit luculenter : vt in vno De Constantia libello, virtutum omnium chorūm, venustissimis Musis permixtum, vide re mihi videar. Beasti me hoc munere, mi Lipsi: & multisquidem nominibus. Ego tibi hunc tuum librum immortalē fore spondeo. Tu quo cœpisti pede feliciter perge. Quem policeris librum Thraseam siue De Contemptu mortis, vide ne diutius differas; vel si iam est editus, ad me mittas. Etsi enim sum occupator , & quidem rebus grauioribus quam vel genius vel ingenium meum ferant: nullum tamen tantum negotium hoc mihi adimet otij quod tuis legendis impendam. Si per otium dederis ad me interdum litteras amoris tui erga me testes, (etsi haud habet teste opus qui mihi est exploratissimus) feceris longè gratissimum. Et ego tibi mutuo literarū officio vicissim respondebo. Quodsi in hanc urbem te contingat venire, vide ne id me fiat insalutato , imò ne alio quam meo vtare hospitio. alioqui scito te non laturum impunè. Vale mi Lipsi, & me tui iam antè multo amantissimum , etiam (si potest)amantiorem factum, amare perge. Antuerpiæ xix. Decemb. 15. lxxxiii.

E P I S T .

EPIST. LVIII. Amstelrodamum.

M A R T. LYDIO S. mitto.

NE C epistolâ tuâ quidquam mihi potuit accidere gratius, nec admonitione siue censurâ. In vtrâque amor tuus elucet: in hac magis. quam nisi liberè in amicitâ admittimus, tollimus pulcherrimum eius frumentum. Ego de meo sensu noui & adtestor, libentissimè me sicubi deflexi, non corrigi solùm sed corripi: certè cum de animo mihi constat corrigentis. quem totum candidum purumque in te scio, mi Lydi, & famæ ac salutis meæ amantem. Itaque nec excusatione nec tergiuersatione istâ opus: quâ (verè dicam) gratiam admonitionis corruptisti in parte. Ego enim me ab amicis non blandè amari velim, sed fortiter; id est, ut viris ac sapientibus est dignum. Sed de notâ ad verba illa paginæ 66. "Constantiae meæ: sententiam meam breuiter sic habe. Cùm ea scripsi, ad peccatum & ad malum respexi: quod Deo sanciente & præscribente euenire, durum mihi videbatur dicere. Fateor eam vim esse Prouidentiæ diuinæ, vt nihil in minimis maximisque eueniat quod à filo illo non pendeat: tamen cautionem cautif

*Lib. I. cap.
xx. Vedit,
non coëgit: sci-
uit, non san-
xit. &c.

K 5 simam

fitam in verbis & effatis adhibendam censem, vulgi in primis caussâ. Itaque Damasceni verba hoc fine adiunxi. Nam ἀρόγνωσις, πρόνοια, αργεῖται, ratione quâdam distingui ab hominibus, & caussâ hominum non ignoras. nec temerè dixerim, Peccata euennire Dei præfinitione. Nec tamen certamen hîc mihi ullum tecum. sed rem altam, intricatam, & vereor ut homini semper obscuram, sic explicò. Definitum à Deo omnne agnosco, quidquid euennit: trepidò tamen dicere, peccata ipsa. quorum fontem à solâ malâ voluntate nostrâ esse censem, supremâ illâ voluntate permittente. Exempli caussâ. In Tarquinij adulterio, in cædibus ab Herode innocentum, duo specto: factum ipsum, & crimen. Factum à Deo definitum fateor, & comprehendo sub fatali illâ lege: crimen, quod soli voluntati inhæret, non videor fateri posse, sine iniuriâ Dei. Caussam omnium rerum diuinam voluntatem statuo, omniumque euentuum etiamsi mali sint: at non caussam caussæ mediæ, quoties ea mala. Aliâs quomodo effugimus, vt non auctor ille sit mali: vt non probator? Itaque ea quæ ex^{*} Actis aptissimè adducis, huc accommodo. Mortem Christi destinatam ab æterno, proditionem Iudæ ab æter-

*Acta Apost.
cap. 11. vide.

ab æterno, mediaque omnia quæ ad salutare illud opus ferrent: sed non crimina adnexa ipsis factis, quibus fundamentum in impiâ tantum voluntate. Quod si tamen satis habemus generaliter & vniuersè dicere, omnia non præscita solum à Deo, sed præscripta, hoc respectu quod illa ipsa facta sine peccato euenire non potuerunt: ~~ego non pugnaciter pugnauero, & fatebor fortasse~~ (cum omnia examinauimus) vim hanc necessariò inesse cather næ illi & nexui Prudentiæ immotæ & æternæ. sed disseri tamen ea in vulgus, periculi inuidiæq. plenum existimem. vulgo autem scriptus meus liber. Habes stri-
 etim mentem mei scripti. Tu si quid aliud obseruas, aut si quid etiam est in quo ambi-
 gis, valdè à te peto ne me celes. Non de-
 lectabunt me solùm eiusmodi iudicia &
 indicia, sed docebunt. In istis ipsis quæ
 nunc scripsi, si quid aberro, dirige. Reipsâ
 videbis, me non admoneri solùm posse, sed
 emendari. Libens enim quidquid aut malè
 aut obscurè dictum erit, retractauero, illu-
 strauero. De misso ad me Heroldo, habeo
 gratiam. remittam cum fide, vbi legero.
 Quamquam de Germaniâ Taciti, nescio an
 hac editione emolar accuratè. Occupatio-
 nes, & valetudo, & Typographi festinatio,

sæpè

NCD 11

sæpè nobis impedimento. Quod pag. eiusdem Constantiæ meæ 131. in margine positum est, * *Davidis adulterium*: facilè obseruasti peregrinationem esse meæ mentis. Itaque velim pro eâ nota hanc in libro tuo substituas, * *Quâ populum ambitiosè recensuit*. quod alios etiam monui. Vale. Lugd. Bat. xiiii. Kal. Dcceb. 100. I. C. LXXXIII.

E P I S T . L I X . *Antuerpiam.*

C O R N E L I O P R V N I O S .

ex animo precor.

LI B R O s hos de Constantiâ cum ad Senatum vestrum, Vir Clarissime, mittem: valdè peccassem, si non ad te vnâ. Nec enim Senatus solum ipsius magna pars es: sed & mei. qui amo te, qui abs te amor: nec cum Antuerpiam veni, facilè pectus reperio magis promptum in me , magis pronum. Addo & caussam tertiam , quia prudens tu & doctus. cuitismodi lectore , imò iudice, opus mihi in nouitio hoc scripto. Parùm enim adhuc tritum istud ad Sapientiam iter: nec scio an ipse id peragrauerim usquequaque pede recto. aut si; an aliis videbor. Sæculum enim & mores non ignoras , quamque in re quæ Pietatem tangit varij hodie sensus

sensus & dissensus. Non sententia, sed verbum aliquod à calente calamo anceps fugiat: ecce calumniarum subitus & magnus ignis. Quæ caussa abstinuit me, fateor, ab altiori initu in sacrarum illud rerum mare. quò materies alioqui & ingenij ventus vocabant: sed repressit hic metus, & ad nauigare iussit litus. Elephantes aiunt, et si amnibus impensè delectentur, haud temerè tamen eos ingredi, cum inscij sint natandi: idem in Theologiâ mihi. quam amo, quam aestimo, & tingo salubribus eius aquis libens animum, non tamen mergo. Quæstionum enim vortices illos horreo: iisq. ne inuoluar, adhèso & obambulo saltē eius ripas. Et hinc tamen haurio & ex tuto sumo, quæ ad animæ meæ usum. Nam acumina aut dissipatiunculae quid iuuent? Quod ille de Virtute censet, rem eam esse non verba: iustius ego de Theologiâ. cuius verum seruumque finem scio, Vitam. Ut melior, non ut doctior fiam, sacra illa volumina tango: ut pectus instruam, non ut acuam mentem. Procul à me isti, qui alti & subnixi ambulant, * μετὰ πνεῦματος ἀνθρώπου σοφίαν σοφούς: quiique, quod Socrati obiectum olim, * πνευματικόν ζητῶντες τέ τε ὑπὸ γῆν καὶ τὰ ἐπεγνωμένα. Et cum omnia tamen subtilis ingenij

alâ

* Maiorem, quam pro homine, sapientiam sapientes.

* Satagit inquirentes, & que terram infra est que calum supra.

alâ per uolarint; miselli, præter uolant ipsi se-
,, se. Reliqua sciunt: illud vnum quod scitu-
„ necessarium est nesciunt, ut se sciant. Sed
hos mitto. te Vir amicissime quæso, vt gra-
tum hoc munus animumque nostrum ha-
beas: & istum ames, illud examines. quo
fine præcipue scito à me missum. Siquid ali-
bi aliter dictum: hòc magis mihi amicus,
quò liberius monueris. quia inter eos ego
qui labi & errare possunt, sed & inter eos
qui resurgere & emendari. De Amplissimi
Torrentij valetudine & statu, gratum mihi
si per te cognouero. Iure nobis carus, rarus
ille vir. Vale. Lugduni Bat. xvi. Kal.
Nouemb. 80. IO. LXXXIII.

E P I S T . L X . Leodium.

D O M I N I C O L A M P S O N I O ,
Leodiensi Episcopo & Principi
à Secretis, s. d.

D i v est cum scripturio ad te Vir clarissi-
me. sustinui me, dum scriptum illud
promissum exspecto, materiem scilicet vbe-
riorem respondendi. Nam lata & læta illa
epistola, quid ferè aliud habet quâm adhor-
tationem & laudes? Quæ amplector vtra-
que, quia in iis amorem tuum agnosco, sine
labe

labe sine fuco. Non merui. quid refert? hoc ipsum delectat, talibus viris & iudicibus meruisse videri. Non enim fallacia tua verba, sed prompta è pectore, & vt ille ait **ἐν φρενῶν μυχῇ*. Itaque calcar mihi addis ad decur-
 rendam reliquam hanc viam: quod detra-
 hunt mihi sèpè iudicia quorundam, qui θεο-
 λόγων, vt volunt, παιδεῖς. Misceri enim hæc
 nolunt: & satis esse puram illam à Christo
 doctrinam, sine mixtione vllâ Sapientiæ
 humanæ. Nec acriter iis sanè pugnem: nisi
 quod nescio quomodo apud homines vim
 aliquam habeant & iuuent etiam ista exte-
 na. Quis veterum Theologorum Philo-
 phiam spreuit? usurparunt imò & Græci &
 Latini, sed suo quodam fine. Ego ex vsu
 non iuuentutis solum nostræ, sed generis
 humani putem, trahi & conduci omnia ad
 metam hanc pietatis: modus teneatur tan-
 tùm, & vt hæc diuinis litteris seruiant, non
 vt contrà. De Amphitheatro philologum
 aliquid nuper edidimus: & exemplaria mit-
 ti iussimus ad Clariss. Torrentium vnâ te-
 cum. Nunc feriamur: nisi quod Taciti
 Commentarium recensemus, & in quibus-
 dam refingimus, sed leui manu. Ximenio
 tuo, imò nostro, velim à me multam salu-
 tem dici. quem virum olim pænè puer Co-
 loniæ

*ē præcordia-
 riua penetrall.

loniae vidi & audiui, sed nunquam pernoui.
 Doleo. & excitor non in amorem solùm
 eius, sed amplexum: ita multa à multis au-
 dio de sincerà illa & doctrinâ & pietate. Tu
 si mihi interpres & conciliator amicitiae il-
 lius es, magno me beneficio deuinxeris.
 Otho Venius à nobis abit, sed inuitis: in-
 signis moribus & arte adolescens, & cuius
 manus vsui mihi esse poterat ad multa Anti-
 quitatis illustranda. Eum commendatum
 tibi, tamen commendando. etiam me: quem
 scire certò debes tui ex animo amantem.
 Salutat te I. Dousa. Lugd. Bat. Prid. Kal.
 Jun. ∞. I. C. LXXXIV.

E P I S T . L X I . *Hagam.*T H . L E E W I O *Consiliario s. d.**Consolatoria*

HA V T E N V S noster ad te venit: cui uti-
 nam ego comes! Sed valetudo valide
 vetat: quæ semper anceps, nunc acerba, te-
 net ligatque me domi. Alioqui in votis mi-
 hi prorsus, te videre, te solari, & officium
 exhibere quod eiusmodi tempora exigunt
 ab amico. Litteris id feci anteà: sed nescio
 quomodo momentum h̄ic magnum habet
 frons ipsa & ipse vultus. Euripides non vanè
 mihi visus scribere, Non serenitatem nautis
 gratio-

gratiorem in tempestate aduenire; quām lugenti amico, amicum. Sed & hoc breui, ut spero, fiet. interea mi Leewi, firmare quæso paullūm, & frigus illud tenebrasque dolorum calface & illustra ad Rationis solem. Ante omnia nouitatis opinionem hāc exue, quæ luctui tuo mala fautrix. Miserabili, inquis, genere mortis periit, & quod luctu municipium omne nostrum compleuit. Scio, & affectu adspectuque primo ipse misereor. sed hīc quoque paullūm te attolle, & secerne à vulgo. Quid illud miserabile? cum omnia circumspexeris, Mori. Varia ad illam metam via fert, chuoſa, plana, breuis, longa. eadem tamen omnibus quies, cum peruenēre. Tua per difficilem partum, & velut per nimbos fluctusque delata est in Beatum illum portum: delata tamen. & præteritus labor adeò non grauis illi nunc, etiam gratus. Tu tantūm ne miserare, imò nec mirare. Scilicet id genus Fati non cadit in hunc sexum? non communis ille omnium prægnatum timor? Imò non crebriores alios sermones audias, si in confessum aut conuentum venias muliebrem. Attamen hic nostrūm omnium error: cum triste aliquid accidit, etiamsi non nouum, habere id vt nouum. Per circum-

L stantias

stantias quasdam augemus, polimus, & ve-
 lut fucum ac lenocinium circumponimus
 dolori. Scilicet ut pulchrior in oculis appa-
 reat iustiorque. Peruersi mortales! contrà
 oportuit: & in omni casu oculos flectere ad
 communem dispersamq. legem. Non Ha-
 gain solum aut Batauiæ hunc angulum in-
 tueri, aut quid pauculis ibi annis gestum sit:
 sed diffundere cogitationem per sola hæc
 terrarum. Conditionem tibi pono. Iure
 non lugebis solum, sed indignabere ut in
 nouo fato: nisi alibi terrarum hac ipsâ horâ
 idem ille aut acerbior casus. Et tamen cur
 peregrinere? reperies exempla eadem, si
 quæreris, in finitimiis istis locis. Quamobrem
 exsurge, & contrà leuia ac lusoria hæc Do-
 loris arma, arripe vera. Quid vita, quid
 mors, quid fatum sit seriò cogita: scio placari
 posse implacabilem etiam dolorem. Quid
 enim hæc vita, quam eripi lugemus? ludi-
 briorum scena, miseriarum mare. per quod
 ut maximè ex voto tibi feratur nauis; tamen
 in multos scopulos impingas, multis vadis
 obhærescas necessum est. Quid ipsa mors,
 quam timemus? requies, gaudium, & vera
 vita. aut siquid in cå mali, malis tantum.
 Quid miseraris traductā ad hanc, optimam
 matronam, & per Fideim salutis suæ certam?
Iam

*Vita**Mors*

Iam Fatum quid? æterna, ab æterno, in
æternum, dei lex: quam adçò non abrogare
fas, vt nec obrogari ei liceat aut derogari. Si
ab æterno & immobilis: stulte, quid cum
Necessitate pugnas? hoc vnum vinces, vt
pluribus plagiis contusus vincare. Si à deo:
impie, quid quereris? Culpare non potes
aliquid malum aut acerbum in eo & ab eo,
qui Bonitas & Benignitas totus. Naturam
eius si exprimere voles, non melius aut ma-
gis propritatem expresseris, quam per eas vo-
ces. Mortua igitur tua est debuit. illo tem-
pore, illo fati genere debuit. Lex ita lata:
quam frustra solicitant & exagitant acumi-
na hodie ingeniorum. Non enim moue-
bunt. Quin nos, qui sapimus, pareamus
potius; & quod necessariò patientum est,
etiam libenter patiamur. Leuamentum ali-
quod misericordiarum est, non reniti. Cur au-
tem renitamur? Non Deus solùm est, qui
ita de nobis statuit: sed & pater. Salutare
igitur, bonum, prosperum: quidquid sensi-
bus oculisque nostris aliter videatur. An illi
curæ aut amori nos esse non putas? magis
quam nos nobis. Sed & pueris parentes mul-
ta præter votum imponunt, idque tutelæ aut
salutis causâ: item ille nobis. Hæc mi Lee-
wi seriò discute & bonâ fide. leuaberis, si

ostium pectoris semel Rationi aperies , re-
moto repagulo isto vulgarium opinionum.
Plura me Hauteni discessus vetat addere: iu-
bebat tamen amor, qui magnus mihi in te
semper & sanctus. Vale. Kalend. Martiis.
∞. I C. LXXXV.

E P I S T . L X I I . *Londinium.*A M I C O *cuidam s. d.*

I R A S C I debebam mi * *, si possem.
Tu ne vt iter vllum susceperis, non dicam
sine comite me, sed sine conscio? Hoc ve-
rum fuit? Pectus tuum roga. non dicet id
esse pro veteri illo & fido inter nos amore.
Caput meum hoc tango & testor , nullum
mihi caput carius fuisse tuo. Quid autem
suspicer? arcanam aliquam caussam huius
consilij fuisse? non inquiero. & si ea aperiend
a mihi non fuit totâ fronte , saltem vesti-
giis & sub personâ ostendenda. Ego te in
meis rebus tale aliquid nunquam celasscm.
An subitò hoc tibi natum , & per mortem
vnius illius viri? Hoc potius credo. quia re-
uera caussæ tibi temporanei alicuius secessus
hic non iniustæ. Noui collegas tuos , scio
quibuscum res & consilia miscenda fuerint:
homines & actiones, parum ad tuum stoma-
chum

chum aut ad nostrum. Intereatamen (quæso hoc volens audi à volentissimo tibi amico) nec nos omnino eam rem celandi eramus, néc certè vxor: quæ misera se adflictat. Quamquam nos solamur & erigimus: certi, non aliud latere sub hoc instituto tuo, quām secessum aliquem ab his turbis. Tamen mulieres nosti, (et si tua sanè prudens, & mariti ex animo amans,) & linguas siue malas, siue vanas. Quibus, oro te, in tempore medere: & ad nos redi, qui manere tecum parati, abiire, perire. omnia, vt ferent res & tempus. Quæ enim tibi caussa eximij alicuius consilij aut singularis? Confusio hīc & discriumen? Scimus. sed & animum tuum nouimus nihil horum metuentem. Denique inter homines istos dum viuimus, obsecro vitam etiam instituamus humanâ hac & communî viâ. Pax aut bellum erit? communiter consilium aliquod capiemus, quod paci huic attemperemus siue bello. At ego tanquam seriò scribo, & quasi monendus mihi sis. quem liquet usurpare hanc profectiōnem animi caussâ, et si cum angore aliquo tuorum. Quibus etiam, mi * *, consule. & ad suavitatem conuictus illius nostri redi, sine quo tenebræ nobis in mediâ luce. Verè dicam et si vulgariter, Vita sine te nobis non

L 3 vitalis.

vitalis. Res adhuc hic quietæ : sed Brabantia tamen & Flandria raptantur, vt audire te credo etiam istic. E Galliis litteras iam bis accepi , & quædam in iis noua. vti De Re accipitriariâ carmen , subtilis & nouitiae in uentionis. Veni & vide & (quod Constantiam tuam meamque decet) ride. cur enim non spernamus hæc circumfusa & externa, iure iis altiores ? Nobiliss. V V. Philippum Sidnæum , & Dierum, si vides , saluta à me quæso : & iis indica , per te stetisse quod eos non viderim tecum. Certè enim inuitis meis omnibus iuissim. Tui valent, Vale & tu, & fac vt breui te videamus exspectatum. Salutat te Hautenus noster, qui hilari ter herè apud me in prandio fuit ad funus Melonis. Inuideas illis exsequialibus epulis, si in tam albo pectore liuor. Lugd. Bat. x. Kal. Septemb. ∞. Id. LXXXIV.

E P I S T . L X I I I . Lutetiam.

AVGERIO BVSBEQVIO

Cæsaris Legato, s. d.

P ER I S S E litteras meas nuperas ad te, minus doleo , quod de officio meo saltē tibi constat. Nihil enim in iis magnum aut serium. hoc tantū , affectus mei & cultus

cultus significationem continebant: quem à iudicio suscepimus, constanter seruo. At tuæ istæ litteræ, quæ mihi gratae, & in mediis his molestiis iucundæ? Præter enim amorem (qui largiter apparet) etiam grauisimi testimonij tui pondus continent & iudicij de meis scriptis. Quod amo magis,
quæ probo: quia mihi virium mearum conscius & modicæ laudis. Fuimus his septimanis aliquot in Taciti Commentariis refingendis, & nouis quibusdam attexendis, ut videbis. exemplar enim Antuerpiâ iussi mitti: si tamen commodè id poterit per has turbas. Nam caput illud Belgij à corpore nostro semi-auulsum. Ripas obsident, & tormentis aditum nauibus arcent: etsi nautæ adhuc perrumpunt. Nobis mutatio non impendet iam, sed adest: faxit ille Deus ut in bonum. Quamquam hæc sunt illa, aduersus quæ Constantia nostra nos armavit: quæ hoc saltem mihi profuit, quod ab eâ scriptione impressum animo meo aliquod robur. Plures hîc imperant. nec vidi eam rem benè vñquam cessisse in bellis. Discidium etiam animorum præfigio, & motus fortassis in ipsâ plebe. Nobis tamen decreatum patriam non mutare, si mediocris aliquis in eâ status. si nullus, & si confusio tan-

tum & raptus: quæcunque terra dederit nobis aliquam sedem. Nec enim liberi prægrauant, & sola mihi vxor. Ianum Guiiclium commendaueram tibi superioribus meis litteris, adolescentem, si quid video, probi ingenij, animi, iudicij. Ei si quid benignè facere potes aut dicere, quæso ne grauere. Ex istâ iuuentute non est alius, de quo melius spercm. Itineraria tua Plantinus si accipiet, edet. nos qualemcumque augmentum audiè exspectamus. De Thrasçâ meo poliendo cogitabam, vereor ut tempora permittant. Quidquid tamen ea permittent, mihi certum conferre ad hanc meliorem curam: & quod in me est, fugitiuas virtutes retrahere in nostrum æuum. Valdè me hoc incitat etiam tua admonitio, & votum, quo honorificè nimis epistolam tuam claudis. Vale Ampliss. Domine. Lugd. Bat. x. Kal. Septemb. 15. LXXXIV.

E P I S T . L X I V . Leodium.

LÆVINO TORRENTIO

V. Amplissimo s. d.

IT A Salus aliquando seriò me respiciat (nam hactenus quidem adit, abit, & vacillat) vt mihi insigni gaudio imò robori sunt

sunt tuæ litteræ tam amanter ad Plantinum
de me scriptæ. Te noui, me noui: & hoc
scio, hunc tam prolixum adfectum non me-
ruisse à tali viro. Quid dicam? me meaque
offerrem & addicerem, nisi iam pridem ad-
dicta tibi, nexus quidem & vinclo quod non
nisi atra mors rumpet. Commentatiuncu-
las nostras semestris hic morbus valde tarda-
uit. morbus, qui per interualla duxit me ad
Fati limen, & reduxit. Nec nunc optimè:
etsi in optimâ spe, ut medici volunt, & iam
in abscessu atque inclinatione sit morbus.
Absque eo, iam & Suetonium meum habe-
res (meum? imò verè tuum, cum tuo inte-
gro Commentario, meis tantum ad oram
Notis: præterea votum tibi & dicatum:) &
Dialogos nostros De Rectâ institutione iu-
uentutis, quibus sermonis partes do Philip-
po Lanoyo & Papio nostro. Amo enim &
amaui rectissimum ingenium adolescentis,
dignissimi hac vitâ, nisi meliorem ei Deus
destinasset. Plura iubet amor meus, imò ar-
dor: vetat languor, & serum hoc diei, quo
litteræ tuæ conspectæ nobis. Excusa. & apud
Dominic. Lampsonium item nostrum, cui
cis paucos dies vbertim scribam. Officij
enim aliqua cessatio apud me per hos men-
ses; non amoris: qui mihi æternus in tales

viros. Vale, & salutem à me Læuineius tuus.
Lugduni, ut volunt, Batauorum. Postrid.
Kal. Ian. 80. Ic. LXXXV.

EPIST. LXV. Lugd. Bat.

BON AVENTURA VULCANI,
Vir & collega amice,

CALLIMACHVM, Bionem, Mo-
schum, iam nunc à te accepi: vno par-
tu trigeminos, rarum & felicem ingenij tui
factum. Publicâ caussâ (verè dicam) tibi de-
beo: priuatâ magis, quia duos ex iis mihi
inscribis, hoc est, immortalem me facis.
quo quid homini ab homine maius dari po-
test? Viuent enim amoenissimi poëtæ illi,
quamdiu Musæ: & cum iis tuus labor: &
cum labore tuo meum nomen. quod Mu-
sæo illi peplo intexuisti amicâ & doctâ ni-
mis acu. Gratias agam aut habeam? refer-
re malim. & tamen verbis quoque nunc di-
cam, sed paucis & fidis. Emptum me tibi
hoc munere; mancipio tuum. & addo im-
probi hominis priscas illas voces, sed probè
& sinceriter: *Quid concupiscas, tu videris;*
quod concupineris, certè habebis. Libros no-
uitios, quos è diuine bibliothecâ tuâ prom-
pseram, per hunc puerum recipe. De * *
Collc-

Collectaneis iudicium quæris? illud Iuliani
scitum profero. * ἔγρων, ἀρέγρων, ματέγρων.

*Vidi, legi,
damnum.

Magis ad gustum meum Conuiuialia Stuckij, ex eādem gente non ab eādem mente.

Firmiora hīc omnia & lectiora. De Sigma, Sigma

quod obiter quærebas & videras, ille nihil noui: fortasse nunc ego. Nam quæ in Antiquis scripsi, vacillantia aut falsa. Non enim Sigma antiquis Biclinium propriè, vt sensi ego: non diæta aut cænatio tota, vt Cælius: non mensa ipsa, vt Brodæus: sed nisi fallor, certa in cænatione pars seorsim erecta & exstructa ad recipiendum lectum. idque hemicycli aut lunatâ formâ, quâ littera illa Græca passim hodie in lapidibus & priscis libris. Suggestum, inquam, quoddam ligneum (sive quâ meliore materiâ, non impedio) semirotundum: in quo perpetuus vnuus lectus, ad sex septem conuiuas recipiendus. Quod velut dimidiatum triclinium repertum inferiore æuo, ad facilem & magis aptum usum. Ab Apuleio hīc mihi prima lux, & à me illi. De Psyche, libro v.

Visoq[ue] statim proximo semirotondo suggesto propter, instrumentum cænatorium rata reflectui suo commodum, libens accumbit. Non nominat Sigma, fateor: sed auribus oculisque ingerit quasi nominasset, ita clare. Semiro-

mirotundum suggestum ponit , & Instrumentum cænatorium appellat. quid capere aliud est, quām hoc Sigma? Triclinij enim certè non illa forma. Radium mihi etiam aliquem, et si à tenebroso æuo scriptor, allucet Ditmarus Episcopus libro 1111. Chronicor. De Othono Imperatore: *Imperator, inquit, antiquam Romanorum cupiens consuetudinem reuocare, magnâ ex parte iam suis deletam temporibus, multa faciebat quæ diversi diuersè accipiebant. Solus ad mensam quasi semicirculum factam, loco ceteris eminentiore sedebat.* Quod libens item retulerim ad Sigma: sicut illud ad Principalem morem, quòd solus, quòd loco eminentiore. Sed mensam ipsam ad Sigma, lunatâ item formâ fuisse hinc discis. parte dico eâ, quâ conuiuas tangebat: nam illâ, quâ alios, fuerit lineâ sanè rectâ, ad ministerium & adstitionem puerorum scilicet aptiore. Et quanquam de mensâ hîc Ditmarus: non tam encam solam venisse in id nomen (eruditissimo Brodæo scriptum:) peruincit Sido nius, qui in his versibus discriminat clare:

*Non tibi gemmatis ponentur prandia mēsis,
Assyrius murex nec tibi sigma dabit.*

Ita omnino lego , non *Signa* , vt vulgò. Idem alibi nominat , & ostendit duplex
-QIII- fuisse,

fuisse, Aestiuum & Hibernum.

*Cominus aspicitur vel prima vel extima
turris:*

Mos erat h̄ic dominis hibernū sigma locare.
 Vbi Locandi verbum refutat item Cælium,
 Diætam capientem ipsam. At ea non trans-
 fertur, non locatur in turre. Cetera quæ
 huc faciunt, aut ego aut Stuckius iam dixi-
 mus. De Antecænâ etiam ambigo, quod
 ad vocem. Macrobius sanè ita: sed in Apu-
 leio & Isidoro tuo Antecænium, siue multi-
 tudinis casu Antecænia reperio. quidni re-
 ðetè, quo flexu à Scænâ Proscænium? Ille
 libro i i. sic: *Prorsus gladiatoriæ Veneris an-*
tecænia. Alter lib. x x. *Merenda eſt cibus*
qui declinante die ſumitur: quāſi poſt meri-
diem edendus & proxima cænæ. unde & An-
tecænia à quibusdam dicitur. niſi ſi h̄ic vtro-
 bique Antecæna reponenda: quod haud te-
 merè putem. Salve iterum mi Vulcani: ite-
 rumque tibi à me gratiæ. quas promam
 ſemper & recondam, habebo æternū &
 debebo.

EPIST. LXVI. *Lutetiam.*

IANO GVILIELMIO S. D.

SERIO ægrotabam, mi Guilielmi, ta-
 men expressit amor ut ſcriberem: non
 mira-

miraberis, si paucis. Hepatis enim acer nec
sine discrimine morbus est, qui me septi-
manas iam aliquot adfligit: quam partem
ad vitam eiusque munia principem esse non
ignoras. Litteræ tuæ nuperrimæ suaves. ce-
lasti in iis me de Epistolâ in Sigionum, quam
missam tamen è Britanniâ vidi. Gaudeo
conspirare te mecum: cuius iudicium super
cā Cōsolatione credo te iam vidisse. Sed tu,
fodes, cur non acrius paullo egisti hanc caus-
sam? Debebas. & sine adspectu illius, quem
nimis attollis, falsæ huius prolis patrem.
Agnosco stilum, disiunctum, otiosum, len-
tum: & illam (audeo apud te dicere) Sigo-
neitatem. Quid sibi volunt Itali? Tranſal-
pinos omnes esse fungos? Scilicet nemo no-
strū inter oletum illud diiudicet & Tul-
lianam myrrham. De Re Accipitrariâ no-
uitiæ & acutæ inuentionis carmen accepi.
legi mihi iussi per hunc ipsum morbum. pla-
cuit. Gratias quæſo à me auctori & datori
nuntia. cuius mihi laudes gratæ, eò in primis
quod iunxit me laudatissimis illis viris. De
P. Fabro: gaudeo mihi impositum. Tamen
scripseram etiam aliquid ad Cuiacium. tu
purga. Tacitus noster prodit, & nouæ ad
Historias reliquosq. libellos Notæ. sed No-
tæ tantum. plura valetudo vetuit, & ha-
turbæ,

turbæ, quæ rerum & mansionis nos faciunt incertos. Saluta Brissonum, Memmium, Scaligerum, & tu salue quidquid me erit. Constantia nostra iterum prodiit cum Præscriptione aduersus quosdam qui in *école* & *académie*. Critica omnia nostra imprimuntur vno volumine iunctim, quibus noua quædam addemus si valeo & viuo. Lugd. Bat. xiiii. Kal. Octob. 15. lxxxiv.

EPIST. LXVII. *Lutetiam.*

IACOBO CVIACIO I.c. s. dico.

SÆPE mihi de te sermo, Cuiaci clarissime virorum: apud te adhuc nullus. Hoc pudor vetuit: illud iussit amor & admiratio tui. quæ non apud me solùm, sed apud omnes in quos scintilla aliqua diffusa lucis melioris. Et ealuerunt tandem hæc duo, ut abrumperem ingenitū mihi modestiæ vinculum: & iter ad amicitiam tuam struerem sine vllis cuniculis, apertè. Perit enim procari, si latet, aiebat ille: & sepe iam litteris nec vnis nec vnius, spes imò fiducia mihi facta mutui tui affectus. Quæ non me fallet: si noui humanitatis veræ genium, qui spirat in tuis scriptis. De rebus meis si in hoc aditu amicitiæ aliquid queris: cetera commode agimus,

agimus , nisi quod inter eos quibus rerum bonarum non magnus sensus . Bella etiam & tumultus quibus inuoluimur , fieri non potest quin interdum & tangent nos & angant . Si de studiis : Commentarium Cornelianum vulgamus iterum , sed pleniores addimus enim in Historias & adiunctos libellos . Vrinam autem fas polire mihi eum præsentis tui limâ ! Quia non licet , velim tibi animus otiumque sit vel per litteras dirigendi me , corrigendi . Labimur enim , Cuiaci , in hoc genere ego aliique : & illa tua velut propria laus , exacta certaque esse quæ semel ex adyto tui pectoris profusa . Paramus etiam De Amphitheatro seu Venatione libros tres , ut fiant legitimi Saturnales quinque . Nescio quid præterea in Liuio nuper exorsus : quod pergam detexere , si auxilium mihi paullò firmius librorum . Duo tresque apud me sunt : sed quasi de compacto consentientes . Tu , Vir maxime nostri æui , si dignum me habes quem redames , quem rebus item tuis consiliisque (de litteris loquor) participes , in cælo me collocabis nouâ apostolisi . Ios . Scaligerum quem scio me tantum amare quantum tu , & quantum te , (liberè enim addo .) ex animo salutes velim : cuius libros De Emendatione temporum
auidè

2015.07.15

auidè auidè exspectamus. Nisi ambitiosum sit, includam in eandem salutem magnum Brissonium, Puteanum, Fabrum, Pythœofqué, viros clariss. & ideò mihi quoque famâ notissimos. Amare autem liceat, si potiri non licet. Vale Vir Clariss. Lugduni, ut volunt, Batauorum. IIII. Non. Octobreis.

EPIST. LXVIII. HAGAM.

TH. LEEWIO *Consiliario s. d.*

DISTVL I ad te scribere, Vir clarissime, non libes. Morbus meus hoc fecit, qui non sine discrimine etiamnunc me vexat. Ego fero: & æquissimo animo exspecto illum diem, quo Imperator hoc corpore, immo carcere me soluet. Obstructiones sunt quæ me tenent, internæ inflammations, nescio quæ arcana alia symptomata, ad quæ medici ipsi trepidant & caligant. At non ego. scio hanc legem vniuerso humano generi datum: nec in agis mirum aut nouum mori hominem, quam nasci. Denique quid est quod in sæculo hoc me teneat aut delectet? Publica vide. pessimè habent. Priuata. etiam in iis suæ cruci. Melonem nostrum tibi gratum fuisse, mihi gratum. Sanè bonos & eximios aliquot habui hoc anno. sed

M quid?

quid? ego, velut Tantalus sitit inter suas vndas, esurio inter medios inclones. Nec gustare quidem mihi fas ob hunc morbum. Constantiam nostram recudit Plantinus, pauca mutata aut addita præter Epistolam, quam videbis. Exemplar Latinum Seb. Gryphio nostro dabis, cui ex voto debo. Belgicum vxori tuæ seruiet: si tamen haec ad sapientiam illius sexus. Sed tu, si tanti est, interpretando iuuabis. Ego te illamque salvare ex animo iubeo. nam longior scriptio mihi non facit. Valete vterque. Leidæ. ix. Septemb. 15. lxxxix. hodiè paullo rectius valere visus sum.

E P I S T . L X I X . *Iena.*

A N D R E Æ D A M M I O

v. n. s. dico.

EN mi Dammi Carmen vti petebas, id est iubebas. Quid enim verè amicus verè amico neget? Si placet, nihil debes. sine curâ enim natum aut labore. Si displicet, multùm. quia agnata ei infamia mea. Traducor, vt vides, & risui exponor in nouo hoc theatro. Sed est tanti, vt nomen meum minuam, dum addam aliquid ad tuum. Adfirmo enim in laudatione hac nullam laudem

dem quæfisse me, præter tuam. Hunc animum si tibi probo, satis est: de carmine Genius viderit meæ famæ. quem hactenus non culpo. Salue, & ad cœnulam me exspecta.

CARMEN EPIDICTICVM

ANDREÆ DAMMIO

V. N. scriptum,

Cùm Jurisconsultus, Ienæ renuntia-
retur. 80. 10. LXXIII.

ET si me vario iactatum turbine, Dammi,
 Irritaq; expertū instabilis ludibria Diuæ,
 Auocat à cœtu, tristis fortuna, Sororum;
 Nec dolor ad latos patitur descendere colles:
 Attamen hoc surget carmē tibi. Callida Musa
 Calliope, diuūm atq; hominū sincera voluptas,
 Seu inga te Pindi, seu te Parnassia rupes
 Castaliq; tenet iucundum murmur ab undâ;
 Diua faue. tibi crescit honos. En vester alūnus
 Dammius, eternis nomē memorabile chartis,
 Victor ouans, spoliis & opimo latus honore,
 Ingreditur, patriis q; nouū decus attulit oris.
 Qualis purpureo sublimis Scipio in ostro,
 Post debellatos Romanis viribus Afros,
 Victor agit nineos celsa ad Capitolia currus:
 Patres q; plebes q; fremunt. it plausus ad astra.

M 2 Illius

Illiū ingenūm percurrit gloria pectus.

*Tale decus, talesq; refers de pace triumphos,
O felix animi iuuenis, felixq; laboris.*

*Nam quamquam prisca superant tibi nomi-
na gentis,* [nat:

*Clara per Albiacos populos quam fama peren-
Tu tamen antiquo generis contendis honori,
Et lucem accipiens, illis redditis quoque lucem.
Tu primūm, ut teneris creuit tibi robur ab
annis,*

*Inclyta Palladiæ aspiras ad præmia palme,
Et statuis magnis non magna exordia rebus.*

*Acrior hinc te laudis amor rapit. atria auita
Linquis, & externis virtutem quæris in oris.*

*Sic regina auium, volucres cum crescere pēnas
Sensit, & incuruos durescere fortius ungues:*

*Liberius sectatur iter, trepideq; parentis
Officium dedignatur, nidisq; relicis*

*Auolat, & liquidâ plaudens lasciuit in æthrā.
Non Ithace durū posthac mihi iactet Vlyssem*

Ignotis multum quamvis errauerit oris,

*Quà venit exoriens, quà Phœbi deficit ignis:
Sitq; iter illius, tua dum sit gloria maior.*

*Videris incultos Lestrygonas ille vel Ætnam,
Cymmerion populos, & campos luce carētum:*

*Te Dubis, Rhodanusq; celer, te Sequana flauus,
Te vidit gelidis in montibus Apenninus,*

Annibal infuso quà rupes fregit aceto:

Te Ti-

Te Tiberis pater, & viridi te Mincius umbrā
Obstupuit, Albiq; suos inuidit alumnos.

Hic tu perpetui pennis sublatus Honoris [ta
Per Phœbi Charitumq; hortos, per dædala pra-
Musarum, aeterna decerpsti fronde coronam.
Non aliter molles Venetus mercator ad Indos
Aut septēgemini penetrans rapida ostia Nili,
Quicquid Arabs; quidquid mittit Panchaia
diues,

Rettulit ad patrios spolia inuidiosa penates.

Mirantur gazam ciues, Eoaq; regna,
Miratur vestes, & munera squallida ab auro.

Mox te cliosae ceperunt mœnia Ienæ,
Que Romanarum infudit mysteria legum,
Institiæq; dedit sacratum scandere collem:
Vnde tibi errores hominū, & ludibria vulgi
Despicere, & varios fas sit componere motus,
Inflammare pios & refrenare furentes.

Felix iustitiae munus. date candida ciues
Lilia, purpureasq; rosas, date thuris honores.
Te, Dea, te cumulē donis, te munere mactem.
Nam tu sola potes, concussi in fluctibus orbis,
Cum Fas atq; Nefas eodem dignatur honore,
Lexq; pudorq; perit, tranquilla pace iuuare
Mortales. per te quoniam sua præmia iusto,
Et sceleri mala pœna venit. Te terror & vltor
Carcer, & horribili sequitur mors dira fla-
gello.

M 3 Te Vir-

*Te Virtus comes, & diffuso Gloria vultu.
Tu sola eternam capiti das Diua coronam.
Quæ dānosi expers senī, tua tēpora, Dammi,
Ambiat, insigniū, nitens scintillet honore:
Donec ad æquoreis ignotam fluctibus Arcton
Lucida sidereæ radiabunt signa Coronae.*

E P I S T . L X X . Brugas.

VICTORI GISELINO S. D.

ITANE litteræ à Victore? tandem, tandem.
Quod in gaudio improviso , vix credidi
ipse meis oculis cùm legerem, manibuscum
tenerem. Itaque verè scribis, pro bono tibi
cessit pericax cessatio : quia in morem ab-
isse videbatur, & desiisti flagitari. Imò præ-
scriptio tibi iam pænè proderat (si Iuriscon-
sultus esse vis) nisi hæc interrupisset scriptio.
Sed vide ut non specimen solùm emendan-
di nobis præbeas , sed re emedes: nec gu-
stum modò , sed rectam plenamq. cœnam.
Aliàs , quò arenti mihi & sitienti pauculæ
istæ guttae , si venam tu iterum interclusurus
es huius suavitatis? Sed non facies: quia non
vltrà ego facilis in ignoscendo , vel te aucto-
re. Quod si iram etiam meam contemnes.
quid? quid? Veniam videlicet ipse , & ite-
rum te mihi adseram subtrahitum non bonâ
fraude.

ANIST

M

fraude. Trellæo illi dij omnes benefaciant;
 qui adiutor tibi, vt opinor, & interpres ho-
 nestissimi muneris. Sed ad carmen eius
 suadensne rescribam? Nec enim hominem
 satis noui aut mores. De scelis recipieratis,
 noua & mira. Sed siue illum pœnitentia
 (non enim pudor) furti subiit: siue eum apud
 quem deposita: tibi quidem ex animo gra-
 tulor de receptis. Vide vt te vñà cum illis.
 Nam certè, mi Victor, indignantur iam pri-
 dem nostræ dæc desertas se à te, illo militiæ
 suæ principe olim & antesignano. Purga: &
 ostende emansionem hanc fuisse tantum,
 alendis ingenij viribus, & velut quiete irri-
 gandis. De Plinio, ego quidem valde sum
 auctor. Nec excusa. velis modò, fides mea
 interueniet de successu. Plantinus ædes hic
 emit, Typographiam instituit, & videmur
 effecturi vt stipendum ab Ordinibus acci-
 piat honestum. Fortassis ea res eriget exci-
 tabitque me ad studia, alias sæpe languen-
 tem. Laco noster, vt audio planissimè per-
 iit: nec deseruit illum præeuntem Neme-
 sis, et si pede claudio. A Cuiacio benigna
 multa ad me & honora. Gifanij Agellium
 excudi audimus. quem ego scriptorem ante
 quatuor menses ad Plantinum miseram, se-
 uerè & anxiè correctum: curque omiserit

M 4 aut

.18193

aut dimiserit, ne nunc quidem scio. Nec quæro sanè aut curo. Nam si mens aut otium mihi, satis multa in aliis scriptoribus quæ agamus: ne cripiam hanc patri prolem, iam certè nubilem & plus quàm quindecennem. Scis quid ille semi-Italus questus de filiolâ suâ nuper: non sine risu meo, credo etiam vestro. Quem mihi commendasti, cupio omnia. sed nihil dum ego aut Dusa extricamus. Nam de Plantino quam ei spem ostenderam, profertur in eius aduentum, id est ad initia veris. Ante nihil statuere de domo suâ vult aut potest. Dusa noster Cōmentarios ad Petronium scripsérat, nunc totus in Historiâ concinnandâ suæ gentis.

E P I S T . L X X I . *Londinium.*

I A N O D O V S Æ V . N . *Salutem*
& *linguam opto.*

I STA enim deest, qui tamdiu files. Vindictam talionis merebare: sed noster amor si non maior, certè acrior: procatur, & lacescit te vltro. Valemus ego, tui liberi, tua vxori, non meæ Musæ, quæ frigent absente suo Sole. Exorere. & aut vultu tuo coram calface; aut illinc saltem radios & stricturas aliquot per epistolam mitte.

EPIST. LXXII. Antuerpiam.

IOH. MOERENTORFIO s. dico.

VXOREM ad te redeuntem, mi Moëntorfi, quî dimittam sine litteris? **Æ-**
grè eas scribo, fateor: sum enim in alienâ
 vrbe & domo: scribo tamen. siue quia de-
 beo, siue quia valdè volo. De filioli tui apud
 nos obitu socer, credo, iam scripsit. Ego **te**
 soler? animo facio: verbis nunc non licet,
 nec opus est, si firmitudinem animi tui pro-
 bè noui. Sæpe eam in litteris ad socerum
 adspexi, sed in alienis rebus: te illa deseret
 in tuis? Non opinor. præsertim cum ita pla-
 cita tibi ea virtus, vt per eam Constantia
 etiam nostra: quam non legis solùm audè,
 sed vertis. Vidi enim specimen, & probo.
 illud velle, plus aliquid tibi pérmitteres,
 nec vestigia vsquequaque sermonis Latini
 premeres pede tam certo. Arta per hanc cu-
 ram versio, astricta, tenuis, sæpe obscura.
Est suus videlicet cuique linguae Genius,
 quem non auellas, nec temere migrare ius-
 seris in corpus alienum. Quàm multa La-
tinè breuiter scripserim; quæ si totidem ver-
 bis transferas, sententia nec plana satis, nec
 plena sit? Quàm multa rectè & erectè: quæ

M 5 in aliâ

in aliâ linguâ iaceant aut vacillent? Quod
iis præsertim euenit, quorum stilus paullò
magis ab eruditione, & à curâ. Iam allu-
siones illas, annoominationes, flexus, & in
vno sœpe verbo imagines, quæ tam dextra
mens vertat, vt eadem vis iis aut Venus?
Exorbita igitur: & hoc erit rectam in ver-
tendo viam tenere, viam non tenere. De
pecuniolâ Facuensi, grata tua cura. expe-
diemusne aliquid à nummario hoc triconi?
quidquid erit, tibi debebo. De cistâ scripto-
riâ, ô gratum & opportunum tuum munus:
plane eâ egebam. gratiam tibi meæ Musæ.
Tu tam benignus in nos salue; & vide vt va-
lidum te reperiat valentula iam tua vxor.
Delfis, III. Idus Sept. 15. LXXXIII.

EPIST. LXXIII. Cantabrigam.

GEORGIO BENEDICTI.

Et carmen tuum valdè mihi gratum, mi
Georgi, & beniuola memoria mei. sed
illud longè gratissimum, quod valens & in-
columis appuleris ea loca, ad quæ missuses
velut ad mercatum artium seriarum. Philo-
sophiæ dico, & in primis Theologiæ. ad
quam postremam non actiones solum om-
nes tuas, sed cogitationes necessum est colli-
neare:

neare! Quæ tamen ipsa , quoniam sine pietate & puritate nulla est ; caue , te quæso , ne quid labis aut maculæ trahas ex cœtu iuuentutis maculosæ. Fuge illos , fuge , qui li-
perioris vitæ obtentu ad licentiam trahunt:
quæ vna ianua & aditus ad omne scelus.
Magna non frustra nobis de isto ingenio tuo
sollicemur: tu vide sollicitè , ne id deprauent
braui. In flexu ipso ætatis es: in quo si non la-
peris , speramus te inoffenso deinde cursu
pertingere posse ad metam. Vale. Lugd.
Bat. 80. I o. LXXXIV. Deus te seruet, in
quo & à quo omnis salus.

EPIST. LXXIV. *Lutetiam.*IANO GVILIELMIO *meo s. d.*

Ego vero Quæstiones tuas iam antè vi-
deram , & legeram cum curâ. An gem-
næ hæ non luceant? aut nos celentur? Ita-
que non itero apud te iudicium meū , quod
apud alios nusquam celo. Si tamen de alte-
rà editione cogitas , sunt minuta quædam
quæ te monebo. Quid ni monecam? amici
hoc est: & vtinam id mihi iuueni factum in
meis scriptis! Quamquam reuera tua iuue-
nile nihil spirant, matura , adstricta , grauia:
misi quod à iudicio tuo abeo in pauculis lo-
cis. Ita-

cis. Itaque abi , nec festinationem mihi excusa, quâ nihil peccas. Noster , ille noster, etiamnum Lutetiæ? & quando tandem videbimus in luce illas Noctes? sanè longa & difficilis satio in hoc Agello. & metuo ut acerbè etiam fructus, incusante & incurstante Oberto. Doleo. sed video tamen de his studiis nostris posse dicere

**Litem parit
tus, noxa item
naciam scrit.*

**Δίνη δίκης ἔπιπτε, οὐδὲ βλάβης βλάβη.*
Impudentiâ id fit & scœuitate quorundam, qui perfidè animum scientiâ, non imbuere. Gulielmi Furnerij, ad De verborum significacione, vidimus: probum, & sine ambitione doctum planè opus. Faueo , admiror , amo. P. Fabri Ad Regulas auidè expecto : nec inducor ut laedi me credam posse ab eo viro , non certè si me nouit. Quid tamen eius sit (nam è Coluio nostro inauditi aliiquid) liberè , vt oportet , scribe. Ego æquiter punctiunculas aliquot stili eius feram , qui sæpe me iuuit. Errico Memmio viro summo , (ita dudum sentio) méo nomine indica : scriptum ad me ab Egimondo de oblatis Notis aliquot in Tacitum. sed litteras eas tardè , imò serè redditas : itaque non postulasce eas me , habete tamen ei gratiam proinde ac si impetrasssem. Dicare me ipsi hunc animum , & sine fuso amore.

Clariss.

Clarissimo viro Claudio Puteano, iam diu etiam labore, ut animus meus innotescat. scio illum esse inter lumina illa Galliae: & velim valde eum à me saluere. Sed tu, mi Guilielmi, quid agis? quid cudas? ut enim vegetum ingenium tuum est, non cessas. Perge quæso te gnauiter in hac viâ, quam ad æternitatem tibi strauisti. De Scaligero, doleo siue indignor esse nebulones, qui conuidentur & obstrepant viro, quem non lædant* (*ἀτερπόντης θεῶν παιδεῖς* ait Pindarus:) sed nos per eum, & cursum illum impediant bene monendi & scribendi. Et quis, obsecro, ille Insulanus, qui iactat etiam reges? Me pariter morantur interdum & turbant hæ pestes. De Iosiae Merceri Nonio, gratuum. vrge vt promat. Ad Augerium Busbequium credo me nunc aut certè breui scripturum, cum testimonio quod tibi debeo. Nicolao Fabro, Pythœis, Passeratio, multam à me salutem dicio. Vale & salue à Dousâ nostro. Lugd. Bat. x v. Kalend. Iunias, ∞. I o. LXXXIV.

*Inuulnerabilis
les decorum li-
beri.

EPIST. LXXV. Noribergam.

IOACHIMO CAMERARIO

Doctori Medico s. m. precor.

EXHILARARVNT me litteræ tuæ solo nomine, & aspectu. Grati mihi semper Camerarij, ob vnum illum virum quem Germania vestra habuit sine pari. Et tu meritò inter eos, cuius benivolètiæ in me olim signa non obscura. Libellum à te missum falsi Ciceronis, cum iis quæ adiuncta, accepi & legi lubens. O duram frontem Sigonij, qui hoc pertendit! Sed sentire eum ita serio, vix fides. Quid autem ais de altero illo Riccoboni responso, si vidisti? satin' ut acriter & veris armis in Sigonium itur? Ait non obscurè, illum ipsum auctorem esse laudatæ Consolationis. Vide & ride hoc bellum Italicum, cui me non misceo. Ut quid enim? Mihi tam clarum est quām Solem illum lucere, scriptum hoc nouitium esse & improbae nimis spei. Nec dissentient, scio, docti. Sigonio ignoscere possumus, si agit suam caussam. et si metuo ne labecula aliqua ab hac re offusa priscæ illi gloriæ. Ita fit, si quis eam non habet cum modo. Nos Tacitum recudimus, & Constantiam. in quā Notas aliquot

aliquot adiunxiimus, ad reprimendas calumnias quorundam: quarum hoc sanè sæculum ferax. & eâ re tardari nos ad nouum aliquid pangendum non negamus. Andrææ Duditihij per te litteras accepi: viri magni, alti, & de quo illud possim * — πεπλασμένον ἐν διός *Effidus ex
ἔρως. Salueat à me, & tu vnà amicissime Camerari. Lugd. Batauor. x v i. Kal. Iun.
∞. Id. LXXXIV.

EPIST. LXXVI. *Lugd. Bat.*

HVGODONELLE V. C.

I. c^{te} & amice eximie,

Ex animo salue. Valetudo tua, quæ tam subito mutauit, cum sollicitudine nostrâ est, imò cum angore: pñnè scripseram cum languore. nec mentirer. Itane autem pertinax ille erysipelas? Ego dieculæ rem censem, & sic olim ipse expertus. Nam memini, Ienam Thuringiæ cum venissem, illo ipso die febris arripuit: & erupit in Herpêtem, qui ostendit se infrâ armum dexterum in dorso. Sola dimissio sanguinis me curauit, valdè initiò anxium & pendulum ad peregrinum morbum in peregrinâ terrâ. Andræas Ellingerus mihi medicus: tunc in corpore, saepe postea in animo. quia nihil eo viro

viro probius, sincerius, & verè Germanius
in Germaniâ totâ noui. addam & doctius;
non credulis omnibus, quia nec omnes al-
tam illam & velut in imo mentis doctrinam
eius videbant, eruebant. Ego, arto & longo
vsu. ~~De salariis veterum Doctorum~~ quod
his diebus fabulati: est sanè ita. ampla illa
& larga. Vespasianus Rhetoribus & Gram-
maticis annua centena contribuit. id est,
nostrum ad nummum, aureos bis mille quin-
gentos. Illud tamen ex Eumenio Pro Scho-
lis, de * Sexcentis millibus, fidem meam ex-
superat, imò & verum. Non fidus vescor
cā parte exscriptor. Quisquámne quindena
millia nostratium aureorum, annua accepta
referat Professoriae suæ linguae? euge, euge!
Non tantus, vt scimus, census equestris.
Frigefaciendum hoc est calidè nimis scri-
ptum: & emendem sexagenis millibus. es-
fent, mille aurei & quingenti. Id quoque
(nostris certè moribus & opibus) honora-
rium per honestum. Habes à Critico sen-
tentiam, sed vt solemus, non sine ferro. tu
iudicabis, & valebis Vir amicissime, si nos
vis & Scholam.

* Loca tamen tria sunt, in eâdem Oratione, constanter
pro grandi illâ summâ: Primus: *Salarium me liberalissimi*
Principes in sexcentis millibus nummum accipere iussuerunt. &
addit ibidem clariss: *Vt tercena illa sextertia qua sacra me-*
morie

moria magister acceperam, in honore priuati huius magisterij adit à parte sorte geminarent. Alter, in ipsâ epistolâ Principum: Deniq; etiam salarium te in sexcentis millibus nummum ex reipub. viribus consequi volumus. Tertius item: Quamobrem sexcenta illa, quantum ad honorem spectat, accipi oportere censeo. Ut ambigam, & correctionem pñè sustentem. Quid enim si summa illa semel attributa, per singulos annos partitè diuidenda: quod tamen nouum sit, & nimis etiam ita attenuetur. Si igitur emendationi insistimus; Tercena illa facile & aptè mutaueris in Tricena.

EPIST. LXXVII. *Lutetiam.*

I. LIPSIUS FR. RAPHELENGIO
FRANCISCI F. S. D.

IAM vir es, laudo. Binas à te litteras accepisti, tu à me nullas: non culpâ tamen nostrâ (scripsimus enim vbertim nuper) sed Legatorum qui diem ex die ducunt, & more suo morantur. In eorum enim comitatu I. Esychius noster est, cui fasciculum dedimus. Valetudo nostra infirma, incerta. non etiam animus, cui fixum parere & sequi magnum illum Deum. At rumor ille falsus, qui vos terruit de meâ morte. qui tamen idem Brugis & Leodij sparsus, ne mirer apud longinquiores Gallos. Homines de meo capite possunt ludere, statuere tantùm supremus ille Princeps. Ego mortem non timere dudum didici: quin vt hæc tempora & languores mei sunt, propior sum appeteti.

N *κρεῖσ-*

*-melius est
semel mori,
Quām conti-
nenter in diem
affligi male.

Passerinus

— *Κρεῖασον εἰσάπαξ θαυμένιον
Η τὰς ἀπόδους ἡμέρας παχεῖν κακῶς.
ait Æschylus. In studiis quod pergis & perseueras, gaudeo. quid sequendum tibi, reperies in litteris meis primis. Passeratio sedulam operam dā: qui vna columnā labenti Scholæ. Nam vetus sanè Parisiensium doctorum gloria valdē flacuit & imminuit. Sapientiæ studia & virtutis ne omitte. Pietas tibi in mente, modestia ante oculos, & demissio animi: ad quam nunquam satis te horter. Illa fundus bonorum omnium & fundamentum: nec pestis alia plura ingenia abripuit, quam Confidentia & æstimatio sui. Tu abstine. Reuera enim quid sumus? quid scimus? Quò longius progrediere in scientiæ veræ viâ, tenebras & circumfusam caliginem magis cognosces ingenio humano. De me ne labora, si quidam inuidēant aut carpant. An ego eximius sim inter homines qui sunt, qui fuere? Omnes qui excellere aliqua in re conantur (non enim dicam qui excellunt) statim adflauit & adussit malevolentia ista aura. Cita veteres omnes, reperies. Circumspice hodie nostros. idem. Quid miraris si Marculus aliquis hoc in me faciat aut Lacon? Mihi sententia de me, non nisi apud me fertur: nec quis sim, alium

alium rogo. Interno isto iudice si probus audiam : quid addent aut dement mihi hi sermones? Nec famam tamen sperno, aut neglego : sed hoc te moneo, non esse eam nostræ potestatis. ideo inter externa habendum , & in momentum nullum ad beatam tranquillamque vitam. Quis sim, in me situm est : qualis audiam , in vano isto vulgo. Sed ad te redeo. Iuxta Sapientiae studium, stilum cole & exerce : qui Diuae illius fidus & necessarius administer. Quid enim recondita illa aliis proderit , nisi spargere & emittere ad plures eam poteris felici quadam pennâ ? Stilum autem , meo iudicio, Plautus & Cicero tibi perficient : aptâ quadam, & quam ex me sæpe audisti , mixturâ. Æuum tuum vides? propera. non aliud magis idoneum disciplinæ. Auum tuum vides? item propera. infirmus enim ille tibicen qui te sustentat. Morbi & languores cottidiani illum vrgent, facturi aliquando quod minantur. Quis autem studiis tuis gubernator, amissio illo? Nam & ego sanè infirmus. quo tamen viuo haud spero quidquam tibi deerit. Vale. & veram virtutem nosque ama. Lugduni Batauor. x v i. Kal. Ianuar. 10. LXXXIV.

EPIST. LXXVIII. Aurelianum.

I. LIPSIUS, EVER. POLLIONI

S V O. S. D.

ERGO NE in Galliâ tam diu es, & files? Siue adfectum meum in te respicis, siue confuetudinem quâ domi meæ vslus: peccas. Nam me certè vel morbus excusat, qui quattuor iam menses perpetim me vexat. Et tamen cum miti arbitro tibi res est. scribe, & excusasti. Loca illa qui placent? qui homines? Probi illic, scio, improbique: sed hos, mi Pollio, vita: & inprimis si qui nequiores aut leuiores. quæ vetus gentis illius nota, & nunc per bella, per tumultus, auxit valde. At illos (probos inquam doctosque) elige & excerpte: his adhære: linguam ab iis disce & mores. Ut aromata odorem semper aliquem adfricant tangent: sic boni & modesti, auram aliquam suæ virtutis. Inter hos Aureiani (illic enim agere te censeo) Furnerium Antecessorem habeo: quem virum probum esse audio, penitus doctum è scriptis scio. Si potes, illi innotesce: & si gratum esse putas, à me saluta. Pestem in iis locis sœuire accipio, nisi si iam desœuit hoc frigore & hac hieme. Fuge contagem illam,

illam, quantum humaniter potes: sed ante
omnia pestes illas animorum, sodales ma-
los, qui fraude & arte inrepunt & inrum-
punt. Plura, cum rescripseris. Nos enim
adhuc in morbo: nec sine discriminē, nisi
clemens ille Deus auertat. Qui virtutem
modestiamque tibi seruet, & nostri amo-
rem. Lugduni Batauor. xvi. Kal. Ianuar.
∞. IC. LXXXIV.

EPIST. LXXIX. *Amstelrodanum.*

I. LIPSIUS MARTINO LYDIO
S. D.

SOLICITUDO tua de valetudine meā,
non magis mihi noua, quam amor tuus,
quem iamdiu ostendis. Vtraque grata. con-
filiū etiam, quod amicē adiungis contra
vīm melancholici morbi. Sed mihi, mi Ly-
di, non planē capitalis ille morbus, non in-
quam vera Melancholia; sed tantūm subo-
les eius, flatuosa illa hypochondriaca adfe-
ctio, longa & saeva nihilominus, nisi quod
cerebro & menti adhuc parcit. Quæ con-
stant mihi, nisi erro. Nam in hoc ipso mor-
bo illud mirum, quod cum maximē desi-
piunt, sapere maximē sibi videntur: & ita
aberrat à se mens, ut se non querat. Libel-

N 3 lum

lum quem dicis Aloysij Luisini vidi num-
quam. argumento certè iamnunc placet,
nescio an tractatione. De Thraseâ meo
aliisque scriptis, quæso minus vrge. In mor-
bo hoc nisi morbidum quid possim? & ego
me ne sanum quidem ad scribendum scio
accedere, nisi cum vegeta mihi mens &
acris. Cùm calore quodam nostra illa pan-
gimus, non minus quàm poëtae. At nunc
frigeo & rigeo, anni tempore & morbo.
Ego mortuus in Galliâ & alibi dictus sum, vt
ex litteris non vnis intellego: falsò. Vtinam
tam falsò I. Guilielmius noster, quem emi-
grasse scies Julio mense Auarici Biturigum,
correptum ardidâ febre. Item C. Sigonius
in Italiâ abiit, reliquum in eâ gente lumen.
Herè mihi dictus Cuiacius idem fecisse, nec
tamen certò. Quid ais? nónne funestus &
fatalis ingeniiis hic annus? videtur. De me,
Deus ille & seruator meus videbit: qui nec
præter mentem meam hac in re aliquid sta-
tuet, nec præter votum. Obscuro enim
quid nos teneat aut liget in hac fæce? Nihil
me: qui magis magisque in dies video & ri-
deo furem Principum & vulgi. Etiam pri-
uata si introspicis: miseriæ & angor, & lan-
guor: & cum Homero

*Mors subit
de maiore.

— *δέχεται κανὸν ἐκ κακῆς άτι.

Quæ

Quæ tamen Christiani meritò ferimus,
quamdiu Deo illi visum, qui explorat & ex-
purgat nos per hunc ignem. Ei te, mi amicissime Lydi, commendo: & me precibus
apud eum tuis. Vale. Lugd. Bat. xvi. Kal.
Januar. 80. I.C. LXXXIV.

EPIST. LXXX. *Romam.*

ROLANDO WINCELIO S. mitto.

ME quoque certè accedit ad redaman-
dum amor hic tuus, cuius scintillæ
exsiliunt & emicant in omni epistolæ tuæ
parte. Quem quod meritum meum siue
aluit, siue accedit? Nam quod magni aesti-
mas hoc nescio quid litterularum, quod in
nobis est; vide mi Winceli, ne abducat & se-
ducat te affectus. Voluius sanè quædam
in publicum; sed adolescentes, nec annis
aut iudicio satis adhuc firmi. Quibus, be-
nignè mecum agitur, si venia à Lectore tri-
buitur; nedum ut cumulus iste laudum. At
tu tamen ea extollis, & cum aliis quibusdam
errorem erras, quem negare mihi non pos-
sum esse gratum. Posteritas saltem (ut ille
inquit) ita de me meisque aut erret aut iu-
dicet. Nam viius certè iudicia multorum
experior valde in me prona. Quorundam

N 4 etiam

etiam aduersa, fateor. & cur offendar? scio quod saepe meritò. Lapsi enim non semel sumus, præsertim in iuuenilibus illis scriptis: quæ tamen nunc reprehendo & retracto, & à postremâ hâc incude firmiora erunt, nisi fallor, contra malum dentem. Sed cur tamen in me iniqui? Dent mihi aliquem ex omnibus tuo nostro Criticis, qui non peccant; & flageller ego solus. Sed hos omitto. illud tantum instillo: si temerè arroserint,

**Eiam mis
memorabit
virum impro-
bum.*

**καν μως δάνοι ἀνδρεα πονηρόν.*

Sed libentius ad beniuolas & amicas animas deuenio, in quibus te auctore dehinc censeo Illustrēm Gondosaluum Pontium, Neapolitani Proregis nepotem: cui quid nisi gratias agam pro affectu? addo etiam redamare me iure, et si ignotum. quomodo enim non, qui tam benignè prouocat? De Mureto summa mea opinio est, & erit. & felices vos sanè illo doctore. Patria nostra porrò turbat: nec scio quando nobis adfulgebit tranquillitatis ille sol. Itaque nos etiam saepe frangimur: nisi quod conatus solari me meosque Belgas sum nupero De Constantiâ scripto. quod scire equidem velim, qui faciat ad Italorum teneram saliuam. Vale mi Winceli. iam enim interpellor, imò auocor. Non. April. 80. Ic. LXXXIV.

EPIST.

EPIST. LXXXI. Rhotomagum.

VICTORI meo s. dico.

Quod deficientibus adspersa frigida,
hoc mihi vestræ litteræ. Releuant re-
creantque labentem me, & virium adspi-
rant nouam auram. Hem, amor quid po-
tes? tu honeste, tu vere, & qui semel in pu-
ro amicitiae solo egisti radices. Intemperies
mea adhuc me tenet. ita enim verius appelle-
litare videor posse, quam morbum. Cetera
valeo: calor tantum molestus in hepate,
mesenterio, & pñè dixerim venenatis in
eo venis. Ex sunt, ex venulæ, quæ pugnam
mihi cum stomacho mouent: quæ calorem
eius succumque ad se trahunt malâ vi aut
fraude. Caputne alterum de Melancholiâ
Rondeletij tui legisti? Is purus putus meus
morbus. Myrchialem Arabes, nisi fallor,
appellant. Pugno sanè cum eo strenue; &
abiecisse sape videor, sed ut Antæus quis-
piam virescit & resurgit. Frigidis iuuari im-
primè videor: sed crebra & continens eo-
rum usio, scis quam non ventriculi ex usu.
Hic nodus. habes ei cuncum? an tu quoque
cum veteris Scholæ medicis adhaeres? Di-
eo, veteris. nam isti noui à Paracelso, auxi-

Morbus
Lipsey.

N 5 lium

lium pollicentur ab Vitrioli aceto. Frigerare idq[ue] iunt, penetrare, aperire; & simul robur addere visceribus & membris. Et sanè (iram & vocem comprime) iam vtor, successu non infelici. De exitu videbo: si iuuare ita porrò pergit, ego inuentorem hunc dcum. Philebotomiâ nuper etiā vsus eram, & iuuit valdè. sed quid dicam? Ut ille in Aetnâ ignis interualla sua habet, & cum deseuisse creditur, redit: ita meus iste. Quem nisi breui tollo, me tollet. Quid refert? generosa & Herculea hæc ad cælum viâ est, per æstum perque ignem. Ego, mi Victor, iamdiu paratus ad hoc iter: nec cum alio affectu minor mihi pugna, quam cum metu mortis. Vitam habeo velut hospitem. si manet, non eiicio: si abit, non teneo nec penulam scindo. De Modio, grata mihi narratio. Faueo & faui iamdudum illi ingenio: nec (cum à paucis vobis abij) in Belgio habeo, cui factum velim magis. Placent mores & indeoles, & (constet sibi tantum, nec transuersum eum abripiat aliquis Lacon) fructus, scio, dabit studiorum. Sed cur ad me non scripsit? cur ne salutem quidem adscripsit? Peccatum largum; siue illius qui dicere omisit, siue tuum qui scribere. De Lacone quid? trepidas in aduentum eius & palles?

null

24

palles:

palles? Stantum: spondeo tibi, fugit. Nihil eo homine *νεγκοδειλοτερὸν*. Scelera hoc faciunt, & occultum illud in pectore flagellum: quod commouet, quisquis eum constantius aspergit. De Appuleio deque Pintiano, curae habebo, imò iam habui: & indica si quis alius tibi à viuo mortuoque me visus. Dousa in Angliam, abiit legatus. Mihi, si vires paullò magis firmæ, (nam atrophia quædam coniuncta cum hoc languore) decretum Vbios excurrere priuatæ meæ rei caussâ: & illinc Eburones, ad acidos fontes. Mira iis vis dicitur & propria in hunc morbum. Videbo. & pro valetudine omnia faciam, pro vitâ haud multum. Mori enim mihi non graue, graue tabere istud & languere. Tu salue, cum tuâ. Fratri tuo, si iam adest, amicissimam salutem: quem tuâ & magis morum eius caussâ seriò amo. Rubicasium nostrum valere audio, sed calere totum in rebus. Dea Lua eum adiuuet, & nexibus illis malarum litium exsoluat quibus implicatur. Valde eum saluta, & iube (ita loquor) amantem me amet. In Batauis, x i. Kal. Sextil. 80. IC. LXXXV.

EPIST.

EPIST. LXXXII. *Lutetiam.*I. LIPSIUS FR. RAPHELEN-
GIO FILIO s. dico.

GRATAS exspectatasq. nobis fuisse tuas litteras, nihil opus est scribam. scio te id scire. etiam affectum tuum amauimus, qui & in epistolâ se ostendit, & in carmine quod adiunxi. Tu verò & in amore nostri perge, & in virtute ac modestiâ multò magis: sine quibus caue censeas, non dicam famam ullam tibi esse posse, sed vitam. Literulæ enim & aliae elegantiae siue cultus ingeniiorum vacuæ ab istis, sordes sunt & deliramenta mera. Modestia est, quæ ad cognitionem nostri nos dicit: hæc ad virtutem & ad Deum, in quo omnis felicitas. De professoribus quod distinctè scripsisti, gratum. Ego audiendi tibi Genebrardi auctor sum in Hebraicis, in Græcis Heliæ aut Gullonij, (nam magnus ille Auratus lectionem, ut audio, iam desiit:) vt res suadebit aut scriptor aliquis quem legent. Philosophiam ante omnia non desereres: cuius fructus demum gustabis in progressu. At nunc obdura. Sed de litterariâ tuâ sarcinâ, quid? periitne? insignem *metropia* tuam: quam vide seriō emen-

emendes. etiāmne in eādem sorte meā litteræ? Nam memini dare me tibi ad Mem-
mīum, & Pincæum, & Faucerium. cur non
scribis, vt saltem iterum scribam? Nam si
lentium meum trahi alioqui possit in cul-
pam. Agellum (quandocunque difficilis
ille partus lucem videbit) fac habeamus: &
si quid aliud prodibit, quo scias nos capi.
Scribe de P. Fabri ad Regulas iuris, an pro-
dierit; aut potius mitte. quod facile tibi per
Sonnum. Contagionem pestiferam vale-
re istic audio: tu quantum in te est vita, &
segrega à turbâ. Abstine à multiplici omni
cursu, discursu: donec hiems & gelu telum
infregerint malæ diuæ. Valetudo mea non-
dum ex voto, melior tamen: sed ita, vt nec
corpus nec mens mihi satis firma. non certè
ad labores. Itaque studia nostra cessant,
non tua spero: quæ nisi audiè, imò calidè
prosequaris in hoc flore æui, frustra postea
quæres fructum. Hæc monita nostra tuâ
sponte seruabis, confido: nequid tamen ea
laxent alij, nonnullus mihi metus. Quos vi-
ta, per Deum immortalem: & mala illa, so-
luta, & petulca ingenia, fuge supra ipsam
pestem. Non enim hæc magis corrumpen-
do corpori est, quàm illi animo: cui per
subdolas blanditias instillant & adfigunt ve-
nena.

nena. Euripidæum illud cogita,

<sup>*Liber gloria
genitor.</sup>

^{*πόνος ἐυλείας πατήρ.}

Auus tuus & auia valent. tibi volunt semperque volent, si voles ipse. Salve & vale.
Vxor mea te resalutat. Lugd. Bat. Prid. Kal. Decemb. 10. lxxxiv.

^{*Verba aliata.} Ecce tibi ad Busbequium librum & Epistolam. si ita Porreto visum fuerit, tu illi meo nomine dabis. Sed vide ut tales viros conuenias honestè & modestè. Hoc æatem tuam, hoc institutionem decet. Inter loquendum (moneo enim nunc, quia fortasse non aliis tibi monitor) caue tua verba præcipites, ne sint cum Homero ^{*έπεις πτερόνται}. vitium tuum nosti: quod nunc aut numquam corrige, & effe sermones tuos, clarè, articulatè, distinctè. Sed heus tu. de sumptibus itineraryis tuis quid audio? valde vos quidem largi. Non conueniebat. An tempora hæc nescitis angusta, arcta? Sed ignoscimus tirocinio primi itineraryis tui, qui dignus aliâs eras acerbiori monitione. Non aliud magis decorum in iuuene, quam ut per viam gerat se demissè & submissè. Quod in posterum facturum te confido. Vale. 111. Kal. Decemb. 10. lxxxiv.

E P I S T.

EPIST. LXXXIII. *Lutetiam.*

I. LIPSIUS PAVLO MELISSO
S. D.

EPISTOLA M tuam, mi Melisse, quî non amem? indicem constantiae tuæ in amore. & magis carmen, quod de morbo meo scriptum cum ingenio & affectu. Gratiam habeo, & debeo. Sed te quis Deus quæ Dea è Germaniâ tuâ mediâ traduxit subito in Gallos? Amor nisi fallor, non ille à Cypride sed hic à Phœbo, discendi, videndi, & doctos cognoscendi. Quorum omnium fores & pectora, non dubito quin patescunt tibi. Nos etiam in morbo: contrâ quem animo magis, quam corpore pugno.

*Νότυς δὲ οὐδέ γινη τὰς θεηλατες φέρειν,
ait Sophocles. In I. Guilielmij morte valde
indolui. De vultu aut facie non eum noueram: optimè de animo. nec censeo melius
aut rectius ingenium fuisse hoc æuo. Sed
Deo ita visum, optimos quoque traducere
ad optimam illam vitam. Ad quam in tot
turbis & molestiis nos quoque adspiramus,
& te salucre iubemus, optime poëtarum.
Lugduni Batauorum, Kalend. Decembrib.
oo. IO. LXXXIV.

*Morbes ne-
cessum ferre
calius datos.

EPIST.

EPIST. LXXXIV. *Lugd. Bat.*

R. PINCÆVS I. LIPSI O S. D.

Q uod viris excellenti quadam virtute
præditis vsu venire solet, vt à multis,
qui eos de facie non norunt, diligentur: id
ipsum à me tibi accidere, si quid hoc ad co-
gitationes tuas pertineat, his literis cognos-
ces. Ego te, Lipsi doctissime, nunquam,
quod sciam, vidi; diligo tamen, & quod eo-
rum est maximè, qui maximè amant, red-
amari cupio. quorum alterum vt tibi per li-
teras significarem, quando id coram præ me
ferre non datur, meæ prolixæ erga te volun-
tatis suasit ratio: alterum vt identidem de te
mihi pollicear tua ad omnem virtutem pro-
pensio, & singularis humanitas facit. Noui
morum tuorū summa cum eruditione con-
iunctam suavitatem; noui sincerum in lite-
ris iudicium tuum, cùm ex honorificis no-
strorum & externorum hominum de te ser-
monibus, tùm ex librorum quos priscæ eru-
ditionis plenos iam edidisti iucundissima le-
ctione; eoqué fit vt maiori etiamnum eo-
rum cupiditate tenear, quos apud te magna
ex parte affectos esse audio. Qui quando-
cunque prodibunt, cupidissimè semper ab
omni-

omnibus φιλολόγοις accipientur. Neque hic, si nescis desunt φιλολογίας, qui de ingeniis iudicare & velint, & possint. In his præstantissimus Præses Brissonius, quocum magnus mihi usus est, & quem in prædicatoribus amatoribusq. tuis esse non ignoras, nomen suum profitetur, teque saluere iubet. Vale, & nos ama. Lutetiae VIII. Kal. Aug.
∞. I. LXXXIV.

EPIST. LXXXV. *Lutetiam.*R. PINCÆO *Senatori regio s. d.*

QUAE hæc tam obuia humanitas tua est, vir Clarissime? quod vltro appetendum mihi fuit, ipse defers vltro, amicitiam & coniunctionem tuam: quibus, moriar, si quidquam mihi gratius accidere potest à talibus viris. Splendor, fama, opes haud altè me tangunt: iuuant & penetrant hæc iudicia, quæ proficiisci scio à veris mystis Virtutis & Doctrinæ. Quarum candidatum me non nego: sed hoc tantùm. & vereor vt purpuram seriò vnquam induam tanti honoris. At vos ita benigni, vt non rem tantùm ametis, sed vmboram etiam & speciem, omnesque in quorum animis effulget aliqua ἡγεμονία imago. Itaque mi Pincæe (amicè & fami-

O liariter

liariter iamnunc te compello) amorem
meum vicissim serio tibi offero: spondeo-
que futurum, prius ut à me excidam, quām
ut ex animo meo illi qui tam proclives ad
me amandum. Amplissimo quidem Bris-
sonio, & Regij concilij & cōetus nostri Præ-
fidi, publicē deuinatum diu me scio; pri-
uatim nunc, hāc amicā salutatione. quam
meo nomine illi reddes, cumulatam adfe-
ctus tui aurā. Vale Vir Clarissime, & litte-
rarum hoc iter si crebrō teris, gratum mihi:
qui nunquam vincar in officij aut fidi amo-
ris cursu. Lugd. Bat. i x. Kal. Octob.

E P I S T . L X X X V I . Brugas.

S A L V T E M A M I C I S S I M A M D.
I A N O L E R N V T I O.

T v certè, mi Lernuti, in amore iuxta &
in litteris prolixus. Nam Victor noster
quām breuiculus? In hac raritate nuntio-
rum, difficultate temporum, tribūsne ver-
bis ad Lipsium? Ita fecit. pro more suo,
imò naturā: quam quia nosco, ignosca. At
effusionem tuam amo & amplector: cum
quā iure pariabo. Valetudo nostra ne nunc
quidem ex voto. Mensis Maius iuuisse ali-
quid & vegetasse visus, sed vt in floribus
quo-

quoque , vigore fluido & haud diuturno.
 Anceps enim hæc sanitas, mi Lernuti, an-
 ceps. Hodie stare me putem? cras relabor.
 vires recepisse? amitto: & quod medici me-
 cum mirentur, cæcis nec liquentibus cauissis.
 Calores saltem viscerum sentio , & nescio
 quos edaces æstus. Quid me aliosque fal-
 lam? tabes ea est, nisi erro, & certâ sed lentâ
 viâ eo ad mortem. Nec ingemisce. Deo
 ita visum: cui nos tam libenter, tam fortiter
 paremus, vt manum non verterim hoc fiat
 an illud. Ennianum istud verè proclamo:

Viuam an moriar, nulla in me est metus.

Cur aliter adficiar? Æquissima hæc naturæ
 lex est, quæ pariter ligat omnes. Carnifex
 illud Fatum te meque exspectat: & aliud
 alio tempore duci iubet magnus ille Imper-
 rator. Ecce tibi plebeium aliquem tam con-
 stantem , vt lictorem suum sequatur & ma-
 num vltrò exposcat percussoris: aliena ab
 cruditis vis ea sit? Non à me: nec præibo
 ad mollitiem hanc exemplo. Ut fera auis,
 apertâ caueâ, non eiicitur sed euolat: sic ego
 libens in apertum illum purumq. campum.
 At enim iuuenis. Fateor. sed vitæ huius
 tam satur, quam Priamus aliquis aut Ne-
 stor. Quousque enim eadem? edere, bibe-
 re, legere, scribere. & adde miserias, quas

O 2 largi-

largiter suppeditat hoc æuum. Sed mitto
hæc sophæ: ad mattya venio tuarum littera-
rum. Electa nostra secunda probari tibi ais
vnicè. Gaudeo, eoque magis, quòd serio
verebar ne parum ad Genium priorum scri-
ptorum meorum is fætus. In morbo quippe
conceptus & editus, quid mirum si referat
aliquid triste & morbidum, & tabeat ipse à
spiritu hoc tabente? Quod si aliter; præter
spem meam est, non præter yotum. Epi-
grammata tua in impurum illum valde pu-
ra. Cur plura eius generis non mittis, refi-
ciendi saltem mei? Pascor enim libens hæc
ambrosiâ: quam per altum istud otium vber-
tim necessum tibi est gigni. Sed illa aspis
etiamne Audomari? Æternum velim, ne-
cubi propinquior halitu suo vos afflet. * *
autem eius tam ambitiosè promissus vbi est?
Stephanicum enim vidimus, & in eo scom-
mata ac tela non obscure in istum. O im-
probum pariter & infelicem? Vbique va-
pulat, & corpus eius tot cicatricibus infamiæ
iam occalluit, vt plagæ nouæ non sit locus.
Et tu tamen hoc cadauer petis. me inuito:
qui mucronem hunc acutissimi ingenij ser-
uari & dirigi velim in digniorem hostem.
Hic quidem calcandus est, non feriendus.
& demittat atque abiiciat se necessum est,
quis-

quisquis eum tangat. De Modio, gratissima. vos monete, firmate, & comitate vestrâ retinete, quæso, in hac meliore vitâ & viâ. Fax aliqua Belgis aliquando ab ingenio illo. Rubicasium nostrum amo & in pectori gero. Litigâtne etiam & tricatur? an Grudios nostros potius abiit, sedem illam Musarum olim & Gratiarum? Quæ breui assurget nisi fallor, & vioret ac colorem iterum ducet ab hoc Zephyro pacis. Ibi enim certè iam lucescit: si verum quidem est de Machliniâ, quam deditam nos audiebamus. Critica nostra en tibi. quibus versiculos de meliore venâ, deo duce audacter inseruimus, numero ccc. utinam comite Fortunâ! Spero. Vxori etiam Cilicis illius aliquid concredemus: nec de fide ambigimus, tantum de successu. Di viales adeste, di præstites, di tutelares. En epistolam, an querelam? meri enim in eâ morbi & mortes, quæ non ingrata tamen tibi, siquid in Lipsio gratum habuisti præter corticem hunc externum. Ille enim abiicitur. at Lipsius vester nullus moritur: cumque præire scitote, non perire. Longum mihi salutete, tu, vxor, liberi. Lugd. in Bat. Kalend. Sextilib.

EPIST. LXXXVII. *Lutetiam.*

ERRICO MEMMIO S. D.

ANIMVM s̄pē corpori imperare , vir
Amplissime , non vanè dictum. Ego
testis. Ecce enim cum Iani Guilielmij epi-
stola ad me venisset amoris & iudicij tui de
me index; et si languebam ex acri & diffici-
morbo (nam hepar mihi laborat ex inflam-
matione & infarctu) tamen animum secuta
hæc manus est, & peradfectum potui quod
vix per vires. Scribo igitur ; & gratias serio
tibi ago pro amico isto in me animo , in eo-
que vt perseveres, si necessum est, rogo. Et
si cur necessum? quem vltro amandum di-
legisti, non spernes, vt opinor, cupientem
iam, imò ambientem. Vtar enim isto ver-
bo. & ambio reuera amicitiam talium viro-
rum & gratiam , quos velut sidera quædam
huius æui habeo , & à quibus lucem con-
ciliare me posse scio pallenti meæ famæ.
Quam vulgarem , & à vulgo, nihil moror:
bonam, & à bonis, nunquam contemnam.
Vale Ampliss. Domine, & à valente me lit-
teras pliores exspecta, & , vt sic dicam ma-
gis robustas. Lugd. Bat. iv. Kalend. Octob.
oo. I o. L X X X I V.

EPIST.

EPIST. LXXXVIII. In Holstiana.

HENRICO RANZO VIO, *Viro illustri,
Vicario Regis Daniae, Sal. mitto.*

LEVE M significationem animi & iudicij tui, Vir illustris, pro beneficio habuerim: quid censes hoc testimonium & litteras, tam amicè ad me, tam honestè de me scriptas?

Omnes mortales sese laudari expetunt,
 ait poëta vetus: non valde tamen ego, nisi à laudatis. Inter eos autem, quis ante Ranziuum mihi sit? Genus tuum intueor? nobilissimus es. Famam? clarissimus. Virtutem & doctrinam? vtrâque maximus, nec facile quem his iunctim rebus prætulerim tibi, reperiam in Europâ. Itaque beasti me hoc tuo iudicio, beasti. & iam demum Constantia nostra mihi placet, cum illa vobis. Incitor ad scribenda talia: quæ apud rectas istas mentes recta. Tribuni illi, quos indicas, me abstercent? nihil. iactent se apud suam plebem: mihi adfusatim satisfacitur, si eques hic plaudat & Senatus. Ut eadem purpura homines delectat & ad gaudium prouocat, tauros offendit & irritat ad pugnam: sic eadem veritas aut virtus intellegentes

O 4 gentes

gentes capit, laedit improbos & imperitos.
 Itaque scribere hæc talia (quidquid incur-
 rant) nihil tardor. & vt Luna, quod luminis
 à sole accepit, infero huic mundo refundit:
 sic libens ego dona, quæ à magno illo deo.
Quite, Vir illustris, reip. & bonis seruet: &
 mihi hunc animum, quem tam amanter
 defers. Vale. Lugduni Bat. Idib. Februar.
 80. ID. LXXXV.

EPIST. LXXXIX. Delfos.

PAVLO BVSIO V. Ampliſſ. s. d.

CVRATOR EM te (ita iamnunc intel-
 lego) huic Scholæ datum, Vir amplissi-
 me, iure tibi, & magis nobis gratulamur.
 Tibi honorem aliquem: nobis grande be-
 neficium, quod ab hâc elec̄tione meritò spe-
 ramus. Speramus? imò iam tenemus. ea
 voluntas tua est in iuuandis optimis studiis,
 ea facultas. Illa clara; qui omnia pro nobis
 egeris, laboraueris, re priusquam titulo Cu-
 rator. ista etiam non obscura; qui magnus
 apud magnos. Sedes in hac publicâ, vt sic
 dicam, naui, non inter remiges aut nauales
 socios, sed inter eos qui ad gubernacula &
 ad clauum. Vis igitur, & potes: & idèd ad-
 firmatio mihi non iniusta de affectu opti-
 mo &

mo & effectu. Sed sub initia tuæ Curæ, in-
geram tibi maximè curas duas; de Collegio
& Philosophiâ. Diu nimis dilata vtraque
res, cum nostro, imò cum patriæ damno.
Collegium inquam antè omnia instituen-
dum est, in quo ali iuuentus aliqua possit:
certo numero, disciplinâ, lege. Domus iis
vna sit, vna mensa, vnum caput. lectiones
variæ, pro captu cuiusque, & pro iudicio
Præfecti. cui hîc & alibi distinetè parebunt.
Numerum esse quam maximum velim: cer-
tè non infrà tricenos aut quadragenos. Sum-
ptus in eam rem aliqui? fateor, sed exigui
pro fructu. Hoc seminarium lectissimorum
hominum erit: hæc seges eorum, qui ad
Ecclesiam, ad remp. admouendi. Nec alias
legi quâm ex ipsâ patriâ velim, qui in eâ, pro
eâ, & ab eâ alentur. Cur enim lac mater-
num hoc germanæ soboli præceptum, in-
dulgeatur & immulgeatur externis? ne fa-
cite: & sumptus à vobis, ad vos iterum re-
ducent. Cetera quæ ad legem & discipli-
nam, tunc distinetè superaedificabo & ad-
dam, cum positum hoc fundamentum.
Quod si Ordinibus de Collegio ægrè aut
tardè persuademus, (tempora video & im-
pensas:) age, inite saltem hanc viam alteram
quæ impendij minus habeat, compêdij non

O 5 minus:

*De collegio
instituendo.*

*Demensa
communij.* minus : me iudice , magis. Pro Collegio, substituite Mensam communem. Ita sua- deo ad Germanorum aliquot Principum exemplum. qui in Academiis (ytamur voce tritâ) subsidium hoc subtiliter & vtiliter inuenere paupertinæ iuuentuti. Domum aliquam à se præbent , instruunt : nec eam nimis laxam. In hac Oeconomum cum fa- miliâ collocant: cui cura nulla præter eorum quæ ad viçtum. Conueniunt cum eo certis legibus : & ferè istis. Domum hanc tibi & familiae habeto. frumenti annui tantum nu- merum, ad panem: tantum, ad Zythum si- uic ad potum. Iuvenes cottidiè ad mensam recipies quadragenos, quinquagenos. pro obsonio viritim quid pendent ? Et ferè in septimanas conuenit de pretio aliquo minu- to : idque vnum onus (excipio quod cubi- culum sibi quisque parat) incumbit iuuen- tuni. Singuli inquam pro obsonio obligan- tur, cetera liberi & immunes. Sed id quo- que leges suas accipit , quantum & quale ab Oeconomō detur. Iam Rectoris & Profes- forum illa cura est, qui ad hanc Mensam ad- mittantur, qui admissi reiiciantur : & quater anno recensus habetur & examen eorum, qui beneficio Principali digni siue indigni. Submouentur, retinentur, subrogantur , ut colle-

collegio illi visum. Contiuolum iisdem
tunc, pro labore. Mihi crede; non alia res
sumptum minus grandem habet, fructum
magis certum. Nam in ordinariis illis col-
legiis, scimus quām multa ambitu peccen-
tur, admittendo, reiiciendo: scimus quām
verba ferē sint, præclaræ illæ de disciplinâ le-
ges. Itaque minus compositi plerumque
egrediuntur, è compositissimâ tali domo.
Nescio enim quomodo, assidua conuictio
illa & contubernium, non ex vsu iuentu-
tis: qui, vt cumque arceas aut separe, ser-
mones communicant, consilia, vitia, for-
des. Et hinc lasciuunt, degenerant. Non
id peccati in mē Dōmo, in qua præter
mensam nil commune. nec aliud ea est,
quām velut publicum Diuersorium: sed par-
cum, sed honestum. Cogitabis: & cum
voles, colloquemur. Iam de Philosophiâ,
quām turpe? Ceteras hîc minores & velut
ancillas artes coli & colere: neglegi illam do-
minam & reginam? locum ei non esse in
proprio suo loco? Quò enim aliter hæc
omnis Academiarum institutio, quām ad
Prudentiam Sapientiamq. in primis spectat?
Atqui ad eas Philosophia ducit: quam tu,
Vit sapientissime, induce. Barbaries te ter-
ret, & spinosa illa viarum? Pelle illam, has

purga:

*contra ordinaria
via collegiorum*

De philosophia

-ora be-

purga : quas patres nostri malis tribulis, malis scrupis, impleuere , per prauum acumen. Ipsam illam legitimam Diuam reuocari à te volo : non hanc squallidam & personatam, sed in vero suo vultu & cultu. Scholarum hunc ante annos trecentos aut quadringentos vsum siue abusum cur teneas? Sperne. & reduc omnia ad veterem veramq. formam: cui, præter fructum, par dignitas & venustas. Quis enim amœnior adolescens ad illa tam inamœna veniat? fugiunt imò cum aduenere: & imbibere non iniuriâ spernunt absynthium illud doctrinarum. Nos Aristotelem reducimus : sed ipsum. & , si me audis, non solum. Ipsum dico. quia obscuri illi & aculeati Commentarij cui rei? Detorquent rectissima ingenia, & in acuminum flexuosos labyrinthios abducunt à vero Philosophiae fine. Ipsum legisse & intellectuisse fatis sit : & maximè in iis libris, quos hi minimè legunt. Logica illa ætatem eos occupant : concepta ab Aristotele fortasse, numquam ita scripta. Politica quis tangit? quis De animalibus? aliaque diuina , ob quæ mirati illum nos & prisci. Nam Ethica ipsa , leuiter libant & velut in transcursu. Scilicet hoc iamdiu moribus his obtinuit, vt nulla pars minus ad Philosophiam facere censeatur quæ ad mo-

ad mores. Atqui ea præcipua erat, vel verius sola. Iam nec solum, addidi: & bono iure. Cur enim vni Aristoteli locus in hoc pro-
cinctu? Ille signifer? esto. commilitent ta-
men alij, & in vnâ legione non vnu sal-
tem Centurio aut Tribunus. Plato aliquod
agmen mihi ducat, aliquod Epictetus, Plu-
tarchus, Seneca: & in opinionum nonnullâ
varietate, omnes tamen pro Sapientiâ & sub
eâ pugnent. In Ciuili eius parte (Politicam
& Ethicam iunctim sic appello) an ille à Ly-
cæo indignetur Platонem sibi apponi? imò
fortasse nec præponi. ita diuinitus libri illi
De rep. & Legibus magnâ ex parte conce-
pti sunt & conscripti. An Senecam sâpe &
Plutarchum? gaudeat potius in acri & ar-
duâ militiâ hos sibi iungi velut optiones.
Idemque de Physicis censeam: ad quæ &
Senecæ Quæstiones Naturales, & Lucretij
etiam liber sextus, aliquod, me arbitro, ad-
ferant momentum. Nec enim vel poëtas
expunxerim ex hoc maniplo: & cum fructu
hæc talia publicitùs legi censeam in Scholis.
Sed plura item & distinctè huius rei, coràm.
Illud mihi non monendus es sed rogandus,
ne te aliorum trahant iudicia quorumdam.
Nouam viam noui homines ineunt: & ex-
plosâ illâ sectâ veteri, sapientiæ frugem quæ-
runt

*De Ramo et
philippo.*

runt in Agellis Rami aut Philippi. Quid dicam? neutrum culpo. vterque doctus, sedulus, industrius: sed valdè erro, si errorem hunc errare nos voluerunt ipsi. Compendia perueniendi conscripserunt: an vctuerunt adire loca ipsa? Atqui isti ita eos complectuntur; vt non viam illos, sed metam censeant: nec per eos ad veteres transitum faciant, sed in his subsistant. De Philippo, vt vir fuit, aliam ei mentem fuisse planè scio: de Ramo, spero. Quod si alteruter hoc adfetauit: si ipse solium illud Sapientiae insidere, priscis eiecit: næ ille apud sapientes omnes valdè insipiens. & quem isti ipsi tyrunculi Principatu mox deiiciunt, qui per seditionem elegere, extulere. Puerorum enim ista (dicam liberè) illudia, & Saturnalitia dicrum aliquot regna. Nec tamen eos sperno aut refuto prorsus (scio & fateor multa in his breuitate & ordine bona:) manère tamen intrà fortunam suam iubeo, contentos parietibus & auditionibus priuatis. Puluerem scholasticum & aérem adfectant? non ferent: obruentur sicutilis & pugionibus istorum, qui à Veteribus illis castris. At iuuenter, tus nostra à me hoc audiat: Numquam ille magnus erit, cui Ramus est magnus. Pergebam in hac scriptione: (vides quām benigna mate-

materia:) reuocant me non meæ occupatio-
nes, sed tuæ. Eas aspicio: & in ambulatiun-
culam nostram vnam aut cœnulam potius
hæc cōferam, quām vt manum tibi & men-
tem impleam epistolâ tam longâ. Quod in-
itio dixi, repeto: gratulari me, & optare vt
curæ has curas habere possis, non rogare.
Cur enim rogem? scio te iuxta ac me velle:
nec penes te vñquam culpam futuram non
impertri, non effecti. Deus illis in quorum
manu res est, tuam mentem det, tibi seruet.
Vale Amplissime & amicissime vir. Lugd.
Batauor. i v. Idus Iulias 80. I.O. LXXXIII.

EPIST. XC. Ultraiectum.

FLORENTIO THINNIO *Syndico*
reipub. eius. s. mitto.

SILVI aliquamdiu Vir amicissime: sed
(dicam veram causam) fiduciâ solâ amo-
ris. Obliuio tui fuerit? absit. hæres mihi tu
& humanitas tua in medullis. Neglegentia
mea? nec illa. quia alibi socors, numquam
in hac parte quæ ad amicos. Amor, in-
quam, fuit, firmus inter nos amor: & ab eo
fiducia, quia tam certus eram non irasci te
posse Lipsio, quām non amare. Et tamen
siquid hîc quoque culpæ, morbus excusat:

sub

sub cuius vmbone saepe nunc in histalibus
latito & me defendo. Nam etiam nunc apud
me ille hospes ; lentus , deses , certus non
abire. Vitrioli acetum à te nuper accepi , si-
quid acria eum fortasse fugarent : & vtor.
Nam nec Heurnius noster improbat , medi-
cus mihi in omni hoc morbo fidus , peritus ,
& (quæ laus ei propria) cautus. Refrigerat
fanè aperitque insigniter : sed nocet exsic-
cando. Itaque nondum plenè iuuat. A Pol-
lione nostro ante biduum ad me litteræ.
Omnia, quæ volumus. Aurelianii sanus agit:
Furnerio innotuit: pecuniam accepit. Con-
sulit super abitu , aut mansione. Illum ego
suadeam , vt rem video & natas in regione
cā desubitò turbas. Et Basilacam (antea mi-
hi scriptum) cur non emigret? placet locus,
incolæ, mores. Atque adeò si nulla vis alia
aut metū expellat , suadeam Germaniæ ta-
men adspectum. Vtile enim & è re peregrin-
antium , qui Galliam infederint , in illam
transilire : vt siquid ex gente istâ adhæserit
exsultans , diluant siue temperent Germanâ
grauitate. Quærit & de Titulo , Vbi? Ego,
dum rem adferat , Aurelianii an Biturigis,
non discernam. Et illam adferet ; aut valde
me fallent semina quæ hīc iecerat firmioris
doctrinæ. De rep. non illa mea cura. Ta-
men ex-

men excusso Palinuro nostro valdē fluctuat
tur hæc nauis, nec Æneam aliquem prom-
ptum video qui succedat ad clauum. Varij
inter Ordines sensus: benè, si non dissensus.
Deus videbit: ad quem confugio. quia, vt
scitè Plinius, *tunc votorum precipuus locus*
est, cum spei nullus est. Quæ ipsa vota mihi
interposita pro tuâ meâque (si ita expedit)
salute. Vale. Lugduni Batauorum a. d.
xii. Kal. Iulias. 80. 15. LXXXV.

EPIST. XC I. *Lugd. Bat.*

ANDRÆAS DUDITHIUS

I. LIPSIO S. D.

S. PRÆSTANTISSIME, atque erudi-
tiss. amice. Tua mihi suada opus sit, si
explicare coner, quanti te fecerim iam inde
à primis illis annis, quibus clarissima inge-
nij, ac doctrinæ tuæ monumenta ad manus
meas quoque peruererunt. Etsi autem ma-
gnis tum reip. negotiis distinebar; sœpe ta-
men me tuæ illecebræ detinebant. Postea,
abdicato magistratu semel, atq. iterum, cùm
ad litterarum studia, atque otium priuatum
me retulisse, nihil libentius, neque audiens
legi, quæm aureos tuos, &c, vix cuiquam imi-

P tabiles

tabiles libellos. Vel ille postremus de Constantia, Deum immortalem, quām grauis, quām doctus, quām pius: in quo dubites quid præcipue dilaudes, cūm sint omnia prædicatione, ac singulari commendatione dignissima. In Thrasea, (si tamen hic libro alteri tuo, de conteintu mortis, titulus est, Constantiam abstulit amicus, in cuius ora hoc notaui) quantus & Philosophus & Christianus quidem Philosophus, sis futurus, non difficilis, ex hoc ipso de Constantia, coniectura est. quem ego librum discupio videre; & valde confido fore, vt eum quoque propediem emittas. Perculit animum lepidissima illa Valetudinis tua deploratio, ad extremum librum addita. Vota facio pro salute, & diurna vita tua, mi Lipsi. Quare te rogo, vt mihi ocyus perscribere ne graueris, quid morbi sit; an iam, quod in primis cupio, periculo defunctus sis; quam in istis turbis vitam viuas; qua conditione; an etiam vxorem & liberos habeas; an ita sedem, domiciliumque isthic fixeris, vt nunquam aliò commigrare animus sit; ne ad amicum quidem ullum, apud quem in summa tranquillitate, & ocio, rerumque maximarum commoditate, tibi, studiisque, ac meditationibus tuis vacare liceat. Talem ego tibi am-

cum,

cum, tui amantissimum si opus sit, statim,
ut responderis, ostendam. Suauissime cum
eo vitam aliquot annis vixit, Nicasius Elle-
bodius Casletanus; popularis olim tuus, si
forte eum nosti. Hæc ut tibi breuiter signi-
ficarem, eximius in te meus amor impulit.
fecissem id multo antè, nisi impedimenta
quædam obstitissent. si vobiscum adhuc est
* * Mathematicus; is; de quo te superio-
re anno tribus verbis ad Ortelium Gallicè
scripsisse memini; rogo te, auctor ei sis, ut ad
me veniat: si tamen bene eruditus est, tuo
quoque iudicio, in illis, aliisque discipli-
nis; & honesto salario contentus esse potest.
Doctorum Virorum consuetudine perbea-
tum hoc ocium meum iucundius efficere
conor, si possim. Domino Douzæ, magno
non patriæ tantùm suæ, sed sæculi nostri or-
namento, officiosam Sal. adscribo, summo
item, atque eloquentissimo I. c. Donello,
eosque feliciter omnes valere opto. Breslæ
xvii. Martij. 15. lxxxiv.

EPIST. XCII. *Breslau.*

ANDREÆ DVDITHIO. V. N.

Cæſ. Consiliario S. D.

In ruborem me das hâc humanitate tuâ,
 Vir Illustris. Scribis vltrò, compellas vltò:
 & promis atque offers ea, quæ impro-
 bæ pænè mentis sit à tali viro sperasse. Ego
 enim te noui, Dudithi. Et quamquam in-
 ter nos multæ terræ, multi montes: tamen
 etiam huc penetrauit se dudum fama nomi-
 nis tui & virtutis. Boni omnes ita me pro-
 bent amentque, vt iam pridem ego te, et si
 tacito dumtaxat quodam sensu. Quæ enim
 mihi occasio aperiendi? ad quam præiuisse
 nunc te & velut strauisse hoc iter beniuolen-
 tiæ & amoris, sanè gaudeo. In quo sedulò
 & cum fide decurrendo, numquam erit vt
 vincar. Libellos nostros & Constantiam
 laudas. mentiar, nisi id mihi gratum: non
 quia laudes me capiant nimis aut titillent,
 sed quia testimonia talium virorum. Itaque
 addis ad reliqua calcar. quo egere nos inter-
 dum fateor, ob iudicia siue calumnias quo-
 rundam. Nam valetudo mea nunc (pro-
 pitio deo dixerim) nihil impedit: & que-
 rela illa, quam Constantiæ subtexui, scripta
in mor-

in morbo meo ante aliquot annos. De Amphitheatro librum edidimus: quem mitto ad te non ut munus, sed nouæ amicitiae velut arram. Supersunt Saturnalium aliquot libri: qui digesti, imò perfecti, nisi quòd aliquam exspectant iudicij limam. Quam haut facile adhibeo, partim negotiis distractus, partim his bellis: contrà quæ et si stamus erecti, tamen auocant sæpe hunc animum à talibus cogitationibus, & in se intendunt. Remedium tu amicè offers (scio enim quod domicilium & apud quem designes:) & ex oscular adfectum. Sed multa mihi nunc impeditamento. Familia, vxor (nulli tamen liberi) parui è sorore nepotes, quibus tutor ego, illâ nuper mortuâ, imò velut pater. Sed nec corpus mihi nimis firmum ad longum iter: et si integra adhuc & viridis ætas. Itaque non decretum mihi commouere ex hac patriâ, nisi fluctu aliquo maiore expellar. quod non semel nobis timendum videtur in hac tam diuturnâ tempestate. Alioqui beniuolè me habent Bataui, & stipendio sanè honesto. Nicasium Ellebodium ab adspectu numquam noui, optime à nomine: iam tunc cum Romæ apud Cardin. Granuellanum agerem, paucis mensibus post eius discessum. Nam ipse tunc Patauij: & scio me

P 3 aliquan-

aliquando ad eum scripsisse Cardinalis nomine & iussu. Scire velim viuátne, & ecquid agat. Idem de Michaële Bruto: quem ex Epistolis editis video tibi amicum, itemque ex Præfatione cā quæ in iudicio tuo de Cometis. quem libellum iam olim auide legi & cum fructu. De * * Mathematico scripseram olim ad Ortelium, sed ne scio reuera sit' ne futurus ad saliuam tuam & ad gustum. Mathematicus enim merus est, sine aliâ arte imò pænè linguâ. deniq. ex eo genere, qui μηχανοτοιοι potius quam θεωρητοιοι. Adde quod ægrè nunc auellatur ab his locis, in quibus arti eius honos & vsus. Si quid de altero eruam, non grauabor indicare. Donellus Iurisc. amicè te resalutat. quem Norici abstrahere conati à nobis ad Altfordianam Academiam, frustrà. Manet enim mansurusque est, quamdiu hæc schola. Valdè & tibi se insinuat noster Dousa: itemque Plantinus, qui apud nos nunc agit, & casu cùm has scriberem interuénit. Vale Amplissime & Nobilissime Dom. Lugd. Bat.
 ∞. I o. L X X X I V. Saluto ex animo D. Monauium, si est istic.

E P I S T .

P

I. LIPSIUS IANO GRVTERO

S. D.

IMPEDITVM in Galliam iter tuum mo-
lestè fero. & hoc tamen malo , quàm vt
cum peruerteris , periculum tibi aut fuga.
Quamquam rumeores illi magis grandes for-
tasse , quàm graues. Sanè qui modestiores
illinc veniunt , omnia magis placida nuntiant,
nec de bello etiamnunc aperto. Su-
spectam tamen pacem esse fateor: sed quan-
do non in illâ gente? vtique hoc statu: quo
de religione illud discidium malè sartum
malè coit. Consilium tamen à me si quæ-
ris : ego censeam per Galliam transire te
posse ad Germaniæ fines. Basilæam vel Ar-
gentoratum dico: atque illic velut è speculâ
prospicere quis in Galliâ ventus. Si Zephyri
pacati: redire. si Austri aut Noti: hærere
apud crassiorem, sed & quietiorem gentem.
Omnino consilium non est , dare te frustrâ
& cupidè in turbas. quarum si tibi amor:
mane apud infelices ciues. De Electis meis.
si is , fer ad Brissonium vnâ: si manes aut
aliud iter capis, remitte. Nam vt per nun-
tium, non sunt tanti. atque ego tantùm mu-
nus illud velut conciliando tibi viro magno

dederam, & aditu muniendo. Vale, & salue
à me nondum saluo. Lugd. Bat. x i v. Kal.
Maias. 80. I o. lxxxv.

E P I S T . X C I V . *Antuerpiam.*

A D O L P H O M E T K E R C H O

Præsidi Flandriae s. d.

Q uod rarius te appello, Vir amplissime, ab occupationibus tuis est, non à meis. Illis hoc largior: quas cum in reipublicâ & patriæ nostræ salute defigas, non inscius solùm sed impius sim, si temerè interpellem. Et verò quid magnoperè ad te scribam, præter colere me & amare? neutrum ambiguum, qui deberi hoc tibi à bonis omnibus scis & iam redi. Effecit enim dudum (rarum in πολιτεύταις) integritas tua & mira probitas: vt inuidiam odiumque non minus in aliis viceris, quam avaritiam in te & ambitionem. Ad patriæ salutem consilia tua omnia diriguntur; ad tuam, ciuium vota. Sed hæc apud alios malo. Studia nostra per has turbas non vigent, sed nec planè cessant. Aliquid De Pronunciatione linguae Latinæ meditabamur, vt tu de Græcæ: sed exemplo magis eodem, quam curâ fortasse aut successu. Tenuis enim hæc materia: & quam vix impleam, nisi à suspicionibus &

con-

coniecturis. Nam auctoratum nos h̄ic ferē inopes. Plantinus etiam ad Grammaticam concinnandam impellebat, quæ communis Belgio vniuerso. sperabat id enim Ordines decreturos. Vix ego. nec si faciant tamen , valdē ingenio aut Genio meo scriptio talis. Quamquam fateor vtilissimi instituti rem fore : nec magis peccari in iuuentute instituendā, quām hac Grammaticarum varietate. Inter magistellos factiōnum res est , & quisque hanc aut illam præfert, quia posthabuit eam alter. Iam illi ipsi qui condunt? quid? hoc vno reges. Mihi puerō triplex olim Grammatica prælecta, in triplici migratione. Ad annum decimum tertium nugæ illæ tenuerunt ; & adfirmo tibi ab anno octauo eadem me tenuisse, etsi non eodem modo. Quinque illi anni si in stilo & grauiorum rerum scientiâ positi fuissent, quis mihi fructus? Et hæc peccantur cottidie, non tam imperitiâ, quām ambitu docentium & prauitate. Cui vos quoque, velut publico malo, mederi par sit: si tamen à grauioribus illis respiratis paulūm & ad mortem morbis. Quos deus aliquando à misérâ hac Belgicâ auertat, & te Vir Amplissime nobis illiue seruet. Vale. Lugd. Bat. III. Idus Nouemb. 80. ID. LXXXII.

*De Grammati-
cauim Van-
etate.*

EPIST. XC V. *Lutetiam.*

M. VALERIO COLLINO S.

multam precor.

NON largiter solùm , mi Colline , sed,
quæ maior laus, firmiter amas. Louanij cœpisti: comitatus te in Galliam adfēctus etiamnunc non deserit , etsi in temporum & locorum grandi interuallo. Adde inter nos silentium. quod frigus inducere potuerit vel incitatissimo amori. At tuus nec intepuit quidem: & scintillas acres sparsas video & colligo in epistolæ tuæ omni parte. Redamo , redamo : & iure , pectus tam fidum, tam amicum. Locum sic satis honestum tibi illîc esse gratulor. nec , si me audis, muta. Ad patriam enim quî aut cur aspires? Zephyri interdum aliqui melioris spei, fateor: sed turbant subitò ex transuerso Noti. Cur autem iuuvenilem hanc , vt sic dicam, nauim in feruidum illud fretum immittas; cum statio tibi aliqua saltem , si non portus? Obdura. credo aliquando, post tam diuturnas tenebras, miseris Belgis sol aliquis illucebit firmioris pacis. Nos quoque non mutamus : etsi exteri ianuam aperiant & inuitent. De pugnis , quas in improbos quos.

quosdam pro me pugnas, (ita scribis:) gratum, nec gratum. Ab affectu, gratum: re displicet & effectu. Quid enim litigio isto vincis? Non illos meliores facis: non me honestiorem, quem nihil maculant linguarum illæ sordes. Ita serio sentio. laudari me, cum culpant tam illaudati. Non virus illud homuncionis ego noui? inter cuius minimas culpas est liuor. Alia peccata sunt, quæ ipsum eosque perdidérunt & perdunt, qui adhærescunt. imò qui tangunt. Tu fugi igitur, non pugna. Cessisse hic præstat, quam incessisse: quia nec vincis quidem ac repellis sine maculâ, tam maculosos. De Hospitalij Epistolis editis, valdè gratum. haueo inspicere: magis quam illos ad Ciceronem Commentarios, famæ grandioris quam rei. Quid refert? emptores suos imò & amatores reperient vana illa doctrinarum. Nos solida nihilominus amabimus, contrâ iudicium hoc vulgi; & te vnâ, mi Colline, quamdiu tu me & virtutem. Vale. Lugd. Batauorum. Pridie Kalend. Septembreis.

oo. IO. LXXXV.

EPIST.

EPIST. XCVI. Lugd. Bat.

LÆVINVS TORRENTIVS

IVSTO LIPSIOS.

LIBROS tuos De Constantia nuper à Plantino ad me missos, postquam aliquid nactus otij, in manus sumpsi, sine intermissione atque uno quasi spiritu auidissimè perlegi. est enim in illis ut verborum copia atque elegantia singularis, sic sententiarum grauitas admiranda. Nec credebam sanè mi Lipsi tantos te in philosophia fecisse processus. Iuuabat etiam Caroli Langij, quem loquentem in eis facis, renouata memoria. quæ cum mihi cara ac pñè sancta sit, ob eximiam virti illius eruditionem, ac veterem vitæ nostræ consuetudinem, tanto equidem vehementius te amo, qui amico meo summo tuas ipsius in disceptando laudes adscriperis. Perge igitur istiusmodi lucubrationibus nomen tuum magis magisque indies illustrare, aliarumque nationum eloquentiæ luminibus obstruere. Ac si meamas, quoniam tibi cui nec res desint, & verba etiam supersint, nihil difficile esse video, né quæso intra humanæ sapientiæ, nimium me hercule vanæ atque incertæ limites con-

tes consiste, sed ultra progredere, & quæ di-
uinitus nobis de cælo tradita sunt qua pars est
diligentia ac sollicitudine perquire. Quid
enim Stoicorum aut quorumcumque alio-
rum placita, ad Christi doctrinam compara-
ta aliud sunt quam ostentatio mera, ac fallax
studium auræ popularis? Platonem fortassis
ac Socratem, quiq[ue] ætate præcesserunt,
quorum vnanimi consensu asserta & credita
animatorum immortalitas est, possim excipe-
re: verum quid Seneca, quid Epictetus, qui-
bus te inhætere video, nobis ad Salutem
conferunt? quippe qui neque post mortem
nostræ aliquid superesse credunt, & ubi col-
libuerit, ex hac vita egredi, ac sui ipsius ho-
miceram fieri liberè permittunt. quo rece-
pto errore, virtutum vitiorumque discrimen
imò & nomina ipsa tolli necesse est, ac con-
fundi omnem de moribus quæstionem, quæ
cum ad animum quo sapimus atque intelli-
gimus, atque adeò homines sumus, spectet,
cur hic quæsto vitæ nostræ veluti dux qui-
dam atque arbiter constitutus, per arduam
illam atque difficilem virtutis viam incedet,
eamque alteri præferet, quæ per tot illece-
bras ducit ad voluptatem; quò pænè rapitur
ipsa natura, si nullum aliud sibi propositum
esse laboris præmium videat, quam, quod
inquit

*Comparatio
philosophiarum
cum Theologia.*

inquit ille , vt pueris placeat & declamatio fiat? Nam ad opinionem ac famam ac qualitercumque nominis diuturnitatem quod attinet, est illud quidem aliquid, sed cur vel tantillum eo moueatur qui vnà cum corpore in æternum sit periturus? Aut igitur qui simplicior est, vt maior pars mortalium, genio obsequens suo totum se voluptati dabit, atque in diem viuet ; aut qui cautior atque feuerior fuerit , aliud aget quām singat. bis peccans, quia peccando etiam fallit, occulte iniustus, palam aliis, vt vel famæ cōsulat vel legum pœnas evitet. quæstus enim uberrimus simulata iustitia est, vt aduersus Socratem laudator ille iniustitiæ Glauco in Platoniis Dialogis probare conatus est. Neque negauerit, credo , verbis quod re ipsa ostendit Seneca, quem constat quater millies h-s sub illo pallio suo possedisse , nescio tamen an Epicteto olim seruo ditior, si diuitiae in solo v̄su fructu consistant. liberalis certe esse non potuit qui tantam auri vim discipulo à quo occisus fuit reliquerit ; rectius Demetrio suo atque aliis eius Symmystis donatus. Taceo toties reprehensas ab eo discincti Mæcenatis plumas atque delicias, qui virramen , vt nihil aliud vñquam præstiterit, auctor ipsi Augusto Cæsari pietatis atque clementiæ,

mentiæ, multo plus quām philosophus no-
ster reipub. profuit; ausus etiam carnificem
eum appellare cūm rerum criminalium co-
gnitioni , damnandisque reis intentiorem
esse cerneret. at Stoicus iste Neronis sui sæ-
uitiam, quæ præceptorem latèrē vel in puerō
non potuit, nimium adulando auxit , ne di-
cam etiam excitauit. Quare Epicurum in
Hortulis suis id quod sentit apertè profiten-
tem audire malim, quām rigidos istos atque
feueros de virtute tam præclarè disceptātes,
cum virtutis vsum nullum teneant, & post-
quam nescio quibus verborum coloribus ac
pigmentis hominem docuerint suis tantūm
viribus niti, nec quicquam extra se quærere,
quauis eum pecude miseriorem efficiunt.
quippe qui tot perfunctus pro virtute labori-
bus , siue hoc prosperè siue aliter ei cesserit,
tandem æquali cum ceteris animantibus
forte infelicissimus moriatur. Scio equidem
te hunc detestabilem errorem vnà mecum
execrari , neque in libris, de quibus agimus,
aliud proposuisse quām vt de Constantia his
temporibus plurimum desiderata humano
more sub alterius nihil vltra inquirentis per-
sona , disputares , sed quanto præstantius
utiliusque mi Lipsi ea ipsa de re scribere po-
tuisses, si ad Christi primum præcepta, de-
inde

inde ad eorum qui Christum secuti sunt exempla te conuertisses, atque hæc omnia oratione qua polles illustrasses, veterum etiam quorundam, qui licet Christiani non fuerint, rationem tamen secuti sunt, dictis factisque eadem confirmasses? Nam meo sane iudicio in antiquos illos philosophos ut neque sapientiæ neque virtutis, sic nec veræ Constantiæ nomen cedit: quamquam enim alij aliis longius, simul tamen aberrarunt omnes: at errori honestum nomen imponere non possumus, vt neque virtutem dicere vnde nulla homini salus aut beatitudo existat. Causa autem erroris, quod verum vitæ finem non solum non tenuerint, sed penitus ignorarint. quem nos in Dei ipsius agnitione atque in fruenda æternitate ponimus. hæc enim linea, hæc meta est quod tendimus: ad hoc nati sumus, ad hoc, nisi nos quoque aberrauerimus, morituri, vt per mortem viuamus in æternum. de quo qui dubitet hunc ne hominis quidem appellatione dignum esse censemus. & plurimis quidem aliis in rebus pertinaces atque obstinati esse possumus, in eo vero, quod iam diximus, tenendo certa ac perfecta constantia est. quippe si neque in prosperis neque in aduersis de recto mentis statu nos deiici simus,

mus, in illis feroceſ nimis & elati, in hiſ hu-
 miles atque demiſſi, ita vt nec temperan-
 tiā nec fortitudinem teneamus. Ad quod
 euitandum, quid obſecro efficacius quām si
 Deum hinc interrupte huius perſeuerantiae
 vindicem, illinc ſeruat & remuneratorem ſta-
 tuamus? & præmium quidem cælum iſum
 atque immortalitatem, pœnam verò perpe-
 tuos apud inferos cruciatus? Hanc doctri-
 nam per diuinos ante homines inchoatam
 tandem Deus ipſe per Iesum Christum fi-
 lium ſuum & perfecit, & nobis omnibus re-
 uelauit. Vnde & immensus ob collatum
 tam inſigne beneficium amor, ſimul & me-
 tus, ne quem diligimus quoquo modo of-
 fendamus. Sed generofior amor eſt, qui
 caritatis vinculo aſtrictos ita nos Deo con-
 iungit, vt ab eo ſeparari nequeamus, animo
 ſemper in vtrunque parato, ſiue bona ſiue
 mala eueniant, vel illis frui, vel hæc tolerare.
 nempe cum persuasi ſimus, etiam mala quæ
 dicuntur, conuerti in bona ſi æquabiliter nos
 geramus. imò ne videri quidem eſſe mala,
 quæ folementa ſint exercendæ virtuti. In hoc
 veluti puncto coniſtit veritas, atque adeo
 omnis vitæ noſtræ actio huc referenda. Ita-
 que alter tibi ſupereret labor, vt quod huma-
 no abſ te more, quamquam elegantissime,

tamen

tamen profanè (dicam enim liberè) iam scriptum est, addito alio volumine paulo religiosius pertractetur. Hoc tenta mi Lipsi, & succedet. quamuis enim ita disertus es ut nemo magis, ipsa materia faciet te disertorem. Atque aderit Deus, augens istam tuam constantiam ne nouis huius saeculi nostri erroribus inuoluaris. Hæc precor, hæc optotum erit me tuæ fauentem gloriæ & saluti, pari studio ac beniuolentia complecti. Beauueris etiā me, si quod suis literis de te nuper Plantinus scripsit, peculiari epistola confimes: sed & de Iano Duza si quid simile forte intellexero, gaudebo plurimum. atque ea incident tempora quibus vos nostræ amicitiæ non pœnitabit. Idem opto de ceteris nostris literatis, quorum tu familiam ducis. Vale. Leodio Nonis Aprilis. Anno 88. I.

LXXXIV.

Ex litoris vides me hæc & celerius & fortassis etiam neglectius scripsisse, sed ignoscet perpetuus nostris in repub. occupationibus, quod futurum æquitas spondet.

E P I S T .

9

EPIST. XCVII. *Leodium.*

LÆVINO TORRENTIO

V. *Amplissimo s. d.*

LITTERÆ tuæ quām gratæ mihi acciderint, haud facilè effabor. Mitten-
tem intueor: scio ab eo viro, à quo nosci per-
honestum, non dicam compellari. Ipsas?
plenæ sunt fidæ cuiusdam beniuolentiæ &
salutarium præceptorum. Et fateor, de Con-
stantiâ meâ iure ita sentis. Aptare enim ve-
terem philosophiam ad Christianam verita-
tem volui: & in cogitatione cā totus dum
sum, illapsa & elapsa mihi quædam fortasse,
quæ illam magis sapiant quām istam. Non
pурgo. correctionem imò polliceor: & effe-
cturum me ut ad culmen illud veniam, à pri-
mo isto velut gradu. Ego enim seriò scio &
sentio, in vno Deo & filio eius Christo, qui
nos benignè redemit, liberauit, spem om-
nem positam humanæ salutis. Vias ad eam
perueniendi, expressas in Sacris litteris. nec
hæc externa omnia, & Philologa siuc Philo-
sophia, aliud esse quām accessiones quasdam
& ornamenta: folia inquam, non fructus.
Quod iudicium meum in isto ipso de Con-
stantiâ libro in fronte apparebit: qui iam ite-
rum sub Plantiniano prælo. At Seneçam

Q. 2

& Stoi-

& Stoicos admiratus sum. Certè. sed non ut
qui verum, me iudice, viderint: sed qui pau-
lo magis tamē in iis tenebris oculos aperue-
rint, quām ceterum vulgus. De immorta-
litate nostrâ aut malè aut timidè senserunt
& scripserunt: esto. (etsi disputari eā de re
potest) dcum tamen aspice: quæ secta aut il-
lum magis aperuit & homini inseruit, aut ea
quæ ad ipsum? maiestatem dico eius, prouin-
dentiam, gubernationem, & curam nostri.
Quem primum limitem esse ad cognitio-
nem & amorem veri dei, nemo negat. Hac
mihi sectam illam non probam prorsus fece-
runt (absit:) sed probabilem tamen supra ce-
teras, quæ magis humi & circa hominem re-
punt. Iam de moribus & animorum lustra-
tione, quis Senecæ, Epicteto, Arriano (quan-
quam ille, Epictetus alter est, & loquitur ferè
eius verbis) hâc parte præponendus? Multa
& præclara Plato, confiteor, multa Aristote-
les: sed non robore eodem aut neruis. Spi-
rat nescio quis calor in Senecæ aut Epicteti
scriptis, qui ad lectorem quoque peruenit:
nec differere illi magis de virtute videntur,
quām inserere & inculcare. Quod si vitâ
cam & factis non expressere: quid mira-
mur? Veræ fidei & veræ lucis fulcrum il-
lud defuit: cui qui non innixus, necessum
est in

est in partem aliquam ruat. Et tamen hic quoque facilè peccari sentio, si quis eos nimis apud lubricam iuuentutem hanc miretur & laudet. Abstrahat enim à veris & legitimis illis animorum medicis, alliget ad agyrtas istos. quod cùm aliis, tum mihi quoque deinceps censéo cauendum. Non enim satis, ne ipse errem; sed nè alteri erroris causa. Itaque, vt illuc redeam, iure quædam in scripto illo meo desideras: & præsertim magis expressam pietatem. Quam ego, te hortatore & duce, non animo meo deinceps geram inclusam, sed proferam & præferam clarè in scriptis. Factum ante à me parcius, (si veram caussam vis) in hoc anci-
pitì statu rerum & varietate iudiciorum, metu offendionum. At ego te sequor: nec inuitus in placidum illud mare rapior ab hoc Torréte. Quod supereft, & te (vir maxime) ex animo amari & coli à me scito, & canam illam veritatem. De Dousâ hoc quoq. con-
firmo, virum modestissimum optimumque esse, & tui amantem. Plantinus ad nos re-
dierat: è quo speramus aliquid audituros de tuis scriptis. quæ æstimari magis à nobis scito, quām apud te promo. Vale. Lugd.
Bat. Prid. Nonas Maij. ००. I^o. LXXXIV.
Dominic. Lampsonium valdè velim à me

Q 3

salutes

salutes. cuius litteras accepi , at non illud quod in iis promissum. item Læuineum, sororis tuæ filium.

EPIST. XC VIII. *Lutetiam.*

I. LIPSIUS HENR. WILTIO S. D.

Q uod salui adueneritis , idque ex litteris tuis intellexerim , valde gratum. contrâ molestissimum audire , de morte Sigonij & Guilielmij. Sed ille præter ætatem nihil passus est , (canescebat enim:) & fructus vberes cepit & reliquit studiorum suorum. Iste noster , extinctus in ipso æui & ingenij flore. Feramus. & vereor ut hic annus fatalis sit ingenio non vni. Me quoque carpit lentè morbus : etsi mitior nunc paulò molliorque. Lutetiæ , siue in plerâque Galliâ totâ , pestiferam luem vigere audio: caue & fuge , quantum humaniter licet. Abstine à discursu , ab intemperie , luxu , & in primis ab insolenti illo Baccho. Nisi caues , fatum tibi per illam viam. Melissum istic esse , gaudeo : & magis si vsus tibi cum illo. Velim te in hâc peregrinatione innotescere viris , qui claritatis aliquid habent ab ingenio & scriptis. Hæc enim res ad tuam lucem. De Cuiacio quid est? Auaricinc agit? an

Lute-

Lutetiae est in consilio Regis? Ita nescio quis rumor ad me adfert. Tu hæc & talia scribes: quæ grata nobis scis intellectu. Eidem viro epistolam meam ostendere poteris ad Ianum Guilielmum (si tamen occasio erit) quia, si memini, quædam in eâ quæ ad illum. Aperi prius, & vide: & quod videbitur face. Sed ô illius alumni nostri ignauam ignauiam? itan' eum perdidisse aut proiecisse commissas litteras? At ego de superbiâ aut contemptu pericliter apud Memmum, Pincæum, Faucerium, quem Leidae olim nosti. Plura vetat languor: nec manus aut mens mihi satis prompta ad scribendum. Deum rogo te seruet, & augeat cum annis modestiam & virtutem. Scribe ad me quidquid ibi noui. Lugd. Bat. Kal. Decemb. 80. Io. LXXXIV.

I. Aurato viro & poëtæ summo, item Pasferatio à me salutem, ex animo & amore.

EPIST. XCIX. *Antwerpian.*

I O H. R O T A R I O S. D.

E t ipsæ litteræ tuæ, Vir prudentissime, mihi gratæ: & gratior caussa, quæ te impulit ad scribendum. Amor enim & humanitas est: quem nisi mutuum amem manantem à tam puro fonte, durus sim & in-

Q 4 huma-

humanus. Atque ego te , mi Rotari (verè & sine blanditiis dicam) iam antè inter iunctos habebam & inter caros. ita multa de virtute tuâ audiebam, & studio sapientiæ & doctrinæ. quod rarum inter tui ordinis homines, quibus^{*} pennatus ille deus carior est quam^{*} laureatus. Nunc autem à te litteris tam amantibus prouocatus , sequar in hunc amicitiæ campum, nec vinci me patiar officiis , quæ ab animo quidem sunt & affectu. Constantiam nostram à te probari gaudeo. & magis illud, quod significas te iam olim in studiis his Sapientiæ deditum: quæ speni scio à quibusdam ut superuacula, & in quibus parum ad virtutem momenti. Sed errant. quoniam etsi à diuinis litteris verum omne robur, & purâ luce nos perfundi fatear pietatis: sunt tamen hæc iuxta diuinum verbum adminicula quædam, quibus dirigi & firmari possint vacillantes isti gressus. Nam quin castè & cautè Philosophiæ vtendum sit, non abnego : eaqué ad normam & velut lapidem exploranda cælestis legis. cum quā tamen consentire pleramque eam (dico quæ de Moribus est) quis item neget? In Platone , Trismegisto , Epiceteto , Arriano, altas præclarasqué multas voces reperio. quid refert à quo cæ profusæ , si ab uno illo spiritu

Verita-

^{*}Mercurius.

^{*}Phæbus.

Veritatis? Quem inspirasse, vbi libuit, prisca illa etiam pectora, & oracula edidisse per homines vanos & profanos, nihil ambigo. Inter vetustissimos Iobum vide. quem è gente electâ fuisse non censem, & tamen scripsisse omnia electa. Mercurium illuminer maximum, quem dixi. mysteria in eo multa & arcana nostræ legis; et si Ægyptium fuisse traditum sit, nec imbutum veris sacris. Idem in Philosophis est, & omni illa scholâ quæ à Socrate. quorum scripta notas non obscuras & scintillas præferunt clari illius ignis. Itaque ut in prælio, non gladiis solum & grauioribus telis res geritur, sed etiam funditorum quedam opera & leuis armaturæ est: sic in hac nostrâ contra vitia & adfetus militiâ, non solum illo penetrante Verbi mucrone, sed etiam philosophorum hastis & sagittis aptè interdum & utiliter pugnabimus. Sed digredior. & tu fortasse aliquid de repub. item nostrâ exspectas, ut remunerer te hâc quoque parte. Sed quid scribam? lenta hic omnia, non læta: & videntur res nostræ velut in vado quodam adhærescere. idque eo tempore, cum velis & remis festinandum sit. Nam qui in nos pugnant, quos progressus cottidiè faciant, vides. Remedium hîc mutatâ reipub. formâ

Q. 5

& ab

& ab uno capite queritur. utinam utiliter!
 Sed vix spero. ita multi palam , plures dissident occulte. A labe eam quae Flandriam corruptit , immunis nostra Batauia non est : & hic quoque varia iudicia & discidia animorum. Ita vereor ne rebus nostris fractis & labentibus *extremum malorum* (vt Tacitus noster ait) *discordia quoque accedat*. Quod si fit, conclamatum est : & exsequias Belgicæ, quibus commodum est, ite. Sed haec sunt illa, aduersus quae Constantia nos munit: & in cuius præsidio ego quidem acquiesco. De falso Cicerone illo , gaudeo tibi probari iudicium nostrum. Illud miror , Italos fuisse tam obesæ naris : à quibus, si deo placet, aureus ille partus. De Boulenio & Panhuisio, faciam sedulò : & si quid aliud erit , in quo gratum facere tibi tuique similibus possim. Salue. & per te Iohannes Viuianus , vir planè bonus & poëta. Lugduni Batauor.
xiv. Kal. Ianuar. 15. lxxxiii.

E P I S T . C. Antuerpiam.

P E T R O E G M O N D O S. D.

GRATULATIONE me expectas? increpabo. Tunc Româ recens redieris, & tribus verbis ad Lipsium? idque post bienium,

nium , & illo ipso biennio per silentium elapsò ? Certè tuum. non enim ego etiam silens, qui ad te crebrò, ad Bensium etiam, & ad Wincelium dedi. At nunc, tanquam in oculis mihi & ore assiduus, ita languidè scribis & quasi inops rerum. Quin si de te nihil & itinerum euentu : saltem de manu illâ nostrâ aliquid litteratorum ? quid Fulvius, quid Muretus, quid meus Bensius actitent, & illi velut patres litterarum ac Senatores? quid iunior alia soboles , qui succrescunt? Non enim effætam nunc ingeniorum Italiam censeo, illam nutricem eorum olim & parentem. Hæc peccasti. &, ut spem imò viam veniæ ostendam , purga. Quod fiet vnâ re, si priores illas litterulas delebis & obrues, grandi aliquâ epistolâ , longâ, latâ. & quod magis latâ , magis lætâ. Viuere ego prorsus illam nolo , nisi vitam ei dat altera magis vegeta; magis viua. Talibus enim alloquiis egeo , ô Egmonde , in torpido hoc morbo. qui me, annum & tres ipsos menses, iam tenet; nec notus quidem adhuc planè medicis, adeò non remotus. Ardores viscerum sunt & interni æstus, haud procul ab Hypochondriacâ melancholiâ: nisi quod mens & caput mihi sana. quæ tentari tamen & lædi per eum morbum non te,

credo,

credo , fugit. Similis aliquis languor fuit,
qui magnum Laurentium illum Medicem
tenuit & citò abstulit , sed per imperitiam
medicorum. Nam aliás, ad mortem non ita
præceps. Ego omnibus armis in eum pu-
gno, & præcipue auxilio Nympharum (fri-
gida enim in potu & esu mirè iuuant:) & ali-
quid sanè proficio : nisi quod ad extremum,
vereor ut suppeditet me tam pertinax hic lu-
ctator. Viētus enim aliquoties non vinci-
tur , deiectus non cadit, fugiens non cedit.
Antæus aliquis est : —ab ipso . *Sumit opes*
animumq; casu. Et profecto Terræ illa pro-
genies, ducet me ad terram. De me habes.
nam de studiis , scilicet in languore hoc lan-
guent. Tu autem quid? Grudiosne cogitas,
& illic honorem? Fauco, & voueo. illud
miror, in eādem togâ candidâ tecum con-
spici homines tam nigros. Etiámne ille ab
Lutetiâ huc adspirat? O frontem, frontem!
Nec tamen illum nimis culpo (perseuerat
enim esse quod fuit:) magis illos , qui fle-
stant & inclinant se ad tam curuos. Adeò
nulla ibi alia Doctorum seges? O vrbs mihi
olim amata & culta, misereor. tenebræ &
infamia tibi , per tam obscuros , tam infa-
mes. Tu autem, si me audis, obdura & for-
titer age. peruinces , si inter suffragatores
aut

obui

aut arbitros, vlli mediocriter boni. De migratione nostrâ siue transitu: amicè tu. nescio an ex famâ meâ, an ex vsu. Inter hirundines istas ego? æstates aliquot otij & pacis hîc egimus: vis mutem ad ingruentem primam nimborum hiemem? non decorè, fortasse nec prudenter. Perpetuum enim serenum in illâ parte quis mihi spondet? Obscura certè, mi Egmonde, hæc talia: in quibus vetus illud Tiberianum decretum iure nobis placeat, ut *confilia, quibus impares, fato permittamus*. Homo hîc quid videt? desipit maximè, qui sapit maximè. & solus ille æternus æthereusque oculus est, qui hos cœntus cernit, decernit, & dirigit sæpe præter omnium mentem. Illi ego hæc & me permitto, & clamo ex animo hoc vetus:

*Αγε δέ μ' ὁ Ζεύς, καὶ σύ γ' ἡ πεπεριέντη.

<sup>*Tu Jupiter
me discito, &
Fatalitas.</sup>

Quod olim in tempestate animosus ille nau-ta iactabat, ὅρθαν τὰν ναῦν: id mihi vnum curæ ut possim, ὅρθὸν τὸν νῆρον, in fluxu & flexu isto rerum. Hoc ad me, hoc in me: suprà me illæ curæ, abite, valete. Interea tamen nec prisci moris(boni quidem) nec patrij amoris exsulem me scito: facturumque ea semper quæ fecisse boni gaudeant, nec culpent illi- ipsi qui culpant. Si enim virtutis vllius; certè modestiæ & quietis studium apud me est, erit-

est, eritque. Tu vale mi Egimonde: & quoniam vetera amas, me etiam ex veteri fide ama. Lugduni in Batauis. xi. Kalend. Novemb. 88. I o. L X X V .

Clarissimum Iurisconsultum & Antecessorem Iohannem Wamesium, si occasio tibi, à me saluta. virum prudentem, doctum, & (quod expertus sum) in virtutem & litteras valde prorum. Noueris virum; admiraberis, scio. ille te; amabit. Idem cupio & censco de Antecessore Philippo Suerio.

F I N I S.

C O M M I S S A V E L O M I S S A

S I C C O R R I G I T O.

Pag. 12. lin. 7. *επιφυ*, scrib. *επιτην*. pag. 26. lin. 7. *επιφυ* *scru*s, scrib. *επιφυ* *scru*s. pag. 78. lin. 16. *nouarum*, scrib. *bonarum*. pag. 112. lin. 10. *demittas*, scrib. *dimittas*. Ibid. lin. 12. *nos*, scrib. *meos*. Ibid. lin. 19. *tamen oculos*, scrib. *Cum oculos*. pag. 196. lin. 18. *Princeps?* dele notam interrogatoriam. pag. 151. lin. 18. *Antwerpian*, scrib. *Lugd. Bat.* pag. 162. lin. vlt. *sua certam*, scrib. *velut certam*.

PRIVILEGIVM GALLIA-
RVM REGIS.

C A V T V M H E N R I C I I I I . Galliarum Regis Pr̄-
uilegio, ne quis in omni eius regno libros totos, aut in par-
te, quoscunque Christophorus Plantinus aut nouos excuderit,
aut veteres, sed correctos siue illustratos, aut adnotatos, eosce
sterum excudat, excudi faciat, aut excusos vendat, idq̄ intra
sexennum à cuiusque libri editione. Id autem hoc fine, ut
ne idem Plantinus, laborum suorum, sumptuumq̄ meritisimis
fructu primeretur, cogaturq̄ tandem intermittere aut omittere
laudabile suum munus, cum detimento reipub. litteraria, &
doctorum. Qui contrā fecerit, sciat paratam librorum con-
fiscationem, aliásque pœnas siue multas, qua Regiis Edictis
continentur. Cum lege tamen, ne iidem libri quicquam con-
tineant, quod vel Religioni Catholica Apostolica Romana,
vel huius regni statui aduersetur. Atque huīus Edicti exem-
plar cū fronti aut calci cuiusque operis apponetur, nul-
lus typographorum siue bibliopolarum ullam ignorantia cau-
sam pratexat. Datum Fontibellaqua, quinta Augusti.
M. D. LXXXII.

Signat.

Per Regem

De Neufville.